

# Mataio

---

Yesugât hakulupŋe yâk yengât kot.

**1** <sup>1</sup>Yuda luâk âmbâle areyengât hakuyeŋe kotŋe Abraham yâkgât bâgiŋe siâ kotŋe Dawidi aregât bâgiŋe siâ kotŋe Yesu Anutuŋe huŋgunanŋo giep amâ yâkgât hakulupŋe are kotyeŋe hin. <sup>2</sup>Ulik ulik luâk kotŋe Abrahamŋe nanŋe kotŋe Isaka miep. Isakaŋe humo akmâ âmbâle mendo nanŋe kotŋe Yakobo miep. Yakoboŋe humo akmâ âmbâle mendo nanŋe kotŋe Yuda miep. Akto nananŋupŋe siânba meyegep. <sup>3</sup>Akto Yudaŋe humo akmâ âmbâle kotŋe Tama erânŋe mendo nanlogâtŋe lâuwâ meyeleget, kotyetŋe Perese akto Sera. Akto Pereseŋe humo akmâ âmbâle mendo nanŋe kotŋe Hesoroŋ miep. Hesoroŋŋe humo akmâ âmbâle mendo nanŋe kotŋe Ram miep. <sup>4</sup>Ramŋe humo akmâ âmbâle mendo nanŋe kotŋe Aminadaba miep. Aminadabaŋe humo akmâ âmbâle mendo nanŋe kotŋe Nasonŋe miep. Nasonŋe humo akmâ âmbâle mendo nanŋe kotŋe Salamoŋ miep. <sup>5</sup>Salamoŋŋe humo akmâ âmbâle kotŋe Rahaba mendo nanŋe kotŋe Boasi miep. Boasiŋe humo akmâ âmbâle kotŋe Ruti mendo nanŋe kotŋe Obede miep. Obedeŋe humo akmâ âmbâle mendo nanŋe kotŋe Yese miep.

<sup>6</sup>Yeseŋe humo akmâ âmbâle mendo nanŋe kotŋe Dawidi miep. Dawidiŋe luâk koldâ akmâ malep. Sop ain Dawidiŋe Urigât âmbâle kambut mendo nanŋe kotŋe Salomo miep. <sup>7</sup>Salomoŋe humo akmâ âmbâle mendo nanŋe kotŋe Rehabeam miep. Rehabeamŋe humo akmâ âmbâle mendo nanŋe kotŋe Abia miep. Abiaŋe humo akmâ âmbâle mendo nanŋe kotŋe Asa miep. <sup>8</sup>Asaŋe humo akmâ âmbâle mendo nanŋe kotŋe Yosapata miep. Yosapataŋe humo akmâ âmbâle mendo nanŋe kotŋe Yoram miep. Yoramŋe humo akmâ âmbâle mendo nanŋe kotŋe Usia miep. <sup>9</sup>Usiaŋe humo akmâ âmbâle mendo nanŋe kotŋe Yotam miep. Yotamŋe humo akmâ âmbâle mendo nanŋe kotŋe Ahasi miep. Ahasiŋe humo akmâ âmbâle mendo nanŋe kotŋe Hisikia miep. <sup>10</sup>Hisikiaŋe humo akmâ âmbâle mendo nanŋe kotŋe Manase miep. Manaseŋe humo akmâ âmbâle mendo nanŋe kotŋe Amoŋ miep. Amoŋŋe humo akmâ âmbâle mendo nanŋe kotŋe Yosia miep. <sup>11</sup>Yosiaŋe humo akmâ âmbâle mendo

nanje kotje Yekonia miep. Akto emilupje meyegep. Akto sop ain kepia humo kotje Babilonj aregât ambolupjande togom Yuda luâk hikom meyege. Akto luâk âmbâle meyekmâ purik katmâ kewuguyekbiâ Babilonj kepijan arim hoj bawa akyengim mali.

<sup>12</sup>Babilonj hânân mali aregât kakjân Yekoniaje âmbâle mendo nanaj kotje Salatje miep. Salatjeje humo akmâ âmbâle mendo nanaj kotje Serubabe miep. <sup>13</sup>Serubabeje humo akmâ âmbâle mendo nanaj kotje Abiudu miep. Abiuduje humo akmâ âmbâle mendo nanaj kotje Eliakim miep. Eliakimje humo akmâ âmbâle mendo nanaj kotje Aso miep. <sup>14</sup>Asoje humo akmâ âmbâle mendo nanaj kotje Sadoko miep. Sadokoje humo akmâ âmbâle mendo nanaj kotje Akim miep. Akimje humo akmâ âmbâle mendo nanaj kotje Eliudu miep. <sup>15</sup>Eliuduje humo akmâ âmbâle mendo nanaj kotje Eleasa miep. Eleasaje humo akmâ âmbâle mendo nanaj kotje Mataj miep. Matajeje humo akmâ âmbâle mendo nanaj kotje Yakobo miep. <sup>16</sup>Yakobeje humo akmâ âmbâle mendo nanaj kotje Yosepe miep. Are humo akmâ Mariagât dâtâje dâmbiâ malep. Akto Mariaje Yesu miep yâk âmâ, “Anutuje hungun ajdo giep.” hain dâmaen. <sup>17</sup>Akto hain miawakmâ gayi, are Abraham yâkgâlânba miawakmâ gam Dawidi miawagep are luâk kâmotje kâmotje miawakmâ gambiâ gambiâ luâk kâmotje 14 agep. Akto luâk kotje Dawidi ainba gam Babilonj hânân mali are âmâ luâk kâmotje kâmotje miawakmâ gambiâ gambiâ akai hainâk 14 agep. Akto ainba gam Anutuje nanaj Kristo hungun ajdo gem hânân miawagep are âmâ kâmotje kâmotje miawakmâ gambiâ gambiâ akai hainâk 14 agep.

### Yesu miawagep.

<sup>18</sup>Akto Anutuje Yesu Kristo hungunajdo gem Mariagât tepjân meawakto Mariaje miep aregât keje amâ hin tatâp. Memeje Maria amâ Yosepegât dâtâje malep. Ikijeâk ikijeâk manbela âmâ Anutugât Wâtjande memeje agajdo luâkje olop bo peniangim maliat. Yân potalakmâ manbela âmâ tepje agep. <sup>19</sup>Tepje agep aregât Yosepeje Anutugât den lokom malepgât biwiñande hin nângâep, “Nângât dâtâje luâk siâje miep gârâmâ luâk unduwâk dewunyeñân watere ajun aŋgiwop dâm aregât yoñâk watbe.” hain nângâep. <sup>20</sup>Hain akmâ benje aregât nângâm mando asiñân Humogât ajelo siâje hin dâm magajep, “Yosepe gâ Dawidigât hakuje hin makgindere nângâ. Anutugât Wâtjande meme agajdo Maria tepje aktâp aregât memberâm hanâk han lâuwâ bo akben. Hanâk olojmâ emetgân katmâ siân memben. <sup>21</sup>Dâ hinje âmâ bo mendâlân Anutugât Wâtjande meme agajdo nanaj membiap amâ yâkgât kotje Yesu dâm konben. Akto kot aregât keje hin. Yâkgât kâmot bâlaje akmai aregât dosa pulimbo aregât Anutuje yekto huraguwiap.” Ajelone hain dâm magajmâ hepulep. <sup>22-25</sup>Hain dâm

maganmâ hepundo Yosepeje agatmâ den are lokom Maria gala aganmâ malep. Hain mando nanje mendo Yosepeje kotje Yesu dâm kolep. Akto ainba peniangim maliat. Akto Anutuje aregât keije miawagâk dâm uliknân makto Propete siâne hin kulengoep, “Âmbâle sigan siâne nanje siâ membiap aregât kotje Imanue dâm konbai.” dâm kulengoep. Kot aregât keije amâ hin, Anutuje nen olop manmap.

**Luâk nângâ nângârâje Yesu nanañ togom egi.**

**2** <sup>1</sup>Luâk kotdâ siâ kotje Herote are malep sop ain Maria akto Yosepe Betelehem kepia Yudaia hânân talewân ain manbela Mariaje Yesu miep. Mendo manbiâ luâk nângâ nângâyeje olop diâgât keije nângâyiye dewutâ gaganângenba togom Yerusalem kepia Yesu miawagep aregen togom ambolupje aiyengum hin dâyi, <sup>2</sup>“Nanañ siâ Yuda yengât kembu miawagep aregât diâ kâmje dewutâ gaganângen ain miawakto ekten. Ekmâ kotje mem agatne dâm diâ watmâ hân kâlewângenba togoen aregât emet yâten miawaktâp?” hain dâyi. <sup>3</sup>Hain dâmbiâ luâk kotdâ Herote arekje hamep akto kepia ambolupjande nângâm sân sân meyi. <sup>4</sup>Akto Heroteje sumbe kat kat luâk areyengât humomolupyeje akto Mosegât den kârikje makmâ kepigi are mem mendugu yekmâ hin dâm aiyenguep, “Yeje Anutuje huñgun aņdo gewiap arekje kepia wânângen miawakbiap dâmai?” hain dâm aiyenguep. <sup>5-6</sup>Hain dâm aiyengumbo hin dâyi,

“Anutuje makto propete siâne hin kulengoep, “Luâk kembu siâ Betelehem kepia bâlensiâ Yudaia hânân talewân ain miawakbiap. Miawakmâ manmâ nângât kâmot Israe luâk âmbâle yengât kautyeje manmâ damunyeje akbiap aregât Betelehem kepia bâlensiâ aregât nângâmbiâ agatbiap.” den hain kulengoep aregât Anutuje huñgun aņdo gewiap yâkgât hin nângâen Betelehem kepien Yudaia hânân miawakbiap.” dâyi.

<sup>7</sup>Den hain dâmbiâ Heroteje nanañ are hombañ amon agep aregât nângâwerâm luâk nângâ nângâyeje olop diâ keije nângâyi are yoñâk mem oloņyegep. Oloņyekmâ diâ miawagep aregât soggât aiyenguep. Aiyengumbo sop maganbiâ hin makyengiep, <sup>8</sup>“Betelehem kepia ain ariņet. Ain arim yeje kârikje akmâ nanañ are undâgât mâ mem miawakmâ âmâ togom kepia yâgâten miawagep are makniņbiâ nâkâ hainâk arim âmâ kotje mem agatbian.” dâm heyengiep.

<sup>9</sup>Hain dâm heyengimbo ariyi. Dâwân arim dewutâ gaganângen hân yejângen diâ kâmje are miawakto egi are siâkâ miawakmâ pagaleje yengimbo watmâ arimbiâ nanañ talep aregât emet kaknân kârigem talep. <sup>10</sup>Tato ekmâ aregât kambiamyeje herone humo nângâyi. <sup>11</sup>Akto emelan âgâm Mariaje nanje tambogo akmâ tato yelekmâ nanje okot âlep aganmâ pâwutyeyeje ligim kotje mem agali. Mem agatmâ

ito lândem katmâ tâwât dewunje siâ me siâyene mem togoyi are akto goli akto lâwin hâkne âlepne are akto lâwin hâkne siâ siâ are wanji. <sup>12</sup> Wanmâ tatmâ asinj yem hin egi. Anutuje Herotegâlân bo purik katnet dâm asinjân miawakyeŋgimbo agatmâ dâp siângenba purik katmâ kepiayeŋângen ariyi.

<sup>13</sup> Purik katmâ arimbiâ Yosepeje asinj yendo Kembangât aŋelo siâje miawaganmâ hin dâm maganej, “Nâŋgât. Heroteje Mariagât nanje moâk dâm komberâm aregât undâgâtmandâp aregât agatmâ nanaŋ meŋâi meyelekmâ Aigita hânân arim nâŋgât dengât lâmgom manben.” dâep. <sup>14</sup> Hain dâmbo Yosepeje agatmâ nanaŋ meŋâi meyeleкто hândâkŋânâk Aigita hânângen agatmâ ariyi. <sup>15</sup> Akto ulikŋân Humoje den siâ propete siâgât biwiŋân kato kulemgoep are hin, “Nâje nanne konmâ oloŋdere Aigita hân hepunmâ purik katmâ togowiap.” den are bunje agep aregât Yosepeje Herote mombiawân âmâ purikatbian dâm Aigita hânân lâmgom malep.

### Heroteje makto nanaŋ gurukne yeŋguyi.

<sup>16</sup> Akto luâk diâgât keiŋe nâŋgâyiŋe Herote are bo miawaganmâ arimbiâ nâŋgâm biwiŋe bâlimbo kuk agep. Akto luâk diâ keiŋe nâŋgâyiŋe Kotdâ Nanje miawagep aregât sop dâm miawakmâ maganji aregât nâŋgâm tembe luâklupne are huŋgun yeŋgimbo Betelehem kepia ain ariyi. Arim are ewumâk ewumâk kepia bâleŋ maleŋ tali ain nanaŋ miawagi are hombaŋ lâuwâ bo akyeŋgiep are hârogâk yeŋgumbiâ moyi. <sup>17</sup> Akto emelâk propete Yeremieje den hin kulemgoep are bunje agep,

<sup>18</sup> “Siân âmbâle siâ kotje Rahe yâkgât hakulupne Rama kepiân manbai are siânbaŋe nanaŋlupyeŋe yeŋgumbiâ mombai aregât nâŋgâm inde humo indewai. Aregât luâk âmbâle bikŋande kambiamyeŋe sândugeâk dâm okot âlep akyeŋgimbiâ kambiamyeŋe bo sândugewiap.” hain dâm kulemgoep.

Den are bunje akto Heroteje makto nanlupyeŋe yeŋgumbiâ memelupyeŋe Rama kepiân Betelehem ginŋân talep ain indeyi.

### Herote mondo purik katmâ togoyi.

<sup>19</sup> Akto Herote mondo, Yosepe Aigita hânân manmâ giwet ekto Humogât aŋelo siâje miawakmâ den hin maganej, <sup>20</sup> “Emelâk gasa akyeŋgim Mariagât nanje kone dâm agi are hârok moyigât agatmâ nanaŋ meŋâi meyelekmân Yudaia hânân purik katmâ ariŋet.” dâep. <sup>21</sup> Hain dâm hepundo Yosepeje nanaŋ meŋâi are meyeleкто Yudaia hânân purik katmâ togoyi. <sup>22</sup> Purik katmâ togombiâ den hin dâmbiâ Yosepeje nâŋgâep, “Herote are mondo nanje kotje Akelao are eweŋaet gewâkŋân kinmâ Yudaia yeŋgât luâk kotdâ mandâp.” dâmbiâ nâŋgâep. Den are nâŋgâm hamewakmâ Yudaia hân ain manberâm han lâuwâ agep.

Hain akto giwelân Anutuŕe miawagaŕmâ maganŕo Yudaia hân hepunmâ Galilaia hânân ariyi. <sup>23</sup>Galilaia hânân arim kepia siâ kotŕe Nasarete ain arim mali. Ain arim manbiâ aregât umbuŕân Anutugât propetelupŕande den kulemgoyi aregât bikŕe hin tatâp, “Yâk âmâ Nasarete kepia ain gâtŕe.” hain tatâp. Den are bunŕe akto Yesuŕe Nasarete kepiân malep.

**Yohaneŕe âi keiŕe katmâ den dâm makyenŕiep.**

**3** <sup>1</sup>Aregât hamiŕân Yohane tu puli puli luâk yâkŕe âi keiŕe katmâ Yudaia hân kamitŕânŕen arim mando luâk âmbâle ekberâm arimbiâ hin dâm makyenŕiep, <sup>2</sup>“Anutuŕe damunyeŕe akberâm aktâp aregât agak memeyeŕe bâleŕe makmâ miawakmâ panmâ han biwiyeŕe purik katŕet.” hain dâm makyenŕiep. <sup>3</sup>Akto ain manmâ den dâm makyenŕimbo aregât emelâk propete kotŕe Yesaiaŕe hin kulemgœp den are bunŕe agep.

Hân kamitŕânŕen luâk siâ hin dâm tatbiap, “Ye kotdâgât dâp are megatŕet. Akto gimbâŕe ukuleŕe me kundet kokoŕe hâgâm kigilikmâ ârândân ketugumbiâ dâp huraguâk.”

Den magep are bunŕe miawakto Yohane miawagep.

<sup>4</sup>Akto Yohaneŕe âmâ hâk pekeŕe siâ soŕgo kamele aregât dumutŕande mendugum paruli are mem luguakmâ malep. Akto himbân tâkŕe siâ lalep. Akto sotŕe âmâ mumak koaŕe akto duki kotŕe kendemuŕ are nem malep. <sup>5</sup>Hân kamitŕânŕen are mando Yudaia hân ambolupŕe akto Yerusalem aregât ambolupŕe akto Yodaŕ tu biken biken tatmâ ariyi aregât ambolupŕande kepia ainba denŕe nânŕâne dâm yâkgâlân togom menduguyi. <sup>6</sup>Mendugu akmâ tatmâ yeŕaet agak memeyeŕe bâleŕe are makmâ miawakmâ panbiâ meyekmâ Yodaŕ tuân meyekmâ gem tu puliyekminep.

<sup>7</sup>Akto Parisaio akto Sadukaio are yeŕgât kâmolân gâtŕe luâk âmbâle dondâŕe tu pulinenegâk dâm yâkgâlân togombiâ yekmâ hin dâm makyenŕiep, “Ye âmâ niambigât kâmot. Bundâk biwiyeŕe purikato togoâi me? <sup>8</sup>Agak memeyeŕe bâleŕe are panbiâ âmâ han biwiyeŕe Anutugâlânâk kindo aregât bunŕe hainare âlepŕeâk akmâ biwiyeŕe irakŕeâk manŕet. <sup>9</sup>Akto biwiyeŕande hin bo nânŕgâŕet, “Nen Abrahamgât kâmot manden.” hain bo nânŕgâŕet. Aregât maktere nânŕgâŕet. Anutuŕe dâwiap, “Kât irekŕe Abrahamgât kâmot miawakŕet.” dâmbô âmâ âlepŕe miawakbai. <sup>10</sup>Akto hâuŕe ye yeŕgiwiap, aregât den ginŕe siâ maktere nânŕgâŕet. Luâk siâŕe unam are emelâk dâtŕe hâwim lâwin keiŕân kalep are lâwin siâ bunŕe bo yendo kârâm pando gembo kâlâwân ombiâ ombiap.

<sup>11</sup>Akto agak memeyeŕe bâleŕe makmâ miawakmâ hepunbiâ âmâ biwiyeŕe Anutu ikiŕaelân ari kindo aregât nâŕe tuân katyekberân. Hain katyekmâ mandân are âmâ luâk siâ haminânŕen togom mandâp aregât kâririkŕe humo talaŕdâp. Yâk âmâ luâk Kotdâ. Dâ nâmâ luâk yânŕe aregât

nâñe yâkgât ito are mem gâunmâ goliañbeangât dopñe bo. Yâkñe âmâ Anutugât Heak akto kâlâp puliyekbiap. <sup>12</sup>Yâk gagap urutbiapgât mem togom sot koko welamñe ain gagap urutmâ hengemgom âmâ sot bunñeâk kepilâm emelan kato tatbiap. Dâ gagapñe âmâ urutmâ ondo kâlâwân ombiap.” hain dâep.

### Yohaneñe Yesu tu puliep.

<sup>13</sup>Sop ain Yesuñe Galilaia hân hepunmâ arim Yodañ tuângen ariep. Arim Yohaneñe tu puli negâk dâm ariep. <sup>14</sup>Arim Yohane magañdo Yohaneñe nâñgâmbô umatñe akto Yesugât den are mem ge katbe dâm hin dâep, “Gâñe nâ tu pulinekberâm nâñgâlân togoât are ârândân bo aktâp. Gâñe âmâ nâ tu pulinekmenâ dâine ârândân akbop.” <sup>15</sup>Hain dâmbo dâep, “Uñak Anutuñe nâñgâp aregât nâñgâmenâ umatñe bo agâk. Akto netñe Anutugât den lokoetñe aregât Anutuñe nâñgâmbô ârândân akberâp.” hain dâep. Hain dâmbo Yohaneñe nâñganep. <sup>16</sup>Nâñganmâ tu pulimbo agatmâ âgâmbô ainâk himbim dâpñe pâronñ âgâmbô Anutugât Heak arekñe lâut kotñe kembâ hain are akmâ Yesugât kakñân gembo egep. <sup>17</sup>Gembo ainâk himbimânba Anutuñe den siâ hin dâep, “Ekñet. Imâ nâñgât nanne. Kambiamne are yâkgâlâk nâñgâm manman aregât ekmâ ukenñe nâñgân.” dâep.

### Hiañgi Amboñande Yesu dop kombo âmâ Yesuñe kârikñe agep.

**4** <sup>1</sup>Akto sinduk baniara bâleñe yengât humoyeñe Hiañgi Amboñe arekñe Yesu biwiñe dop kowerâm agep aregât Anutugât Heakñe Yesu oloñdo hân kamitñângen ariep. <sup>2</sup>Ain arim sot bâlâk mando hilâm hândâk 40 bo akto mopñe dondâ aguep. <sup>3</sup>Mopñe agumbo âmâ Hiañgi Amboñe arekñe yâkgâlân arim hin magañep, “Gâ bunñe Anutugât nanñe mandât akto mopge aguâpgât makmenâ kât irekñe sot akto ne.” hain dâm magañep. <sup>4</sup>Magañdo Yesuñe hin dâep, “Bo. Anutuñe den hin makto kulemgoyi are yendâp, “Luâkñe sotgâlâk dâm mando âmâ manmanñe bo miawakbiap. Anutugât denñe mem lokomâk mando manmanñe ârândân akbiap.” hain kulemgoyi.” dâep. <sup>5</sup>Hain dâmbo Yesu mem Yerusalem kepia humoân sumbe kat kat emetñe talep aregât bokñân oloñdo âgâep. <sup>6</sup>Âgâ kato kindo hin dâm magañep, “Anutuñe makto siâ hin kulemgoyi tatâp, “Anutuñe kâlân gugum keige hârewopgât añelolupñe huñgun yengimbo mengekbiâ bo guguwerâp.” den hain tatâp aregât gâ Anutugât nanñe mandân dâmat amâ inba sopanmenâ añeloñe mengekñet.” dâep. <sup>7</sup>Dâmbo Yesuñe dâep, “Bâe. Hain bo. Anutuñe makto siâñe hin kulengoep, “Anutu Humoge bo dopkowen.” Den hain tatâp aregât lauge bo lokowerân.” dâep. <sup>8</sup>Hain dâmbo mem gimbâñe kâlep siân oloñdo âgâep. Âgâm kindo ain hânñe hânñe luâk kâmotñe kâmotñe kotdâlupyeñe manmâ ariyi are yengât kotñe egâlîañ siâ siâ keiñe keiñe are hekalanmâ hin dâep, <sup>9</sup>“Nâñe

ire hârok damunyeŋe akman. Aregât gâ ga okotnân kinmâ ulit niŋmâ nânġât nânġâmenâ agato damunyeŋe kat gektere damunyeŋe akbiat.” dâep. <sup>10</sup>Hain dâm magaŋdo Yesuŋe hin dâep, “Bâe. Hain bo. Anutuŋe den siâ hin dâep are tatâp, Anutu Humoge konok gala agaŋmâ hoŋ agaŋmâ akto ikiye den lokoanmâ kotŋe mem agatben. Den hain tatâp aregât ya maktât are bo lokowerân. Hianġi Amboŋe, gâmâ hepun nekmâ ari.” dâep. <sup>11</sup>Dâmbo hepunmâ ariep. Arimbo Yesu hân kamitŋangen tato aŋelolupŋe togom hoŋ agaŋmâ tângoyi.

**Yesuŋe Galilaia hânân ari manmâ Anutugât  
den dâm makyenġim malep.**

<sup>12</sup>Akto aregât kakŋân hân aregât luâk kotdâ Heroteŋe dâmbo Yohane mem lope kâlegen katbiâ talep aregât pat Yesuŋe nânġâm Galilaia hânânġen ariep. <sup>13</sup>Ain arim âmâ Nasarete kepia are hepunmâ Kapanaum kepien ain arim tatmâ malep. Akto Kapanaum kepien ain denġân humo siâ kotŋe Galilaia denġân aregât dâtŋân tatmap. Akto denġân are hân lâuwâ kotyetŋe Sebuloŋ akto Naptali are yetgât ginŋân tatmandat. <sup>14</sup>Akto Yesuŋe kepia ain ariep aregât emelâk Anutuŋe dâmbo propete Yesaiaŋe den hin kulemgoep are bunŋe agep,

<sup>15</sup>“Sebuloŋ akto Naptali hân are Galilaia luâk âmbâleŋe Anutu bo nânġanmai yâk yeŋġâlai denġân akto Yodaŋ tu biken tatmandat.

<sup>16</sup>Areyetgât ambolupŋande Anutugât bonânġâm manmai. Hain manbiâ biwiyenġe gisap agum hândâġân yendo pagalenġande siliŋ siliŋ dâm ewuyekto biwiyenġe pâroŋ âġâwiap. Akto ain hilip aguwai aregât pat katyenġiep yâk yeŋġâlân pagaleŋe humo miawakto biwiyenġe pâroŋ âġâwiap.”

den are hain tatâp. Den are bunŋe miawakto Yesuŋe ain malep.

<sup>17</sup>Ain manmâ keiŋe katmâ hin dâm makyenġiep, “Anutuŋe damunyeŋe akberâm aktâpġât agak memeyeŋe bâleŋe makmâ miawakmâ hepunŋet.” hain dâm makyenġiep.

<sup>18</sup>Akto sop ain arim Galilaia bâtgum ginŋân arim luâk lâuwâ emi teu iŋan oloŋmâ manbela yelegep. Siâ âmâ kotŋe Simoŋ kotŋe siâ Petoro akto emiŋe âmâ Anderea yâkŋe waŋgan kinmâ ŋalu ŋalu are bâtgumân iŋangât panmâ kiliat. <sup>19</sup>Akto Yesuŋe yelemâ hin dâm makyetkiep, “Yetŋe nânġâlân gambela arine. Hinŋe âmâ iŋangât âi mendat. Dâ nânġe âmâ tânyetkure luâk nânġât kâmot akbaigât âi membiandat.” dâep.

<sup>20</sup>Hain dâmbo ainâk dowâk wan me wan hârok hepunmâ Yesu olop arimbela mali. <sup>21</sup>Akto arim âmâ emiteu lâuwâ mem miawakyelegep kotyetŋe Yakobo akto Yohane yâk Yebedaioġât nanlogâtŋe. Ewewetŋe olowâk waŋgan tatmâ ŋalu ŋalu iŋangât are mem parutmâ heŋgemgom kili. <sup>22</sup>Kinbiâ Yesuŋe yetkondo dowâk waŋganba gem ewewetŋe hepunbela Yesu olop ariyi.

<sup>23</sup> Akto Yesu Galilaia hân are hâlânâmâ kepia bâlenj bâlenj den emetņe talewân ain âgâm Anutuņe damunyeņe akberâm agep den pat âlepņe aregât keiņe dâm makyenņiep. Akto luâk âmbâle kundat keiņe keiņe agi are hârok henņem yeņguep. <sup>24</sup> Hain akto den pat arekņe Siria hânângen sambelem arimbo nânġâm âmâ luâk kundat agi akto hâk hilâlâm olop mali are kâmotņe kâmotņe mem yâkgâlân oloņ yekmâ togoyi. Akto sinduk baniaranņe mem bâliyegi are akto dewun biri akmâ mali akto luâk kei bâtyeņe bâli bâliņe are meyekmâ yâkgâlân togombiâ hârok henņem yeņguep. <sup>25</sup> Akto Galilaia hân akto kepia bāt bip bip hârok ain tali kotyeņe humo siâ Dekapoli dâm koli are akto Yerusalem akto Yudaia hân akto Yodaņ tu biken ain luâk âmbâle kâmotņe kâmotņe mindugu akmâ Yesugâlân togoyi.

### Yesuņe gimbânġan miti makyenņiep.

**5** <sup>1</sup> Akto Yesuņe luâk âmbâle kâmot humo are yekmâ âmâ gimbânġe siân âgâep. Âgâ tato âmâ âi luâklupņe ginġân gambiâ <sup>2</sup> den hin dâm makyenņiep, <sup>3</sup> “Biwieņande yeņaet nânġâmbiâ gembo nen luâk yânņe manden hain nânġâmai amâ Anutuņe are yeņġât nânġâm himbimġât pat emelâk yeņgiepġât aregât biwyeņe heroņe agâk. <sup>4</sup> Akto bâleņaet nânġâmbiâ biwyeņe bâlimbo indem manmai are Anutuņe hâmbâi mem sândukġân katyekbiap aregât kambiamyeņe heroņe akto manbei. <sup>5</sup> Luâk lumbeņe manmai yâk yeņġât nânġâre âlepņe akmap. Yâkņe hân hârokgât ambo akbai aregât biwyeņe hinņe heroņe agâk. <sup>6</sup> Akto bikġande sotġât tugât umburuk akmâ âmâ tu sot areġâlâk nânġâmbiâ humo akmap dop hainâk âlepņe akneġât nânġâmbiâ humo akmap yâk âmâ tepyeņe pikto sândugewiap aregât biwyeņe hinņe heroņe agâk. <sup>7</sup> Akto luâk âmbâleņe yeņgumbiâ hâuņe bo memai amâ akbiâ âlepņe akmap amâ Anutuņe hainâk âlepņe akyeņġiwiap aregât biwyeņe heroņe agâk. <sup>8</sup> Akto biwyeņe Anutu ġâlânâk kinnâ kau kau akto ikinņe denņe lokom biwi lâuwâ bo akmâ manmai are âmâ Anutu dewunyeņande ekbai aregât biwyeņe heroņe agâk. <sup>9</sup> Akto biwyeņande gala konok manne dâmai are Anutuņe meyekmâ, “Nune nanne baratne.” dâmap aregât biwyeņe heroņe agâk. <sup>10</sup> Akto Anutuġât den lokom manbaen dâmbiâ gasalupyenande kuk akyeņġimai aregât hanâk denņe lokom manmai are yeņġât Anutuņe damun nenņe akmap aregât biwyeņe heroņe agâk. <sup>11</sup> Akto nânġât akmâ manmai are hâk hilâlâm yeņġim den bâleņe makyenņim hâkyeņe tunmai. <sup>12</sup> Hain akyeņġimbiâ âmâ ainâk hin nânġâwai, “Ulikġân Anutuġât propetelupņe are siânbaņe hanâk bâleņe akyeņġiyi dop hainâk hinņe hainâk bâleņe akneņġimai aregât siân hâuņe âlepņe manmâ himbimân membaen.” dâmai aregât biwyeņe heroņe agâk.

### Kâtembe aregât dop.

<sup>13</sup> Akto aregât den ginņe makyenņire nânġâņet. Nen âmâ kâtembe mem sot kakġân katenņe ukenņe akmap aregât dopņe hainâk akmâ yeâmâ



luâk âmbâle hut yeŋân manmai. Akto kêtembe are ukenŋe. Gârâmâ bo damunŋe akbiâ âmâ pâlamŋe akto âmâ gain gain lâuwâŋe ketugumbiâ ukenŋe lâuwâŋe akbiap? Are bo agakŋe. Arekŋe hin me hain agakŋe bo tatâp amâ yân kâim panmâ keinennande tâlimaen.

#### **Kemdâ pagaleŋe aregât dop.**

<sup>14</sup>Akto ye luâk âmbâle hânŋe hânŋe manmai are yeŋgât ululunŋe mandâi. Kepia humo siâ gimbâŋe tek tekŋân tatmap are heambukbiapgât dop bo tatâp. <sup>15</sup>Akto kemdâ are gauŋmâ katmâ âmâ bo mem heambukmaen are tek tekŋân katenŋe om pagalemba emet ambolupŋande pagaleŋe yeŋgimbo tatmâ manmai. <sup>16</sup>Aregât kemdâ pagaleŋe omap dop hainâk yeŋe Anutugât den lokom agak memeyeŋe âlepŋeâk akmâ manbiâ luâk âmbâle yânŋande yekbiâ ârândâŋ akto Eweyeŋe himbimân manmap aregât kotŋe nânŋâmbiâ humo akbiap.

#### **Yesuŋe Mosegât akto propete yâk yeŋgât den bo komberâm giep.**

<sup>17</sup>Akto siâ makbe. Yeŋe âmâ nânŋâ yâkgât hin dâmai me bo? “Moseŋe den kêrikŋe kulemgoep are akto propete yâkŋe den kulemgoyi are komberâm aktâp.” Nânŋgât hain nânŋâmai me? Nânŋe âmâ propete yeŋgât den are komberâm bo geân. Bo kêrikŋe. Nânŋe are yeŋgât den lokore bunŋe agâkgât geân. <sup>18</sup>Nâ bundâk makyenŋiwe. Hân himbim yembiandâ dopŋânâk den kêrikŋe yem âgâwiap. Ulikŋe siâ yem tik panbiapgât dopŋe bo. Are hârok bunŋe olowâk miawakmâ metewiap. <sup>19</sup>Aregât luâk siâŋe den kêrikŋe konok pânŋe siâ are loŋgaim âmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimgât kâmolân dewatim luâk gegeŋe manbiap dâwaen. Hain gârâmâ luâk siâŋe den kêrikŋe are lokom manmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimgât kâmolân dewatim âmâ luâk humo manbiap dâwaen. <sup>20</sup>Aregât makyenŋire nânŋâŋet. Yeŋe âmâ Anutugât den lokom manmâ Mosegât den kêrikŋe makmâ kepikmai are akto Parisaioŋe wan me wan âlepŋe akmai are bo ewangim âmâ himbimgât kâmot bo akbai.

#### **Kuk bo akbaen.**

<sup>21</sup>Bâgilupnennande den hin dâm kali, “Gânŋe luâk siâ bo komenâ mombiap. Dâ hain akbiat âmâ Anutuŋe denân katgekto dosa membiat.” hain dâm kali. <sup>22</sup>Hain gârâmâ nânŋe âmâ maktere nânŋâŋet. Luâk me âmbâle siâŋe galaŋaet kuk nânŋaŋbiap are Anutuŋe denân katbiap. Akto luâk siâŋe galaŋaet nânŋâmba gemap are humomolupyeŋande menduguyekmâ dâm makmâ hâreyenŋiwai. Akto luâk me âmbâle siâŋe galaŋaet nânŋâmba gembo biwi bâle akmâ heŋgân nânŋaŋmap are âmâ kâlâpŋat pat akmâ dosa umatŋe membiap. <sup>23</sup>Aregât hin dâre nânŋâŋet.

Yengâlân gâtje siâ me siâne Anutugât sumbe omberâm akmâ âmâ biwiņe kepik akto hin nânġawiap. Nâņe galane umatņe agañân aregât kuk akniņdâp. <sup>24</sup>Hain dâm sumbe are hepundo tato galaņaelân ariwiap. Arim den yetņe are makmâ ârândâņ ketugumbela bo akto ainâk purik katmâ arim sumbe are Anutugât pat ketugum onmenâ âlepņe ombiap. <sup>25</sup>Akto gasagande meņġekmâ kiapġâlân arim denân kat ġekmâ dâm hâregiņdo tembe lokolupņande meņġekmâ kala busiân katġekbâi aregât dâwân arim galage makmâ miawagaņmenâ yetņeak nânġâm gala agañgiwiandat. <sup>26</sup>Borâm hâre aņġiwiandat akto âmâ kala busiân katġekbiâ tatmâ âmâ yân bo ġewiat. Hâu hârok puligom kutigitbialân âlepņe ain ġewiat.

### **Gala siâġât âmbâle ekmâ bo egâliañbaen.**

<sup>27</sup>Akto siâ makbe. Moseņe den kârikņe kulengoep are hin dâmbiâ nânġâmai. Yengâlân gâtje siâne galaņaet âmbenņe ekmâ kakņe kom bo membiap. Hain dâmai. <sup>28</sup>Aregât nâņe âmâ hin dâre nânġâņet. Yengâlân gâtje siâne âmbâle siâ ekmâ memberâm nânġâm âmâ ikiņe biwiņande emelâk miep aregât dosa talaņdâp. Aregât den memeņe hin dâwe. <sup>29</sup>Gâ hememġât pat akbâtġât dewunġe bungenņe bâleņe membom dâm nânġâm âmâ dewunġe are ewum limbâpkowen. Hain akmâ dewunġe bikņe siâ are âlepņe akto manmenâ ârândâņ akbiap. <sup>30</sup>Akto hememġât pat akbâtġât hainâk bātġe bungenņe bâleņe akberâm akto âmâ hârem panben. Hain akmenâ bātġe bikņe are âlepņe akto manmenâ ârândâņ akbiap.

### **Âmbenlupnenņe hanâk hepun yekbaengât dop bo tatâp.**

<sup>31</sup>Bikņande amâ hin dâmai, “Luâk siâne âmbenņaet hâkâņ akmâ hepunbe dâm aregât kulem esenņe siâ mem âmbâi hepun hepungât kulemgom waņmâ huņġun aņdo yân ariwiap.” hain dâmai. <sup>32</sup>Aregât nâņe âmâ hin dâm makyenġiwe. Luâk siâne âmbenņe kondarâ bo akbiap are yân hâkâņ akmâ hepundo âmâ âmbâle arekņe luâk siâ mendo âmâ luâk âmbâle lâuwâ lâuwâ dosa membiandat. Akto luâk aņġâņe âmbâle hepun hepunņe mem âmâ yâkâ hainâk dosa membiap.” hain dâep.

<sup>33</sup>Akto Yesuņe den siâ hin dâm dewatiep, “Bâġi hakulupyenande hin dâm makyenġiyi, “Anutugât metenân hin me hain dâm makbai amâ hainâk akbei.” hain dâyi. <sup>34</sup>Dâ nâmâ hin makyenġire nânġâņet. Hinņe âmâ Anutugât metenân dâm bo makbei. Akto areâk bo. Himbimân âmâ Anutuņe ain tatmap aregât himbimân bo horatmâ makbei. <sup>35</sup>Akto hângâlân horatmâ bo makbei. Amâ wangât? Hingât. Anutuņe keiņande tâlim tatmap aregât. Akto Yerusalemġât metenân bo makmâ horatbei. Amâ wangât? Hingât. Yerusalem amâ Anutu Humoyeņe yâġġât kepia kautņe aregât. <sup>36</sup>Aregât ire maktere nânġâņet. Dumutyenġe bândup are makbiâ heleņ bo akbiap. Akto heleņ are makbiâ bândup bo akbiap.

Aregât kautyenjân horatmâ bo makbei. <sup>37</sup>Akto siân me siân bo ewum makbai. Are bo agakņe. Aregât denyeņe are bunņe akto âmâ are dâmbiâ bunņe akbiap. Akto bo dâmbiâ bo hainâk akbiap. Aregât kakņân makmâ dewatiwai amâ Hianņi Amboņande hâwâtyekto miawakbai.

<sup>38</sup>Akto den siâ hin kulemgoyi are makbiâ nânņgâmai, “Gasagande dewunņe ewum hogombo bokto âmâ gâkâ hainâk dewunņe ewum hogomenâ bokbiap. Akto gasagande dâtge kom bererek kombo âmâ gâkâ hainâk dâtņe are kom bererek kowen.” hain dâyi. <sup>39</sup>Aregât âmâ hin dâre nânņgâņet. Luâk bâleņe gala agañben. Ondopge biken hogombo âmâ ondopge bikņe waņben. <sup>40</sup>Akto luâk siâņe gâ olop ewangiak ewangiak bâleņe dâm kiapgâlân meņgekma ari denân katgekma gâņgât hâk pekege timoņân oloņmâ meņgiņdo âmâ kakņân olowâk are hainâk mem waņmenâ lâuwâ lâuwâ membiap. <sup>41</sup>Akto luâk siâņe, “Nânņgât wan me wan dewunņe siâ siâ lokom kepia indâgen ari.” dâm makgiņdo âmâ gâņe kepia magep ain lokom tângom ewangim indâņân ari katben. <sup>42</sup>Akto luâk siâņe wan me wan siâ siâgât ulit giņdo âmâ are waņben. Akto wan me wan are yân yogan mem manbe dâm makgiņdo âmâ âlepņe nânņgaņben. Ye hârok hain akmâ manbei.

#### **Gasa me gala are gala konok agañgiwaen.**

<sup>43</sup>Akto ye bikņande den siâ hin dâmbiâ are nânņgâmai, “Gâņe galage âlepņe biwi heroņe agañben. Dâ gasage are âmâ gasa agañben.” Hain dâmai. <sup>44</sup>Dâ nâmâ aregât hin dâre nânņgâņet. Yeņe gasalupyeņe yekmâ âmâ gala akyeņgiwai. Akto ye yeņgum watyekmâ manmai yâk yeņgât tânyeņgum Anutu ulilaņmâ heroņe nânņgâ yeņgiwai. <sup>45</sup>Hain akmâ himbim Eweyeņaet nanņe baratņe bunņe akmâ manbai. Yâkņe âmâ makto yanep pagaleņande luâk âlepņe me bâleņe hârok pagaleyekmap. Akto tânâkgât makto luâk âlepņe me bâleņe hanâk hologoyeņgimap. <sup>46</sup>Akto luâk siâņe ye olop gala konok manne dâm aregât akyeņgimai yâk konok yeņe gala akyeņgimbiâ âmâ Anutuņe wan hâuņe yeņgiwiap? Luâk bikņande gawamangât puli meyeņgimaiņe hain akmai aregât yeņe luâk bikņe gasa akyeņgim are gala bo akyeņgimbiâ âmâ aregât hâuņe hâmbâi Anutuņe ye yeņgiwiap. <sup>47</sup>Akto galalupyeņe yâk konok yekmâ gala katyekmai arekņe ârândâņ bo akmap. Luâk âmbâle Anutu bo nânņgaņmaiņe hain akmai. Aregât yâkâ hainâk akbai aregât hâuņe âlepņe Anutuņe bo yeņgiwiap. <sup>48</sup>Aregât himbimân Eweyeņande wan me wan akmâ mendo huragumap yekâ hainâk akmâ manbei.” dâep.

#### **Anutugât âiân manmâ kotnenņe bo mem agatbaen.**

**6** <sup>1</sup>Akto Yesuņe den siâ hin makyeņgiep, “Gâņe Anutu heroņe agañdere ârândâņ akbiapgât mene dâm âmâ luâk âmbâleņe nekbiâ huraguâkgât bo nânņgâm manben. Hâk mem agat agat akmenâ âmâ

himbimân Ewegande gekmâ aregât ukenje bo nângâ giŋmâ hâuŋe âlep bo giŋbiap. <sup>2</sup>Aregât gâŋe luâk umburuk manmai are han kalem akyeŋgim âmâ luâk âmbâleŋe nekbiâ huraguâk dâm aregât bo nângâm manben. Wangât? Hingât. Luâk bikŋande nen bâleŋe bo akmaen dâmai arekŋeak dewunyeŋânâk den emetŋân akto kâmot kepian ain hâkyeŋe mem agatmai. Luâk hain arekŋe kâmot humoân kinmâ kalem akyeŋgimai. Aregât maktere nângâŋet. Hain dâmat are Anutuŋe hâuŋe âlepŋe bo giŋbiap. Emelâk hâuyeŋe yendâp. <sup>3</sup>Aregât luâk umburuk manmai yâk han kalem akyeŋgiwe dâm bâtge bungenŋe wan akbiat aregât kanegenŋe bo nângâwiap. <sup>4</sup>Yonâk akmenâ âmâ galalupgande bo gekmâ aregât keiŋe bo nângâmbiâ âmâ Ewege Anutuŋe yonâk yekmâ nângâmapŋe ikiŋak gekmâ nângâmbo ârândâŋ akbiap. Akto kalem akyeŋimatgât hâuŋe giŋbiap.

### **Anutu ulilaŋbaengât keiŋe.**

<sup>5</sup>Gâŋe âmâ heambukmâ kinmâ Anutu âlepŋe dâm ulilaŋben. Dâ luâk bikŋe âmâ hianŋi luâk manmaiŋe hain bo akmai. Yâkŋe âmâ Yuda luâk mendugum tatmaiân me kâmolân ari kinmâ âmâ luâk âmbâleŋe nenekmâ egâliaŋŋet aregât nângâm hâkyeŋe mem agatmâ Anutu ulilaŋmai. Aregât âmâ hin dâre nângâŋet. Yeŋe hain akbiâ âmâ aregât hâuŋe emelâk membiâ bo aktâp. Anutuŋe hain dâm hâuŋe siâ bo dewatim yeŋgiwiap. <sup>6</sup>Gâ âmâ Anutu âlepŋe dâm ulilaŋberâm âmâ emetgân âgâm heambukmâ hânŋi gugum Ewege tikŋân manbiap yâk ulilaŋben. Akto Ewege tikŋân siâ me siâ ekmâ nângâmapŋe bunŋe mem peniaŋmâ giŋbiap.

### **Anutu hin ulilaŋmâ manbaen.**

<sup>7</sup>Akto aregât hin dâre nângâŋet. Luâk bikŋande Anutugât keiŋe bo nângâmaiŋe âmâ hin nângâm hilipkomai, “Nengât den kâlep hanâk hanâk ulilaŋdenŋe dowâk nângâm bunŋe nengiwerâp.” hain dâm hilipkomai. Aregât gâŋe luâk hain are bo akmâ âmâ den kâlep bo makmâ ulilaŋben. <sup>8</sup>Akto gâ amâ Ewege Anutu irawot bo ulilaŋmenân yâkŋe soŋ nângâ giŋmap. Aregât hanâk hanâk bo makmâ ulilaŋben. <sup>9</sup>Aregât gâŋe hin dâm âlepŋe dâm ulilaŋben, “Himbimân Ewenenŋe gâŋgât kotge âlepŋe akto kotge are kârikŋe tato nângâenŋe bunŋe akto manbaen. <sup>10</sup>Akto hân ârândâŋ Kambu aknengi. Himbimân gâtŋande lauge lokomai hainâgâk hânân gâtŋe nenŋe lauge lokoenŋe ârândâŋ agâk. <sup>11</sup>Akto uŋak ire gâŋe sotnenŋe are dopnenŋânâk nengimenâ nene. <sup>12</sup>Akto luâk âmbâle bikŋande bâleŋe siâ siâ aknengimbiâ âmâ are yeŋgât dosayeŋe hanâk hepun yeŋgim manmaen dop hainâk gâŋe dosanenŋe are hepun nengiwen. <sup>13</sup>Nen bo dop nenguwen. Akto bâleŋânba kotgâm menenekben. A bundâk.” Yeŋe hain dâm Anutu ulilaŋbei. <sup>14</sup>Aregât

luâk âmbâle bikɲande bâleɲe siâ siâ akyeɲgimai are yeɲgât dosa hepun yeɲgimbiâ âmâ âlepɲe. Aregât himbimân Eweyeɲande yeɲgât dosa hainâk hepun yeɲgiwiap. <sup>15</sup>Are âmâ luâk âmbâle bikɲande bâleɲe siâ siâ akyeɲgimai are yâk yeɲgât nâɲgâm âmâ benɲe himbimân Eweyeɲande yeɲgât dosa hainâk bo hepun yeɲgiwiap. Dâ hepun yeɲgimbiâ âmâ benɲe dosayeɲe hepunyeɲgiwiap.

<sup>16</sup>Akto hianɲi luâkɲe hin dâmai, “Luâk âmbâle bikɲande nen hâk hilâlâm nâɲgâm Anutu ulilaɲmaen are nâɲgâm nen nenekmâ egâlianɲet.” dâm aregât sot hepunmâ hâmeyeɲe oloɲbiâ gembo hewugewai are Anutuɲe yekmâ hâuɲe âlepɲe bo yeɲgiwiap. <sup>17</sup>Aregât ye hain bo akbei. Yeɲe âmâ sot hepunmâ âmâ tu puliakmâ dumutyeyeɲe kelu ketugu akmâ manbei. <sup>18</sup>Hain akbiâ yekmâ âmâ sot hepunmâ mandâigât keiyeyeɲe bo nâɲgâwai. Eweyeɲe Anutuɲe bo egekɲe ekmapɲe keiyeyeɲe yoɲâk memai are nâɲgâm aregât hâuɲe âlepɲe yeɲgiwiap.

#### **Puli siâ siâ tat nengiâp aregâlâk bo nâɲgâm manbaen.**

<sup>19</sup>Hângât tâwât dewunɲe siâ siâ tiɲe nemai akto dek saɲ saɲɲe hâreyeɲgimai akto motmot akmap akto kâmbu meyeɲgimai aregât yeɲe dondâ tat nengiâkgât bo undâgâtbei. <sup>20</sup>Are âmâ himbimân tiɲe bo neyeɲgimap akto dek saɲ saɲɲe bo igim hâreyeɲgimap akto motmot bo akmap akto kâmbu bo meyeɲgiwai aregât wan me wan bunɲe kârikɲe tat yeɲgiwiap. Aregât Anutuɲe pat katyeɲgiep are himbimân tatâp ain dewatimbiâ bo gulip akyeɲgiwiap. <sup>21</sup>Tâwât dewunɲe siâ siâyeyeɲe katbiâ tat yeɲgimap ainâk biwiyeyeɲe kinmap aregât himbingât nâɲgâmbiâ âgâwiap.

#### **Biwinenɲande pâlâmɲe akbopgât biwi golâk manbaen.**

<sup>22</sup>Akto dewunyeɲe âmâ pagaleɲe dop hainare aktâp. Dewunyeɲe âlepɲe tato ain âmâ âlepɲe ekmâ bam gutbai. <sup>23</sup>Dâ dewunyeɲe bâlimbo âmâ biwiyeyeɲe hândâk humo dâgâwiap aregât biwiyenân pagaleɲe tatâp are bokbiap âmâ biwi nâɲgâ nâɲgâyeɲe pâlâmɲe akbiap.

#### **Anutu konok hoɲ agaɲbaen.**

<sup>24</sup>Nanaɲ konokɲe luâk kotdâ lâuwâ yâk yetgât den lokom âmâ âlepɲe hoɲ bo manyetkiwiap. Siâ gala agaɲmâ siâ âmâ hâkâɲ agaɲbiap. Akto siâgâlângen dewatim siâ âmâ hamiaɲbiap. Puli siâ siâgât ukenɲe nâɲgâmai yâkɲe âmâ gain gain Anutugât den lokom manbai?

#### **Anutuɲe damun nenɲe akmapgât bo nelâm nengiwiap.**

<sup>25</sup>Ye manman yeɲaet nâɲgâmâk akmâ hin bo dâwei, “Wan arekɲaet mem nem manbaen? Akto hâknennɲaet nâɲgâm wan mem manmâ luguakbaen.” dâm nâɲgâmâk bo akbei. Amâ hingât. Bâin dâɲet.

Manmanyenande bunje me sotje bunje? Akto hâkgande bunje me hâk pekegande bunje? <sup>26</sup>Aregât siâ maktere nângânet. Lâut are ekjet. Arekne âmâ âi bo ketugumai. Akto kalamnânba sot wan bo mem katmai. Akto sot hapatet bo ketugum âmâ alekne bo mem katmai. Hain bo akmai amâ himbimân Eweyenande hanâk sot mem miawak yengimap. Ye lâut bo. Ye luâk aregât Anutuje dowâk tânyengumap. <sup>27</sup>Akto yengâlân gâtje siâne nângâm hanoko akmâ âmâ manman sopjaet âlepje kâlep mem dewatim manbiapgât dopje bo tatâp. <sup>28</sup>Akto sângum lâuwâ lâuwâ aregât nângâm han lâuwâ akbiâ bâliwiap. Aregât hin dâre nângânet. Lâwin buluje are ekjet. Arekne âmâ sângum lâuwâ lâuwâgât âi bo ketugumap. <sup>29</sup>Buluje are âlep âlep aregât luâk siâ kotje Salomo uliknân malep yâkne sângum lâuwâ lâuwâne kulem melem âlep âlep hain are mem malep arekne buluje are bo ewangiep. <sup>30</sup>Pâlönângen siâ me siâ buluje unak miawakmap akto hole bererek âgâm gembo ombiâ bo akmap aregât Anutuje dâmba hanâk kulemne âlepje miawakmap aregât Anutu bo nânganmâ ketelañmâ manmaiñe yâk yejaet gai hainâk dâmba wan me wan miawakyengiwiap. <sup>31</sup>Are nângâm hejengowei. Are ekmâ nângâm âmâ bo hanokoakmâ âmâ hin bo dâwei, “Wan nemberen me wan lalakberen?” <sup>32</sup>Are âmâ luâk bikne Anutu bo nânganmai arekne âmâ puli me sângum me siâ siâ aregât nângâmbiâ humo akmap. Hain akbiâ bâlimap aregât hain bo akmâ manbei. Are âmâ benje himbimân Eweyenande nângâ yengimap aregât hâk peke bâlâk bo manmai. <sup>33</sup>Yeje âmâ Anutuje damun nenje akbiapgât akto yâkgât agak meme ârândânj dâp ain han nângâ nângâyene uliknân katbiâ yembiâp. Akto aregât kaknân Anutuje siâ me siâ bikne are hârok yengiwiap. <sup>34</sup>Aregât yeje agatmâ umatje gain hin arekne miawak nengiwiap hain dâm aregât nângâmbiâ humo bo akbiap. Agatmâ miawakbiap are âmâ agatmâgât pat. Unak iregât hain are miawak nengiâp are ârândânj agâk dâm aregât kaknân han lâuwâ bo akjet.” Yesuje hain dâep.

### Gala siâgât den bo makmâ hâreanbaen.

**7** <sup>1</sup>Yesuje den siâ hin dewatim makyengiep, “Anutuje den âiân katyekbopgât yeje luâk bikne den âiân bo katyekbei. <sup>2</sup>Dâ yeje yâk yengât den dâm hâre yengiwei dop hainâk Anutuje ye dâm hâre yengiwiap. Akto yeje siâ siâ akyengiwei dop hainâk Anutuje mem purik katmâ akyengiwiap aregât siâgât bo dâm hâreyengiwei. <sup>3</sup>Aregât den dopje hin dâre nângânet. Gâñe galagaet dewunñan gagap bâlensiâ tatâp are ekmâ âmâ guge dewungân gagap humo dondâ tatâp are bo ektât are ârândânj bo aktâp. <sup>4</sup>Gagap humo guge dewungân tatâp are bo ekmâ galagaet dewunñan tatâp aregât hin dâmenâ ârândânj bo akbiap, “Galane kin. Gagap mem pan giñbe.” dâwiat. <sup>5</sup>Hiangi luâk gâ. Guge dewungân gagap humo tatâp a soñ mem panakmâ âmâ ekmâ dewunge hulanj akto

âmâ ekmâ heŋgemgom âmâ galagaet dewunŋân gagap bâlensiâ tatâp are memenâ ârândâŋ akbiap.

<sup>6</sup>Yeŋe Anutugât sot are dua bo yeŋgiwai. Hain akbiâ âmâ yeŋgiwai. Akto puli umatŋe are mem bau kâit bo yeŋgiwai. Hain yeŋgimbiâ âmâ igim hârem purik dâm âmâ yeŋgiwai.” Yesuŋe hain dâep.

### **Anutu ulilaŋmâ âmâ bunŋe membaen.**

<sup>7</sup>Akto Yesuŋe den siâ hin dâm makyenŋiep, “Yeŋe hin aregât undâgâtâmâ Anutu maganbiâ âmâ tân yeŋgiwai. Akto emet ginŋân kinmâ woa dâmbiâ hânŋi amboŋande meyeŋgimap. <sup>8</sup>Aregât Anutu aikomapŋe den hâuŋe nânŋâmap. Undâgâtmapŋe mem miawakmap. Woa dâmap are âmâ hânŋi mem kalaŋmap. <sup>9</sup>Aregât hin dâwe. Yeŋgâlân gâtŋe siâŋe nanŋande sotgât ulilaŋdo âmâ kât bo waŋmap. <sup>10</sup>Akto iŋangât ulilaŋdo âmâ gipmaŋ bo waŋmap. Bo. <sup>11</sup>Akto ye luâk bâleŋande nanaŋ lepatlupyenŋe damun akyenŋim hin are yeŋgimai aregât dopŋe are ewangim Anutu himbimân manmapŋe luâk siânbaŋe ulilaŋmai are yeŋgât okot nânŋâm dowâk wan ulilaŋmai are yeŋgimap. <sup>12</sup>Akto den dâm makyenŋiân aregât keiŋe hin. Yeŋe bikŋande âlepŋe aknenŋetdâm hârok âlepŋe tân yeŋgum manmâ âgâwei. Aregât âmâ Moseŋe akto propete luâkŋe Anutugât den kârikŋe kulemgoyi aregât keiŋe hainâk tatâp.

### **Himbimŋât dâp aregât den.**

<sup>13</sup>Hilip agu hilip agugât kepia aregât dâp are humo akto pempemâk aregât dâp humo ain âlepŋe ari ari aregât luâk dondâŋe arimai. Yeŋe âmâ ain bo ariwei. Ye dâp gâwikŋânba ariwei. <sup>14</sup>Are âmâ manman kârikŋe aregât dâp amâ gâwik gâwikŋe, heambuk heambukŋe akto yoŋâk yemap. Dâp are watmâ luâk âmbâle undup akmâ bo arimai. Dâ konok konokŋe ain arimai. Ye âmâ dâp are watmâ ariwei.

### **Hiangi luâk yâk yeŋgât keiyeŋe.**

<sup>15</sup>Propete luâk hianŋi arekŋe âmâ hâkyenŋe lama hâk yeukŋe hainare dâ hanyenŋe âmâ dua metŋe han hainare aregât yâk yeŋgât damun agaŋgim manbei. <sup>16</sup>Siâ siâ Bunŋe bo aregât nânŋâm kepilâyekbei. Giat ain kewu bunŋe memaen mon? Me kândenân ham bunŋe miawakto memaen mon? <sup>17</sup>Lâwin âlepŋân bunŋe âlepŋe miawakmap. Lâwin bâleŋân bunŋe bâleŋeâk. <sup>18</sup>Aregât lâwin âlepŋânba bunŋe bâleŋe bo miawakmap akto lâwin bâleŋânba bunŋe âlepŋe bo miawakmap. <sup>19</sup>Aregât ire maktere nânŋâŋet. Lâwin siâ bunŋe âlepŋe bo kindo âmâ kârâm ondenŋe ombiap hain. <sup>20</sup>Yeŋe luâk keiyeŋe ekmâ gain gain akmâ iare akmai aregât nânŋâwai.

<sup>21</sup>Akto aregât hin makbe. Luâk âmbâle nogonmâ âmâ kotdâ nenŋe kotdâ nenŋe hain dâm nogonmai yâk hârokŋe himbim kepien bo ariwai.

Himbimân Ewenaet denje lokom manmainje âmâ ariwai. <sup>22</sup>Luâk dondâje sop humoân hin dâm makniñbai, “Kotdâ ire nângâ. Nenje gângât kotgaet akmâ denge makmâ miawakmâ makyenjiyion. Akto gângât kolân konmâ sinduk baniara bâleje watyenjenje luâk hepun yekmâ ariyi. Akto gâ gogonmâ kulem keije keije are ketuguyion.” <sup>23</sup>hain dâmbiâ âmâ nâje hin dâm makyenjiwan, “Nâ ye bo nângâ yenjiân. Nângâlân bunje bo dewatiyigât hepun nekmâ arijet. Ye amâ bâleje meme luâk.” hain dâwian.

**Luâk lâuwâ emetyetje ketuguyiat aregât den.**

<sup>24</sup>Aregât den ginje ire maktere nângâjet. Luâk siâje denne ire nângâm lokomapeje âmâ dop hinare aktâp. Luâk nângâ nângâje olop yâkne emet are gimbâje kârikjân ketugumbo kilep. <sup>25</sup>Emet kât kakjân mângiepe aregât tu tânâk humo gembo âmâ ugurup humo gam lokowerâmbo âmâ kârikje akmâ nâjâk kilep. Dop hain. <sup>26</sup>Dâ luâk siâje denne ire nângâm laune bo lokomapeje âmâ dop hin are aktâp. Luâk nângâ nângâje bo siâje emet nupiânâk ketuguep dop hain are. <sup>27</sup>Ketugumbo kindo tu seru humo pando ugurup humoje togombo emet are gagai akmâ kom bâliep.” Yesuje hain dâm makyenjiepe.

<sup>28-29</sup>Yesuje Anutugât den keinjânbak nângâm makyenjiepe. Akto biwiyenân kalepgât denje nângâmbiâ dâtje akto hin dâyi, “Mosegât den kepikmâ maknengimai are hârok ewangi yektâp.” hain dâm yâkgât nângâmbiâ humo agep.

**Luâk siâ diwi kârikje akmâ malep are Yesuje mem howaimbo âlepje agep.**

**8** <sup>1</sup>Akto Yesuje den makmâ metem gimbânânba gembo luâk âmbâle biwirâje watbiâ olop ariyi. <sup>2</sup>Akto luâk siâ diwi kârikje akmâ malep arekne Yesu ekmâ enemjân togom pâwutje ligim hin dâm maganep, “Humo, kârikjege tatgindâpgât makmenâ diwine bo akniñâk mon?” dâep. <sup>3</sup>Hain dâmbo Yesuje hâkne mem howaim kinmâ hin dâep, “Âlepje, nângâ giñdângât diwige are pandak giñâk.” dâmbo ainâk diwi bo agaño hâkne âlepje agep. <sup>4</sup>Âlepje akto ainâk Yesuje maganjmâ hin dâep, “Gâ iregât den pat luâk bo makyenjim âmâ yânâk arim sumbe kat kat luâk damun yâkgâlân konok ari. Arimenâ keige gekmâ nângâmbo âmâ benje Moseje wan me wan iregât den kârikje kulemgoep are lokom Anutugât sumbe omben. Sumbe omenâ are ekmâ nângâm henjengowei.” dâm hunjun ajepe.

**Yesuje hoj bawa siâ mem henjengowei.**

<sup>5</sup>Akto arewa arim kepia siâ kotje Kapanaum ain arim âgâmbo Roma yengât tembe loko are yengât humoyeje siâje yâkgâlân arim den hin



dâm ulilaŋep, <sup>6</sup>“Humo, nâŋgât hoŋ bawane siâ kundat akmâ hâk hilâlâm bâleŋe umatŋe miawagaŋdo kei bātŋe kâregembo yem tatâp.” dâmbō <sup>7</sup>dâep, “Âlepŋe, arim mem heŋgemgowerân.” dâep. Hain dâm magaŋdo <sup>8</sup>hin dâep, “Humo, nâ luâk âlepŋe bo mandân aregât nâŋgât emelan bo âgâwerât. Inâk kinmâ denâk makmenâ âmâ nâŋgât hoŋ bawane are âlepŋe agâk. <sup>9</sup>Akto nâ gai luâk koldâ yâk yeŋgât den lokom manman akto nâ luâk humonande nâŋgâ niŋmâ damunyeŋeak dâm katnegep. Aregât nâŋe tembe lokolupne den makyenŋire lokomai akto yâk yeŋgâlân siâgât, “Gâŋe siâ ari.” hain dâm magaŋdere âmâ âlepŋe arimap. Akto siâgât, “Gâ ga.” dâre âlepŋe gamap. Akto hoŋ bawane siâ ekmâ, “Âi ire me.” dâre âmâ âi are hainâk memap. Aregât gâ Humo inâk kinmâ denâk makmenâ âlepŋe agâk.” hain dâep. <sup>10</sup>Hain dâmbō Yesuŋe den are nâŋgâmbō dâtŋe akto purik dâm hamiŋân togom mali are hin dâm makyenŋiep, “Den bunŋe maktere nâŋgâŋet. Israe kâmot ire yeŋgât hutyeŋân luâk siâŋe nâŋgât keine nâŋgâm heŋgemgoep hainare siâ bo ekman. Roma luâk irekŋe hârok ewangi yektâp. <sup>11</sup>Hâmbâi hân tuŋguŋâŋen biken biken ainba luâk biwirâŋe togom âmâ Abraham, Isaka, Yakopo yâk olop manmâ Anutuŋât kepian âgâm menduguakmâ ain sot keiŋe keiŋe nem heronŋe akbai. <sup>12</sup>Dâ emelâk Anutuŋe Yuda luâk damunyeŋe akminep are panyekto yâk âmâ kepia ginŋâŋen hândâgân gem manmâ indem kamboŋmâ manbai.” <sup>13</sup>Hain dâm makyenŋim purik dâm tembe loko humoyeŋe are ekmâ hin dâm magaŋep, “Gâŋe biwige nâŋgâlân katmâ hain nâŋgât aregât bunŋe miawakŋindâp. Gârâmâ bam ari.” hain dâmbō bam arimbo sop ainâk hoŋ bawane are âlepŋe akto egep.

#### **Yesuŋe makto Petorogât hewonŋe âlepŋe agep.**

<sup>14</sup>Akto arewa arim Petorogât emelan âgâmbō Petorogât hewonŋe kundat akmâ hâk kâlâp akmâ yem tato egep. <sup>15</sup>Bam ekmâ bātŋân mendo ainâk kundat are bo agaŋep. Bo agaŋdo agatmâ sot om waŋep. <sup>16</sup>Waŋdo nem tato emet dâgâwerâm akto âmâ sinduk baniara bâleŋande luâk âmbâle bikŋe kautyeŋân meyegi are meyekmâ yâkgâlân togoyi. Meyekmâ togombiâ Yesuŋe lauŋande makmâ watyekto sinduk baniara bâleŋe arekŋe hepun yekmâ ariyi. Akto kundat agi arekâ hainâk lokoyekmâ togombiâ yekmâ mem heŋgem yeŋguep. <sup>17</sup>Hain agep aregât emelâk propete Yesaiaŋe den siâ hin kulemgoep are bunŋe agep amâ hin, “Nen kundat umatŋe miawak nengimbo me wan me wan pâpkom nâŋgâm hilipkomaen aregât yâkŋe bâleŋe are mendo bo agep.” dâm kulemgoep den are bunŋe akto Yesuŋe kundatdâ dondâ heŋgem yeŋguep.

#### **Luâk hin arekŋe âmâ Yesugâlân dewatiwai.**

<sup>18</sup>Yesuŋe hain akmâ tân yeŋgumbo ainâk luâk âmbâle biwirâŋe yâkgâlân togom ândeaŋmâ kinbiâ Yesuŋe are yekmâ, “Bâin, waŋga

mem indâgen bam arine.” dâm aposololupnje makyengiep. Hain dâmbo waŋga mem bāt gum humo are hātikom ariwerâm agi. <sup>19</sup>Ariwerâm akbiâ Mosegât den makmâ miawagi are yeŋgâlân gâtŋe siâŋe bam hin dâm magaŋep, “Apo, gâ iregen me aregen ariwerâm âmâ makniŋmenâ olop ariwaet.” dâep. <sup>20</sup>Hain dâmbo Yesuŋe hin dâm magaŋep, “Yo âmâ lâwin timopŋân yemap. Dâ lâut âmâ lâwin bāt bātŋân kelom tatmai. Dâ nâmâ luâk akmâ geân aregât nânŋât emet âmâ bo tatniŋdâp.” dâep. <sup>21</sup>Akto luâklupnje yeŋgâlân gâtŋe siâ arekŋe yâkgâlân togom hin dâm magaŋep, “Humo, nânŋâ niŋmenâ arim ewene soŋ hangom âmâ benŋe purik katmâ togore âmâ olowâk ariwaen.” dâep. <sup>22</sup>Hain dâmbo Yesuŋe hin dâm magaŋep, “Hain bo. Luâk âmbâle momoŋandeak momoŋelupyeŋe hangoyekŋet, Dâ gâmâ hinŋe nâ wat nekmenâ olowâk arine.” dâep.

### Yesuŋe makto seru nânŋâgâep.

<sup>23</sup>Hain dâm waŋgan âgâambo aposololupnje olop ariyi. <sup>24</sup>Arim manbiâ seru humo sân sânak pando haru are bâliep. Akto haruŋe waŋga kâlegen gewerâm agep ain Yesu asiŋ yiep. <sup>25</sup>Akto aposololupŋande goaŋmâ hin dâm magaŋi, “Humo, haruŋe kawut nenekberâm aktâp aregât agatmâ tân nengu.” dâyi. <sup>26</sup>Hain dâm biâ hin dâm makyengiep, “Bo nânŋâniŋmâ kepilânekmâ. Ye wangât hamewaktâi?” dâm agatmâ seru pando haru bâliep are den makyetkimbo ainâk nânŋâgâiyat. <sup>27</sup>Nânŋâgâmbela ekbiâ dâtŋe akto hin dâyi, “Ae, yâkŋe seru akto haru makyetkimbo yâkgât den lokom nânŋat aregât luâk ire gain hinare?” dâyi.

### Yesuŋe sinduk baniara bâleŋe watyekto bau biwiŋân geyi.

<sup>28</sup>Akto bāt gum are hātikom indâŋân bam Gadara hânângen ariyi. Arim manbiâ luâk lâuwâ siâ sumângenba togom manbela yelegi. Yâk yetgât keiyetŋe hin. Sinduk baniara bâleŋande kaut yetŋân mendo metŋe akmâ luâk âmbâle hârok mem bâli yekte dâm manminiat. Akto dâwân togombela âmâ luâk âmbâle hârokŋe hamewakmâ ain bo arimini. Keiyetŋe hain. <sup>29</sup>Lâuwâ arekŋe togom Yesu peniaŋmâ den hin dâm magaŋiat, “Gâ Anutugât nanŋe, gâ gain gain aknetkiwerâm togoât? Gânŋât sop bo tâlâgumbo hâk hilâlâm netkiwerâm togoât me?” dâiyat. <sup>30</sup>Akto indâgen bau kâmot humo siâ tâmut nem mali. <sup>31</sup>Akto sinduk baniara bâleŋe arekŋe Yesu magaŋmâ hin dâyi, “Gânŋe wat nenekberâm âmâ huŋgun nengimenâ bau biwiyeŋân gene.” dâyi. <sup>32</sup>Hain dâm biâ Yesuŋe, “Âlepŋe geŋet.” dâep. Hain dâmbo luâk lâuwâ are hepun yelemâ bau hârok biwiyeŋân geyi. Gembiâ bau arekŋe pârigim arim indâgen bāt gum siân sopanbiâ tuŋe lauyeŋân pikto moyi. <sup>33</sup>Mombiâ bau damunlupyeŋande arim kepia yeŋângen âgâm Yesuŋe sinduk baniara bâleŋe watyekto bau biwiyeŋân gembiâ moyi aregât den pat are kepia ambolupnje makyengi. <sup>34</sup>Makyengimbiâ ainâk luâk âmbâle hârokŋe

Yesu are ekne dâm kepiayenânba geyi. Gem kepia yeŋe hepunmâ ariâkgât wârakmâ magañi.

**Yesuŋe luâk parâŋe siâ mem âlepŋe ketuguep.**

**9** <sup>1</sup> Magañbiâ Yesuŋe hepun yekmâ ariwerâm waŋgan âgâm bâtgum biken hâtikom arim ikiye kepia ain ariep. <sup>2</sup> Arim kindo luâk bikŋande galayeŋe siâ bâteŋe keiŋe mom kârikŋe akminep are temân katmâ yâkgâlân lokom togombiâ Yesuŋe are biwiyeye ekmâ nâŋgâm luâk kundatdâ are hin dâm magañep, “Bâleŋe akmâ manmâ gaen aregât dosa puli giŋdân.” dâep. <sup>3</sup> Hain dâmbo Mosegât den kârikŋe makmâ kepikmâ makmini are yeŋgâlân gâteŋe bikŋande biwiyenân hin nâŋgâyi, “Anutu ikinjak âmâ dosayeŋe puli yeŋgimap ina luâk yânŋe irekŋe Anutu ewangiwerâm aktâp imâ bâliâp.” hain dâm nâŋgâmbiâ bâliep. <sup>4</sup> Biwiyenânâk hain nâŋgâmbiâ Yesuŋe biwiyeye ekmâ nâŋgâm hin dâm makyenŋiep, “Hanyenande wangât den bâleŋaet nâŋgâi? <sup>5</sup> Gain gain arekŋe owâiŋe luâk bâteŋe keiŋe mom kârikŋe akmap ire hin dâm magañberân. Anutuŋe dosage hepungiŋdâp hain dâm magañberân me hin dâm magañberân. Agatmâ temge are lokoakmâ ari? <sup>6</sup> Aregât maktere nâŋgâŋet. Nâ luâk akmâ geângât dosayeŋe hepun yeŋgiwerâmgât Anutuŋe makmâ niŋep aregât keiŋe ekmâ nâŋgâŋet.” dâm makyenŋiep. Luâk kundatdâ are hin dâm magañep, “Agatmâ temge loko akmâ emetgângen bam ari.” dâep. <sup>7</sup> Hain dâmbo agatmâ temŋe lokoakmâ emetjângen bam ariep. <sup>8</sup> Arimbo luâk âmbâleŋe are ekmâ otneyeŋe arimbo hin dâyi, “Yesuŋe Anutugât kârikŋân kinmâ agak meme bo agakŋe aktâp.” dâm Anutu kotŋe mem agatmâ kinmâ manŋanli.

**Yesuŋe luâk kotŋe Mataio gawamangât puli meme are miep.**

<sup>9</sup> Akto Yesu ainba arim gawamangât puli meme luâk kotŋe Mataio puli emetjân tato ekmâ hin dâm magañep, “Nâŋgâlân dewatimenâ nâ olop mande.” dâep. Hain dâmbo agato olop ariyat.

<sup>10</sup> Arim sot nemberâm âmâ hoŋ bawa olop emetjân âgâmbiâ Romagât puli meme akto bâleŋe meme luâk biwirâŋe yâk yeŋgâlân arimbiâ Yesu akto luâklupŋe olowâk sot neyi. <sup>11</sup> Nem tatbiâ Parisaio luâk bikŋande yekmâ Yesugât hoŋ bawalupŋe hin dâm aiyenŋuyi, “Wangât eweyenande Romagât puli meme akto bâleŋe meme luâk olop tatmâ sot nendâp?” dâyi. <sup>12</sup> Hain dâm aiyenŋumbiâ Yesuŋe den are nâŋgâm hin dâm makyenŋiep, “Hin nâŋgâm heŋgemgowe. Âlepŋe mandâi yeŋgâlân are doktaŋe âi mene hain bo dâm arimai. Kundat aktâi are yeŋgâlân âi mene hain dâm arimai. <sup>13</sup> Ulikŋân Anutuŋe makto luâk siâŋe kulempgoep are hin, “Yeŋe dosayeŋaet akmâ âmâ soŋgo wan gâim om nâŋgâlân katmai aregât bo nâŋgâm egâlianŋman. Gala konok akmâ manŋetgât nâŋgâm egâlianŋman.” den hain tatâp aregât keiŋe yeŋe nâŋgâmbiâ huraguâkgât

mendugum den âi mem magaŋgi goaŋgi akmâ manŋet. Aregât maktere nâŋgâŋet. Luâk bikŋande, “Nen luâk âlepŋe akmâ yân târârâgâk manmaen.” hain dâmai luâk hain are mem oloŋyekbe dâm bo geân. Bo kârikŋe. Nâmâ luâk bâleŋe meme oloŋ yekbiangât togoân.” dâep.

**Yesu Anutugât pat sot hepunmâ maligât aikoyi.**

<sup>14</sup>Hain dâmbo Yohane tu puli keiŋe kalep are olop mali arekŋe Yesugâlân togom hin dâm aikoyi, “Nen Anutugâlân okot âlep agakgât akto Parisaio luâk nenŋe âmâ sot hepunmâ manmaen. Dâ luâklupge âmâ wangât sot sapa bo akmai?” dâyi. <sup>15</sup>Hain dâmbiâ hin dâep, “Aregât den ginŋe siâ makbe. Luâk kotdâŋe âmbâle siâ mendo âmâ kâmotlupŋe olop manmâ okot bâle akmâ sapa bo akmai. Hâmbâi bikŋande menekbiâ bo aktere sop ain nâŋgâm indem tatmâ sot sapa akmâ manbai. <sup>16</sup>Niŋande sâŋgum tâmbâŋân irakŋande katmâ parutbop? Bo. Irakŋande tâmbâŋe are oloŋdo dondâ torokbopgât hain bo akmaen. <sup>17</sup>Me niŋande waiŋ irakŋande hâpu tâmbâŋân kâimbo gewop? Bo. Waiŋ irakŋande hâpuŋe tâmbâŋe tâlim hogombo waiŋ akto hâpu bâliwopgât hain bo akmaen. Waiŋ irakŋande hâpu irakŋân gembo âlepŋe akmap.” dâep.

**Yesuŋe makto Yairo baratŋe momoŋânba agalep.**

<sup>18</sup>Yesuŋe den hain dâm makyenŋim kindo luâk damun siâŋe togom kâŋgom hânân gem âmâ hin dâm ulilaŋep, “Baratne hinŋe mondâp aregât nâ olop arim momoŋânba goaŋmenâ agalâk.” dâep. <sup>19</sup>Hain dâmbo Yesuŋe agatmâ arimbo luâklupŋe olop ariyi. <sup>20</sup>Arim âmbâle siâ hutyeŋân kilep aregât keiŋe hin. Âmbâi are dewutâyeŋe gam yeŋgumap dop hain bo geminep. Sop kâlep gembo mando hombaŋ bât bip bip hârok keiân lâuwâ bo agep. <sup>21</sup>Yâkŋe Yesugât hamiŋân arim hin nâŋgâep, “Nâ sâŋgumŋeâk howaim âlepŋe akberân.” nâŋgâep. <sup>22</sup>Hain nâŋgâm yoŋâk watmâ sâŋgum kâlep are mem howaimbo Yesuŋe purik dâm ekmâ hin dâep, “Woe, meŋ, gâŋe biwige nâŋgâlân katâtgât Anutuŋe nâŋgâ giŋdo kundat are uŋak bo akgiŋdâp.” dâmbo ainâk âmbâle are âlepŋe agep. <sup>23</sup>Akto Yesuŋe arim luâk damun yâkgât emetŋân âgâm âmâ uruwaku waitbiâ nâŋgâep. Uruwaku waitmâ den magaŋgi goaŋgi akbiâ ekmâ nâŋgâm hin dâm makyenŋiep, <sup>24</sup>“Âmbâi sisik ire bo mondâp. Yân asiŋ yendâp aregât gem ariŋet.” dâep. Hain dâmbo nâŋgâm giriŋaŋi. <sup>25</sup>Giriŋaŋbiâ den makyenŋimbo gem sopali. Gem arimbiâ âmâ baratŋe yiep ain bam bâtŋân mem agato âlepŋe akmâ agatmâ kilep. <sup>26</sup>Akto kulem miep aregât den pat magaŋgi goaŋgi akbiâ kepiaŋe kepiaŋe arimbo hân humo are ambolupŋande nâŋgâyi.

**Yesuŋe luâk lâuwâ dewunyetŋe bokbokŋe heŋgemyetkuep.**

<sup>27</sup>Akto Yesuŋe kepia are hepunmâ arimbo luâk lâuwâ dewunyetŋe bokbokŋe arekŋe hamiŋân arim den hin dâm magaŋiat, “Woe Dawidigât

kâmolân gâtne gâ den makgiñdetne netgât okot nângâ netki.” dâyat.  
<sup>28</sup>Hain dâm watmâ arimbela emetjân âgâmbô watmâ âgâm enemjân kinbela aiyetkum hin dâep, “Biwiyetjande gain gain nângat? Maktere âlepne dewunyetne hulañ akberâp me bo?” dâmbô dâyat, “Humo, âo, kârikjege tat giñdâpgât nângâgiñdet.” dâyat. <sup>29</sup>Hain dâmbela dewunyetne mem howaim hin dâep, “Han biwiyetne nângâlân katat aregât dopjân bunne miawak yetkiâk.” dâep. <sup>30</sup>Hain dâmbô dewunyetne hulañ akto emet egiat. Akto Yesune hin dâm makmâ hâre yetkiep, “Yet bât kulem iregât den pat luâk siâ me siâ bo makyengiwiandat.” dâep. <sup>31</sup>Hain dâm makyetkimbo hepunmâ arim den koanjmâ aregât den pat are makyengimbela sambelem arimbo luâk âmbâle biwirâne nângâyi.

### Yesune luâk kopa siâgât sinduk baniara bâleñe walañep.

<sup>32</sup>Akto arimbiâ ainâk luâk siâ Yesugâlân kewugum togoyi aregât keiñe hin. Are sinduk baniara bâleñande mângimbo kopa akmâ den bo makmâ yân manmâ gaep. <sup>33</sup>Akto luâk are kewugum togombiâ sinduk baniara bâleñe are wato hepunmâ arimbo nângâ nângâne miawakto den agep. Hain akto aregât kâmot humo ain kili arekne hin dâyi, “Israe nengât hutnenjân kulem hinare ulikjân siâ miawakto bo ekmâ malion.” hain dâm ekmâ nângâm bâtyeñe dâtyeñân igim kili. <sup>34</sup>Dâ Parisaio yâkne âmâ Yesugât nângâm bâlianjmâ hin dâyi, “Sinduk baniara bâleñe are yengât humoyeñande memene agañdo aregât sinduk baniara bâleñe are watyekmap.” hain dâyi.

### Yesune luâk âmbâle damunlupyene bo mali are yekmâ okotne nângâ yengiep.

<sup>35</sup>Akto Yesune kepiañe are hepunmâ arim den emetne ârândâñ âgâm Anutune damunyeñe akberâm agep aregât pat âlep den makyengim malep. Manmâ kundat keiñe keiñe agi are mem hengem yenguep. Hain akmâ malep. <sup>36</sup>Akto lama damunlupyene siâ bo manmai dop hainâk akmâ luâk âmbâle arekne biwi gulip akmâ wâtyeñe gembo mali Yesune are yekmâ okot nângâ yengiep. <sup>37</sup>Okot nângâ yengim aregât luâklupne den ginje siâ hin dâm makyengiep, “Kalamân sot bunne dondâ tatâp aregât âi luâk amon siâ manmai yâkgât âi kalam are mem metewaigât dop bo tatâp <sup>38</sup>aregât kalamgât Amboñe Humo are ulilañbiâ âmâ âi luâk siâkâ huñgunyengiâk.” dâm makyengiep.

### Yesugât hoñ bawalupne yâk yengât kotyene.

**10** <sup>1</sup>Akto Yesune luâklupne keiân lâuwâ yengonmâ meyekto togoyi are hin dâm makyengiep, “Yeñe sinduk baniara bâleñe are luâk

âmbâle mângiyekbiâ bâliyi are watyekjet. Akto kundat keiŋe keiŋe aktâi are mem heŋgem yengujet.” dâep. Hain dâm aregât memerje akyengiep. <sup>2</sup>Akto Aposololupŋe yâk yengât kotyeŋe hin. Luâk siâ kotŋe Simoŋ kotŋe siâ Petoro akto emiŋe Anderea. Akto Yebedaioġât nanlogâtŋe kotyetŋe Yakopo akto Yohane. <sup>3</sup>Akto siâ Pilipo, siâ Batolomaio, siâ Toma. Akto siâ kotŋe Mataio gawamangât puli meme luâk manminep akto Yakopo amâ Alipaioġât nanŋe are, akto Tadaio <sup>4</sup>akto Simoŋ siâ Roma damunlupyeŋe yengât hâkân agi are yengâlân gâtŋe. Akto siâ amâ Yudasi Karioto kepian gâtŋe yâkŋe halop hogom luâk oloŋ yekto Yesu meyi are.

<sup>5</sup>Akto Yesuŋe aposololupŋe are hin dâm huŋgunyengiep, “Yeŋe amâ Yuda luâk âmbâle bo yâk yengâlân me Samaria gâtŋe kepia siâ me siâ yâk yengâlân bo ariwei. <sup>6</sup>Dâ Lama are damunyeŋe bo manmâ ari hilip agumai dop hainâk Israe luâk âmbâle yâkŋe hilip agune dâm aktâigât yâk yengâlânâk tâŋ tâŋâk ariwei. <sup>7</sup>Israe yâk yengâlân areâk arim hin dâm makyengiwei, “Anutu himbimân manmapŋe damunnenŋe akberâm aktâp.” <sup>8</sup>Hain dâm amâ kundat aktâi yâk mem heŋgem yenguwe. Akto luâk âmbâle momoŋe areyengât dâmbiâ momoŋânba agatbai. Akto hâk bâle aktâi are mem heŋgem yenguwe. Akto sinduk baniaranŋe meyegi are watyekbiâ ariwei. Nâmâ yân kârikŋe yengim huŋgunyengîân aregât ye gai hainâk wan me wan yân yengiwei. <sup>9</sup>Akto hin akmâ ariwai. Tâwât dewunŋe amâ bo mem ariwei. <sup>10</sup>Akto ito siâ siâyeŋe bo lugum goliakmâ ito bâlâk ariwei. Akto hâk pekeŋe konogâk lugu akmâ ariwei. Akto kei pekeŋe hainâk konogâk katmâ ariwei. Akto huwan hepunbiâ talâk. Yân arimbiâ amâ kepia ambolupŋande yekmâ luâk âirâ dâm tânyengumbiâ ârândân akbiap. <sup>11</sup>Akto huŋgun yengire arim ulik gulik kepia ambolupŋe yengât keiyeŋaet makmâ aikowei. Akto siâgât nâŋgâmbiâ ârândân akto yâkgât emetŋân âgâm ainâk tatmâ manbei. <sup>12</sup>Emetŋân âgâm Anutuŋe damunyeŋe agâkgât makmâ heronŋe akyengiwei. <sup>13</sup>Heronŋe akyengimbiâ emet amboŋande ye gala akyengim denyeŋe nâŋgâmbiâ ârândân akto aregât bunŋe miawakyengiwiap. Gârâmâ denyeŋe nâŋgâm hâkân akmâ gala bo akyengimbiâ amâ hamiyengimbiâ aregât bunŋe bo miawak yengiwiap. <sup>14</sup>Akto yeŋe kepia siân arim makyengimbiâ hâkân akbiâ aregât kepia are hepunmâ Anutuŋe hâuŋe yengiwiap aregât dop akmâ keiyeŋân hamaŋ siâ tatbiap are paŋ paŋgom tâlim pulimbiâ gewiap. <sup>15</sup>Aregât maktere nâŋgâŋet. Sop humoân Anutuŋe Sodom akto Gomora kepia ambolupŋande bâleŋe agi aregât hâuŋe yengimbo meyi. Gârâmâ ye kepia yeŋân arimbiâ gala bo akyengiwei amâ dosa yeŋaet hâuŋe umatŋe membai.

### **Biwiyeŋande Anutugât nâŋgâm manbaiŋe Anutugât pat akbai.**

<sup>16</sup>Lama pâlâmŋe are pugaiya yengât hutyeŋân arimbiâ hilip yengune dâm kinmai dop hain are akmâ huŋgun yengire luâk bâleŋe hutyeŋân

ari manmâ aregât bo hamep akbei. Akto songo kotje hewam are nângâ nângâje olop manmâ damun aganġimap dop hainâk ye biwi golâk manbei. Akto lâut kotje kembâ arekje bo kârâ nenekmap kopakom tatmap dop hainâk yeje arim yeuknân manmâ bo mem bâli yekbai. <sup>17</sup>Ye luâk bikje yengât nângâmâk manbei. Yâkje yâk yengât den emetjân katyekmâ luâk kembulupyene yâk yengât dewunyenân bugâje yenguwai. <sup>18</sup>Akto areâk bo. Ye nângât akmâ mandâigât kiap me luâk kembu yâk yengâlân meyekmâ arimbiâ den âi membai. Aregât ye yâk yengât meteyenân akto Anutu bonanġanmai yâk yengât meteyenân kârikjeâk kinmâ den bunje makmâ hulanbei. <sup>19</sup>Den âiân katyekbiâ âmâ den gain gain hinare maktenje ârândân akbiap aregât nângâm han lâuwâ bo akmâ hanoko bo akbei. Anutuje biwiyenân Heakje kato yâkje makmâ miawakyengimbo areâk makbei. <sup>20</sup>Sop ain âmâ den makbai are Eweyejaet Heakjande biwiyenân den kato nângât keine makyengiwei. Are âmâ yejeâk bo makbai. Amâ Heakjande makmâ miawakyengiwiap. <sup>21</sup>Akto sop ain teulupyenande emilupyene mojet dâm oloj yekmâ togo kiap maganġbiâ yengumbo mombai. Akto ewelupyenande nanlupyene yengum gasa akyengim kewugu yekmâ humomolupyenaelân arimbiâ âmâ yengumbiâ mombai. Akto nanaġ lepatlupyenande ewe memelupyene gasa akyengim kiapgâlân arimbiâ tembe lokolupyenande togom meyekmâ arim yenguwai. <sup>22</sup>Akto ye kot patnaet akmâ luâk hârok yâkje yengât nângâmbiâ bâliwiap. Aregât yengâlân gâtje siâ me siâje nângât akmâ bo hâkân akbiap âmâ sop humoân himbim kepia membiap. <sup>23</sup>Akto ye meyekmâ den âi mem bugâje yengune dâm akbiâ ain hepun yekmâ kepia siân arim manbei. Aregât siâ hin maktere nângâjet. Yeje âmâ Israe kepia ârândân tatmâ ariâp ain bo purik katmâ arim âiyeje ketugum metembiâ âmâ nâ luâk akmâ geân aregât sopje ewumâk akbiap. <sup>24</sup>Nanaġje humoyeje ewangiwaigât dop bo tatâp. Akto hainâk luâk humomolupyene akto hoġ bawalupyene yâk dop konogâk membai. <sup>25</sup>Akto nâje âmâ yengât kautje mandân. Akto yeje âmâ nângât den lokom hoġ akniġmâ mandâi. Akto luâk bâleje arekje âmâ hin dâm nogondâi, “Sinduk baniara bâleje yâk yengât amboyeje kotje Besebulu.” dâm nogondâi hainâk hâmbâi ye hoġ bawalupne manmâ denne lokom manbiâ âmâ makmâ mem ge katyekmâ mem bâliyekbai.

<sup>26</sup>Aregât yâk yengât bo hamewakbei. Amâ wan me wan siâ yoġâk kinmâ akmai are hainâk bo yembiap. Are hâmbâi miawakto ekbai. Akto wan me wan siâ akmâ heambukmai are hainâk bo yembiap. Are hainâk hâmbâi tek tekġân miawakto ekbaen. <sup>27</sup>Aregât âmâ nâje ye olop yoġâk yoġâk tatmâ den makyengim mandân ire luâk âmbâle hârokje nângâjetgât makyengiwei. Akto nâje den hilop halowân makyengim mandân ire hâmbâi kâmot humoân kinmâ makyengiwei. <sup>28</sup>Akto luâk bâleġande yengât wâtyene bo akyengiâkgât dâm bugâje yenguwai. Gârâmâ

yengât otne biwiyeye hilipkowiagât dopne bo tatyengiâp are yengât bo hamewakbei amâ Anutu yâk konokne ye yengum aregât kaknân otne biwiyeye hilipkowiapgât kârikne talaŋdâp yâkgât konok hamewakbei. <sup>29</sup>Lâut sâmbâlilik are gagap amâ bunne bo. Are amâ tâwât dewunŋande puligowaengât dopne bo tatâp. Hain gârâmâ sâmbâlilik siâ mombiap momo aregât himbimân Eweyende bo ewum pâpkowiap. <sup>30</sup>Yâkne dumutyeye aregât yalaŋe nâŋgâm metemap. Aregât ye manbiâ bo nelâm yengiwia. <sup>31</sup>Dâ ye amâ sâmbâlilik bo. Ye luâk, aregât Anutuŋe damunyeŋe akmap. Akto yâkne keiyeye hârok nâŋgâmap. Aregât luâk yengât bo hamewakbei. <sup>32</sup>Akto yengâlân gâtne siâne luâk âmbâle yengât bo hamewakmâ yâk yengât dewunyeŋân kinmâ, “Nâ biwine Yesugâlân katere kinbiap.” dâm makyengiwiap amâ nâŋe hainâk hâmbâi himbimân Ewenaet dewunŋân kinmâ, “Luâk ire amâ nâŋgât kâmolân gâtne.” dâre Anutuŋe luâk hainare manman âlepŋân katbiap. <sup>33</sup>Aregât luâk aŋgâŋe amâ luâk âmbâle yengât hamewakmâ dewunyeŋân kinmâ, “Nâ Yesu are bo nâŋganman.” dâwia. <sup>34</sup>amâ nâkai hainâk Ewenaet dewunŋân kinmâ, “Bo nâŋgâ giŋdân.” dâwian.

<sup>34</sup>Akto yeŋe nâŋgâ yâkgât hin bo dâwei, “Yesu amâ nen gala konok manbaengât giep.” hain bo dâwei. Aregât maktere nâŋgâŋet. Nâŋe miawakmâ geân aregât bugâ miawakbiap. <sup>35</sup>Nâŋe geân aregât eweŋe nanŋe potalakmâ gasa agaŋgiwiandat. Akto memeŋe baratne potalakmâ gasa agaŋgiwiandat. Akto erânŋe erânŋe potalakmâ ikiŋeâk ikiŋeâk gasa agaŋgim manbiandat. <sup>36</sup>Me yengât ginbailupyeŋande gasa agaŋgiwai. <sup>37</sup>Akto siâ ewe meme han kalem humo akyetkim nâ bâlensiâ akniŋbiap amâ yâk nâŋgât pat bo akbiap. Akto siâ nanŋe baratne han kalem humo akyeŋim nâ bâlensiâ akniŋbiap amâ yâk hain âgâk nâŋgât pat bo akmâ manbiap. <sup>38</sup>Akto luâk siâne gasalupnande mem hilip nuguwai dâm aregât hamep akmâ ikiŋe hâkŋaet hanokoak akmâ manbiap amâ nâŋgât pat bo akbiap. <sup>39</sup>Me luâk siâne manmanŋe are ikiŋaelâk mem hanokoak akmâ manbiap arekne hâmbâi hilip aguwiap. Dâ luâk siâne nâŋgât akmâ nâŋgâ niŋmâ manmanŋaet bo hanokoak akmâ manmâ denne lokom manmâ manbiap arekne amâ manman kârikŋân manmâ âgâwia.

<sup>40</sup>Ye huŋgun yeŋgire arimbiâ gala konok akyeŋimai yâkne nâ gala konok akniŋmai aregât dop aktâp hainâk nâ gala konok akniŋmai yâkne amâ Ewenaet huŋgun niŋep yâk gala konok agaŋmai aregât dopne aktâp. <sup>41</sup>Akto Anutuŋe propete siâ mandâp aregât luâk siâne nâŋgâm gala konok agaŋdo ain gâtŋande hâmbâi Anutuŋe ikiŋe propetegât hâuŋe waŋbiap. Akto luâk siâ agak meme âlepne mem manmap aregât luâk siâne yâkgât keiŋe ekmâ nâŋgâm heŋgemgoep aregât gala konok agaŋmap yâk Anutuŋe luâk âlepne yâkgât hâuŋe waŋbiap. <sup>42</sup>Me luâk âmbâle siâne biwiyeye nâŋgât katbai yâk yengâlân gâtne gegeŋe are luâk siâne ekmâ nâŋgâm amâ tu hâgâm waŋbiap yâkne aregât hâuŋe âlepne hâmbâi membiap.” dâep. Yesuŋe den hain dâm aposololupne makyengiŋep.



### Yesuje Yohanegât magep.

**11** <sup>1</sup>Yesuje hoŋ bawalupŋe keiân lâuwâ are hain dâm makyenŋiep. Hain makyenŋim metem kepia are hepunmâ kepiaŋe kepiaŋe arim Anutugât den akto ikiye keiŋe are makmâ miawakmâ makyenŋim malep.

<sup>2</sup>Sop ain âmâ Yohane are kala busi kâlegen katbiâ talep. Kala busi kâlegen katbiâ tatmâ Kristoŋe kulem keiŋe keiŋe mem malep aregât pat nânŋâep. Nânŋâm tatmâ galalogâtŋe lâuwâ huŋgun yetkimbo arim <sup>3</sup>hin dâm aikoyiat, “Damun netŋe Yohane are ulikŋân yâk togom damun nenŋe akbiapgât dâyi are gâ me niŋaet lâmgom manbaen? dâm maknetkimbo gutet.” dâyi. <sup>4</sup>Hain dâmbela Yesuje hin dâm makyetkiep, “Yet arim âmâ wan me wan ekmâ nânŋat iregât den pat are Yohane hin dâm maganŋbiandat. <sup>5</sup>Dewunyeŋe bok bokŋe yâk yeŋgât makto dewunyeŋe hulaŋ akto emet ektâi. Akto luâk kei bâtyeŋe bâli bâliŋe yâk yeŋgât makto âlepŋe akmâ bam gutâi. Akto diwi kârikŋe akmâ manmai yâk yeŋgât makto pandak yeŋgiâp akto ondopyeŋe bok bokŋe yâk yeŋgât makto ondopyeŋe kepik akto den nânŋâi akto makto momoŋânba agatmâ golâk mandâi. Akto umburuk mamburuk mandâiŋe den pat âlepŋe makyenŋimbo nânŋâi. <sup>6</sup>Akto luâk siâŋe hâkâŋe bo akbiap âmâ yâkgât nânŋâre âlepŋe aktâp.” hain dâm huŋgun yetkimbo purik katmâ ariyiat.

<sup>7</sup>Huŋgun yetkimbo purik katmâ arimbela Yesuje Yohanegât hin dâm luâk âmbâle kili are makyenŋiep, “Ye Yohane hân kamitŋânŋen malep yâk wan ekne dâm yâkgâlân ariyi? Seruŋe dakerâ waito bam gutmap are ekne dâm yâkgâlân ariyi me? <sup>8</sup>Me luâk siâŋe hâk peke kulem melem are mem luguagep. Luâk hainare ekne dâm yâkgâlân ariyi me? Luâk hain arekŋe hâk pekeŋe kulem melem luguakmâ heŋgemgom luâk kotdâ yeŋgât emelan tatmâ manmai. <sup>9</sup>Ye wan ekne dâm hân kamitŋânŋen ariyi? Âmâ propete siâ ekberâm ariyi mon? Ye Yohane Anutugât den makmâ miawagep are ekne dâm ariyi aregât Yohane egi arekŋe âmâ luâkŋe luâkŋe Anutugât den makmâ miawakmâ manmâ gayi yâk yeŋgât dop bo. Yâk âmâ siâ. Yâkŋe âmâ propete hârok ewangi yekmâ kautŋe mandâp. <sup>10</sup>Yâkgât âmâ ulikŋân Anutuŋe den hin dâep are tatâp, “Nune hoŋ bawane huŋgun aŋdere laune lokom gâŋgât ulikŋân akŋimâ dâp heŋgemgo giŋbiap.” den are âmâ bunŋe akto Yohane miawagep. <sup>11</sup>Akto Yohane yâkgât den siâ maktere nânŋâŋet. Luâk yânŋande âmâ Yohane bo ewangimap. Dâ Anutu himbimân manmapŋe damunyeŋe akto yeŋgâlân gâtŋe hârokŋe âmâ Yohane ewangimai. <sup>12</sup>Akto Yohaneŋe âi keiŋe katmâ den makyenŋim malep sop arewa luâk âmbâle biwirâŋe Anutuŋe damunnenŋe akberâm aktâp aregât den pat âlepŋe nânŋâm biwiyeŋe heroŋe maroŋe akto aregât bunŋe mene dâm aktâi. Akto luâk âmbâle

kârikŋe akmai yâkŋe himbimgât pat akbai. <sup>13</sup>Propete luâk akto Mosegât den kârikŋe yâk hârokŋe Anutugât keiŋe kulemgom manmâ gayi. Akto Yohaneŋe aregât den bâiŋe makmâ miawagep. <sup>14</sup>Propete luâk siâ kotŋe Elia are malep luâk hainare hutnenŋân miawakbiap, den are nâŋgâmbiâ ârândân agâkgât tatyenŋiâp mon? <sup>15</sup>Ire nâŋgâm biwiyenŋe kepigâkgât den ire mem biwiyenŋân katmâ nâŋgâmâk manbei.

<sup>16</sup>Hinŋe mandâi yengât den gain gain maktere ârândân akberâp? Dop hinare. Nanaŋ lepat hain are kâmot lâuwâ kepia sombeimân tatbai. Tatmâ kâmot siâŋe kâmot siâ are hin dâm makyenŋiwai, <sup>17</sup>“Nenŋe han nenŋeâk kep kondan hain koŋet dâen. Hain dâm makyenŋienŋe ye bo kondâi. Umbi mem indienŋât yekâ han mem indenŋet dâen. Hain dâm makyenŋienŋe yekâ hainâk bo indeâi.” dâwai. Akto hainâk nâŋe bo indem okot bâle akmâ sot bâlâk manman aregât nâŋgât hainâk hâkân aktâi. Akto aregât maktere nâŋgâŋet. <sup>18</sup>Yohaneŋe sot waiŋ tu bo nem âmâ yân manmâ gambo aregât ye hin dâyi, “Âi luâk ire âmâ sinduk baniara bâleŋande kautŋe mem gulip ketuguâp.” dâyi. <sup>19</sup>Akto nâ luâk akmâ gem sot soŋgo nendere hin dâm magaŋgi niŋmai, “Luâk irekŋe sot humo nem mandâp amâ Roma yengât pat akmâ puli meme akto luâk bâleŋe yâk yengât gala.” dâm magaŋgi goaŋgi akmai. Gârâmâ Anutugât nâŋgâ nâŋgâŋe nâŋgâm watmâ manbai âmâ siâ me siâ bunŋeâk akto keiŋe yâk yengâlân bunŋe miawakbiap.” dâep.

### **Yesuŋe kepiaŋe kepiaŋe hârok makmâ sârek yenguep.**

<sup>20</sup>Akto emelâk Yesuŋe kepiaŋe kepiaŋe manmâ kulem keiŋe keiŋe mendo ekmâ kinmâ agak memeyeŋe bâleŋe yeŋe bo makmâ miawakmâ han purikali aregât nâŋgâm bâli yengim sârek yenguep. <sup>21</sup>“Bâe, Korasiŋ kepia ambolupŋe, bâe, Besaida kepia ambolupŋe yengâlân kulem hamepŋe olowâk mem manmâ gan hainare Tiro akto Sidoŋ kepiân ketugure dâine yâk emelâk agak memeyeŋe bâleŋe hepunmâ kâŋgom kinmâ okot bâle nâŋgâ aŋgim kinmâ Anutugât den nâŋgâwâi. <sup>22</sup>Dâ ye âmâ hain bo agi aregât hâmbâi sop humoân Tiro akto Sidoŋ kepia ambolupŋande aregât umatŋe membai. Hain gârâmâ ye âmâ agak memeyeŋe bâleŋe bo hepuli aregât hâuŋe umatŋe bâleŋe membai. <sup>23</sup>Akto Kapanaum kepia ambolupŋe ye âmâ Anutuŋe meyekto himbimân âgâwai mon? Hain bo. Anutuŋe âmâ ye hepun yekto hememân gewai. Yengâlân kulem keiŋe keiŋe ketuguân are Sodom kepiân ketugure dâine kepia aregât ambolupŋe hanyenŋe purik katbiâ Anutuŋe bo yenguwop. <sup>24</sup>Aregât hin makyenŋiwe. Sop umbuŋân Sodom kepia ambolupŋande bâleŋe agi aregât umatŋe meyi. Dâ ye âmâ sop humoân umatŋe bâleŋe membai.” dâep.

### **Yesuŋe biwi sânduk ketugu nenekto wâtnenŋe kârikŋe akmap.**

<sup>25</sup>Sop ain Yesuŋe Eweŋe manŋanmâ hin dâep, “Apo, hân himbim amboŋe gâŋgât okot âlep akŋiŋdân. Ewene gâ luâk bikŋande gâŋgât

keige nânġâne dâm nânġâ nânġâ emetġân âġâyi yâk yeġġât wan me wan ire nânġâwâi dâm dâp tigi yeġġimat. Are nânġâre ârândân aktâp. Dâ nanaġ hinare yânġande âmâ areġât nânġâġet dâm hekat yeġġimenâ nânġâmai areġât ġâ mepaige mendân. <sup>26</sup>Apo ġâ hain miawakmâ ariâġġât nânġâmenâ âlepġe agep.” dâm magaġep. <sup>27</sup>Akto den siâ hin dâm makyenġiep, “Ewene yâkġe nâ memenġe akniġdo areġât kotġe siâ siâ akbiangât dopġe aktâp. Akto Ewenaet keiġe nânġâġât luâk âmbâle potat yekmâ biken biken makyenġire arekġe âmâ hainâk keiġe nânġâwâi. <sup>28-30</sup>Akto nânġe nunak yeukġân manmâ damunyeġe akberâm aktâġġât ye hâk hilâlâm kakġân manmai me umatġe miawak yeġġimbo wâtġeġe sândugewerâm aktâp ye hârok nânġâlân togombiâ âmâ nânġe welam yeukġe âlepġe are mem katyeġġire âmâ nânġât keine nânġâm heġġemġombiâ mem hâk sânduk ketugu yektere wâtġeġe kârikġe akbiap. Akto biwiyeġe sândugembo sân sân bo membai.” hain dâm makyenġiep.

### Âi bo meme sopġaet den.

**12** <sup>1</sup>Âi bo meme sopġe Sarere ain Yesu akto hoġ bawalupġe âi kalam kâlegenba bam ariyi. Arim hoġ bawalupġe mopyeġe agumbo sot mem hâkġe gagaim neyi. <sup>2</sup>Akto Parisaio luâkġe yekmâ Yesu hin magaġi, “Hoġ bawalupġe âi meme sopġe bo ain ina sot hâkġe gagaim nendâi are yektenġe ârândân bo aktâp.” dâyi. <sup>3</sup>Hain dâmbiâ Yesuġe hin makyenġiep, “Ye Dawidiġe agep areġât den pat oyaġmai are bo oyaġmâ nânġâmai mon? Yâk akto tembe lokolupġe mop humo miawak yeġġimbo mali. <sup>4</sup>Hain akmâ Anutugât sumbe kat kat emetġân âġâyi. Âġâm âmâ Anutugât sumbe dâm sot kâmbokġe dâtânġe are om kali are neyi. Are âmâ sumbe kat kat luâkġeak ne. <sup>5</sup>Moseġe den kulemgoep are oyaġmai dâ amâ bo nânġâmai. Sumbe kat katġât âi luâkġe âi mem Sarere âi bo meme sopġân sumbegât âi memai amâ dosa bo akmai. <sup>6</sup>Nânġe âmâ sumbe kat kat emetġe are ewangiân. <sup>7</sup>Akto ye den ire Anutuġe makto kulemgoep, “Sumbe oġoġât âmâ hâkân aktân. Dâ okot âlep agakġât âmâ egâliandân.” den are nânġâmai dâine agak memeyeġe bâleġe bo akmai yâk yeġġân den âiân umatġe bo katyebâi. <sup>8</sup>Nâ luâk akmâ ġeân âmâ âi bo meme sopġe Sarere areġât damunġe akman.” dâep.

### Yesuġe luâk siâ mem âlepġe ketuguep.

<sup>9</sup>Akto Yesuġe arewa arim yâk yeġġât den emetġân âġâep. <sup>10</sup>Âġâm ain luâk bânġe bâleġe siâ tato eġep. Akto Parisaio luâk arekġe, “ġain ġain akmâ Yesu denân katbaen.” dâm areġât hin dâm magaġi, “Sarere âi bo meme sopġân âlepġe luâk kundatdâ heġġem yeġġuwerât me bo?” dâyi. <sup>11</sup>Dâmbiâ hin makyenġiep, “Hut yeġġân ġâtġe siânġe lama siâ kinaġbiap. Akto lama arekġe Sarere âi bo meme sopġân lâmân ġewiap. Akto luâk arekġe lâmânba bo hikom oloġbiap me? <sup>12</sup>Hanâk hikom oloġbiap akto

luâkne âmâ lama ewangimap. Aregât nen âlepne âi bo meme sopne Sarere ain luâk hen gem yen guenne ârândân akmap.” dâep. <sup>13</sup>Hain dâm kinmâ luâk bânne bâle ne are hin dâm maganep, “Bâtge panmenâ agalâk.” dâmbo bânne pando âlepne akmâ bânne biken aregât dopne agep. <sup>14</sup>Akto Parisaio luâkne agatmâ arim mendugum Yesu kombiâ mombiapgât magan gi goan gi agi.

**Yesu miawakbiapgât magi a kârigiep.**

<sup>15</sup>Hain akbiâ Yesune den are nân gâm kepia are hepunmâ agatmâ ariep. Akto luâk âmbâle dondâne olop arimbâ luâk kundatdâ dondâ hen gem yen guep. <sup>16</sup>Hain akmâ aregât den pat bo makyen giwei dâm den kârikne makyen giep. <sup>17</sup>Makyen giepgât Anutu ne ikin e hoj bawagât den siâ Yesaia magan do hin kulemgoep,

<sup>18</sup>“Hâmbâi nân gât hoj bawane nâ ne emelâk makmâ hâreanân. Nâ yâkgât ukenne humo nân gân akto yâkgât okot âlep nân gân. Akto nâ ne nune Heakne are yâkgâlân katbian akto yâkne agak meme âlepne aregât den pat are hânne hânne manmai are makyen giwiap. <sup>19</sup>Akto yâkne kuk hen gân den ne bo makbiap. Akto dâp humo watmâ bo kambon do nân gâwai. <sup>20</sup>Akto hâlâm pelâkne kokone are bo hârem kâlâwân panbiap. Akto kâlâp ululunne are bo limbâpkombo bokbiap. Nân gât hoj bawa hain akmâ âi humo mem ârândân den mem hulan gola ne mân gimbo nân gâmbiâ âlepne miawakbiap. <sup>21</sup>Akto hânne hânne manmai arekne yâkgât kotne nân gâmbiâ humo akto biwiyene sândugembo yâkgât lâmgom tatmâ mârune akmâ konmâ manbai.” Yesaian e hain kulemgoep.

**Yesune sinduk baniara siâ walanep.**

<sup>22</sup>Akto sop ain luâk siâ yâkgâlân kewugum togoyi. Akto luâk are âmâ sinduk baniara bâle nande kautjân miep. Dewunne akto laun e hârok gisap aguep. Akto Yesune luâk are mem âlepne ketugumbo den ne bo arekne den hogom emet ekmâ agep. <sup>23</sup>Akto luâk âmbâle kâmot humo arekne ekmâ otneyene arimbo hin dâm magan gi goan gi agi, “Luâk ire Dawidigât hakun e me an gâ?” dâm han lâuwâ agi. <sup>24</sup>Akto Parisaio luâkne den are nân gâm hin dâyi, “Yâkgât keine hingât akmâ kinmâ sinduk baniara bâle ne watyekmâ kindâp. Sinduk baniara bâle ne yengât humoyene kotne Besebulu yâkgât kârikjân kinmâ watyekmâ kindâp.” dâyi. <sup>25</sup>Hain dâmbiâ Yesune biwiyenân ekmâ hin dâm makyen giep, “Luâk kâmot siân e potalakmâ yen eak agumbiâ dâine bo akbop. Me emet me kepia humo siân e potalakmâ agumbiâ dâine emet kepia are bo yembop. <sup>26</sup>Dâ hainâk Hian gi Ambon ande ikin jak walakto dâine kâmot lupne emelâk potalakmâ bo akbâi. <sup>27</sup>Hian gi Ambon aet kârikjân kinmâ âi mem manman dâine

bunje bo miawakbop. Dâ Anutugât kârikjân kinman aregât Hiangi Ambojaet âi luâk watyekman. Akto aregât lâuwânje makbe. Ye nângâ yâkgât Besebulugât kârikjân kinmâ Besebulugât kâmot watyekmap dâi aregât hin dâm makyenjiwe. Yengât luâklupyenjande hainâk Besebulugât kârikjân kinmâ sinduk baniara bâleje watyekmai. Yâkne âmâ hâkyenje tunmâ keiyenje mem miawakmai. <sup>28</sup> Akto nâ Anutugât Heakjande wâtje nijdo sinduk baniara watyekman aregât Anutuje wan me wan hârok damunyeje akbiapgât sopje tâlâwâk aktâp. <sup>29</sup> Akto nângât keine aregât den dopje siâ makyengire nângâjet. Luâk kârikje siâje mâron goliakmâ tembe bisârâj mem âgâm emet kepiane damungom hejgemgowiap âmâ yâkgât ito me wan me wan âlepje talañbiap. Dâ gasa kârikje dondâje togom emet damunje akmap are tâkne hikombo yeukje akto âlepje ito me bau me wan me wan are meakbiap.

### Heak bo hâkânje akbaen.

<sup>30</sup> Akto aregât siâ maktere nângâjet. Luâk âmbâle siâje gala bo akniñmapje âmâ gasa akniñmap. Akto siâje âi mendere bo tân nugumapje nugum pan nekbiapgât dop aktâp. <sup>31</sup> Akto luâk âmbâle bikjande nugum bâleje maleje hârok mânginekmai dosa are Anutuje ikinjak kutigit yengiwipgât dopje aktâp. Dâ luâk siâje Anutugât Heakje are pilâkom mem ge katmâ âmâ dosa membiap are Anutuje hepunbiapgât dopje bo tatâp. <sup>32</sup> Akto nâ luâk akmâ geân nângât siâje makmâ bâleniñbiap âmâ dosa are Anutuje ikinjak kutigilañbiapgât dopje aktâp. Dâ Heak âlepje yâkgât makmâ bâlianiñbiap yâkgât dosa âmâ Anutuje bo kutigilañbiap. Borondâ. Luâk are dosa olop manmâ âgâwip.

<sup>33</sup> Lâwingât keije bunjande mem miapanmap. Aregât ye lâwin siâgât nângâm kepilâm imâ âlepje dâm benje bunjejaet hainâgâk âlepje dâmai. Akto lâwin siâgât nângâm kepilâm imâ bâleje dâm âmâ benje bunjejaet hainâgâk bâleje dâmai. <sup>34</sup> Wei, mulum nanañlupje, ye bâleje akmai aregât gain gain den âlepje siâ makbai. Amâ hanyenân wan me wan siâ yendâp hain âgâk lauyenânba gamap. <sup>35</sup> Luâk âlepjande han nângâ nângâje âlepjânba siâ me siâ âlepje lândemap. Dâ luâk bâlejande âmâ han nângâ nângâje bâlejânba siâ me siâ bâlejeâk lândemap. <sup>36</sup> Aregât hin makyengire nângâjet. Siân sop humoân luâk âmbâle hârokje den keije bo makmai are makmâ miawakbiâ Anutuje den âiân katyekbiap. <sup>37</sup> Amâ hingât. Den makmat arekje keige âlepje mem miap pando Anutuje hâuje âlepje akgiñbiap. Me den makmat arekje keige bâleje mem miap pando Anutuje hâuje umatje giñdo umatjân manmâ âgâwiat.” dâep.

### Yesuje kulem mendo eknegât maganji.

<sup>38</sup> Yesuje hain dâmbo sop ain Mosegât den kârikje makmâ kepigi akto Parisaio luâk arekje Yesu maganjmâ hin dâyi, “Apo, gâje kulem

siâ memenâ ekne.” dâyi. <sup>39</sup>Hain dâmbiâ hin makyengiep, “Hain bo. Luâk âmbâle bâleŋe yeŋe Anutugât kotŋe mem bâlimai arekŋe kulem miawakto ekne dâmai. Dâ nâŋe âmâ kulem bo hekat yeŋgiwian. Konok amâ hin. Yonagât kulem are nâŋgâm heŋgemgowe. <sup>40</sup>Ulikŋân propete kotŋe Yona iŋan humo siâgât tepŋe kâlegen hilâm âlâwu yiep hainâk luâk akmâ geân nâ hilâm âlâwu hân kâlegen yembian. <sup>41</sup>Dâ Yona arekŋe kepia bâleŋe dondâ kotŋe Niniwe aregât ambolupŋe den makyengimbo hanyeŋe purik kali. Dâ nâ Yonagât Humoŋe nâŋe makyengire hanyeŋe kârikŋe akmai aregât Niniwe ambolupŋande yeŋgât dosa mem miawakyeqmâ makbiâ agak memeyeŋe bâleŋe are mem miawakbiap. <sup>42</sup>Aregât den siâkâ makbe. Ulikŋân hakunenŋe Dawidi yâkgât nanŋe Salomoŋe den nâŋgâ nâŋgâŋe makmâ miawagep. Den are sambelem arimbo âmbâle kembu siâ hân bânŋâŋen Salomogât den are nâŋgâwerâm togombo maganŋo nâŋgâmbo dâtŋe agep. Dâ nâŋe âmâ Salomogât Humoŋe aregât yu kindâi ire makyengire nâŋgâmbiâ dâtŋe bo akto aregât âmbâle kembu arekŋe yeŋgât dosa mem miawakmâ hâkyeŋe tun akto agak memeyeŋe bâleŋe are miawakbiap.

**Niambiŋe luâk hepunmâ arim manmâ purikamâ gewâkŋânâk togoep.**

<sup>43</sup>Ye hain akmaigât hin makyengire nâŋgâm heŋgemgoŋet. Sinduk baniara helenj bâleŋe siâŋe luâk siâ hepunmâ hân kamitŋâŋen luâk memberâm undâgâto bo akbiap. <sup>44</sup>Undâgâto bo akto hin dâwiap, “Emelâk nâŋgât luâk are agaŋmâ hepulân aregâlân purik katmâ arim manbian.” hain dâm purik katmâ arim luâk aregât biwiŋân siâ siâ bo kindo ekmâ ârândânj aktâpŋât <sup>45</sup>âmâ arim galalupŋe bân biken lâuwâ bâleŋe dondâ akmai are âmâ mem miawakyeqmâ kewuguyekto togom manbiâ umatŋe bâleŋe dondân manmâ âgâwiap. Akto agak meme hain arekŋe luâk âmbâle bâleŋe hinŋe mandâi are yeŋgâlân miawakbiap.” dâep.

**Yesugât memene emilupŋe.**

<sup>46</sup>Den hain dâm makyengimbo ainâk memene emilupŋe togom betgen kinmâ, “Teunenŋe gemenâ makŋiŋe.” dâm koli. <sup>47</sup>Hain dâm konbiâ luâk siâŋe hin dâm maganŋep, “Memege emilupge betgen kinmâ gogonmâ kindâigât gemenâ makŋiŋberâi.” dâep. <sup>48</sup>Hain dâmbo Yesuŋe luâklupŋe are yekmâ hin dâm maganŋep, “Memene niŋe? Akto emilupne niŋema? <sup>49</sup>Memene me emilupne amâ ire. <sup>50</sup>Ewene himbimân manmap yâkgât lauŋe lokomai yâkŋe amâ nâŋgât memene akto emilupne garilupne aktâi.” dâep.

**Luâkŋe sot koaŋe kâmelep.**

**13** <sup>1</sup>Akto sop ain Yesuŋe emet are hepunmâ sopanmâ arim bâtgum giŋŋân talep. <sup>2</sup>Ain tato luâk âmbâle dondâŋe yâkgâlân togom

gam ândeanji. Hain agi aregât wanja siân âgâep. Akto luâk âmbâle togoyi are bāt̄gum dāt̄j̄n kinbiâ makyen̄giep. <sup>3</sup> Wanja kâlegen kinmâ den ginje dondâ makyen̄giep are hut̄j̄n den ginje siâ ikin̄jaet pat hin dâm makyen̄giep, “Luâk siânje seŋgo alek̄je mem âi pân̄j̄ngen ariep. <sup>4</sup> Hain akmâ arim mem biken biken pando giep. Dâ seŋgo alek̄je bik̄je âmâ dâwân ge yiep. Are lâut̄je dowâk togo nem meteyi. <sup>5</sup> Dâ bik̄je âmâ hân kât̄ kâlegen hân dondâ bo ain ge yiep aregât dowâk pāt̄kombo kâm̄je dowâk gambo <sup>6</sup> dewutâ kârik̄je pando kândârâje tâlâwâk aregât dipkom moep. <sup>7</sup> Dâ bik̄je âmâ hele kândârâje kâlegen ain ge yiep arek̄je sop̄j̄n pāt̄kom kâm̄je gambo hewuk̄je âkâ hainâk gam kârik̄je akmâ sot tigimbo bunje bo agep. <sup>8</sup> Akto seŋgo alek̄je bik̄je âmâ hân kelurâ amboŋande mem bandikoep ain ge yiep are bik̄j̄ande pāt̄kom agatmâ bunje âlep̄je agep. Dâ bik̄j̄ande amâ pāt̄kom agatmâ bunje âlep̄je dondâ agep. <sup>9</sup> Gârâmâ ye den ire nân̄gâm biwiyen̄j̄n katmâ heŋgemgom manbiâ bunje yen̄gâlân miawakbiap.” dâep.

<sup>10</sup> Hain dâambo luâk âmbâle dondâ arimbiâ luâklup̄j̄nde Yesu hindâm aikoyi, “Amâ wangât den ginjeâk makyen̄giât?” dâmbiâ hin makyen̄giep, <sup>11</sup> “Ye Anutuje damunyeje akmap aregât keije yon̄j̄k malep are miap̄j̄n makyen̄giman. Dâ luâk âmbâle bik̄je Anutuje bo damunyeje akmap are Anutugât den patgât keije miawâk bo makyen̄giman. <sup>12</sup> Aregât luâk âmbâle bik̄j̄ande siâ me siâ are damun akmâ mem manmai are siâ me siâ siâkâ yen̄gire sambe miawagan̄biap. Dâ bik̄j̄ande âmâ siâ me siâ bâlensiâ are mem manmai are mendere yân manbai. <sup>13</sup> Aregât den ginjeâk makyen̄giman. Amâ yâk̄je âmâ ekmâ âmâ bo ekmâ nân̄gâwai. Akto nân̄gâwerâm hâumgowai arek̄je keije bo nân̄gâwai. <sup>14</sup> Aregât den siâ Yesaiaje ulik̄j̄n kulemgoep bik̄je bunje aktâp. Amâ hin,

Anutuje hin dâep, “Luâk âmbâle yu mandâi amâ ondopyen̄j̄nde nân̄gâwai. Dâ hanyen̄j̄nde âmâ bo nân̄gâm kotgâwai. Akto dewunyej̄nde ekbai. Dâ ekmâ âmâ bo heŋgemgowai. <sup>15</sup> Luâk kâmot irek̄je hanyen̄je kârik̄je akto ondopyen̄je bokbok̄je akto dewunyeje âmâ bogep. Amâ dewunyej̄nde siâ me siâ ekmâ ondopyen̄j̄nde nân̄gâm heŋgemgom âmâ han biwiyen̄je purikatmâ heŋgemgombiâ nân̄je mem heŋgemgomyekbomgât wan me wan bo ekmâ nân̄gâm heŋgemgowai.” Anutuje hain dâep.

Yesaiaje den yu kulemgoep are bunje aktâp.

<sup>16-17</sup> Den bunje makyen̄giwe. Ulik̄j̄n Anutugât propete akto luâk âmbâle bik̄je Anutugât dewun̄j̄n agak meme âlep̄jeâk akmâ mali arek̄je wan me wan ujak yeje ekmâ mandâi hainâk ekberâm uken̄je humo nân̄gâm mali. Dâ amâ bo egi. Akto den pat âlep̄je makyen̄gire nân̄gâi ire gai nân̄gâwerâm uken̄je humo nân̄gâm mali. Dâ amâ bo nân̄gâyi. Aregât ye âmâ wan me wan ekmai aregât nân̄gâm heron̄je humo akmai. Akto den pat âlep̄je makyen̄gire nân̄gâmai aregât heron̄je humo nân̄gâm manmai.

### Sot kâmelep aregât keiņe.

<sup>18</sup>Akto nâņe luâk siâņe seņgo palepgât den ginņe maktân aregât keiņe amâ hin. <sup>19</sup>Seņgo palep amâ Anutuņe damuņeņe akbiapgât den dopņe makyeņgiman. Akto dâwân mesokto ge yiep are amâ den maktere bo nâņgâmbiâ ainâk Bâleņe Amboņande dowâk togom den âlepņe biwiyeņân gewop dâm den pat are kondo bo akmap. Hain are. <sup>20</sup>Dâ seņgo bikņe hân kât kâlegen ge yiepgât maktân are amâ luâkņe hin akmai. Den pat âlepņe maktere âlepņe nâņgâm manmai. Akto ire amâ âlepņe dâm heroņe akmâ getek mem manmai. <sup>21</sup>Dâ den biwiyeņân bo gem heņgemgoep aregât getek manmâ umatņe siâņe me nâņgât dengât Anutugât gasa togombiân hamep akmâ den are hepunbai. <sup>22</sup>Dâ koaņe hele hewukņe kândârâņân yiep ain palep hân aregât dopņe amâ luâk âmbâle hin akmai. Luâk âmbâle den makyeņgire are nâņgâm kinmâ hin dâmai, “Den ire lokowaen.” dâmai âmâ benņe sikumgât me puligât me hâkgât ukenņe aregât nâņgâm han lâuwâ akbiâ sikumņe kambiamyeņe oloņdo den âlepņe hepunmâ sikum aregâlâk nâņgâmai. Hain nâņgâm agak meme âlepņe bo akmâ bunņe bo akmai. <sup>23</sup>Dâ hân âlepņân palep hân aregât dop amâ luâkņe hin akmai. Yâk âmâ den pat âlepņe nâņgâm kotgâm heņgemgom mem manmâ agak meme âlepņe bunņe akmai. Dâ bikņande âmâ hain akmâ agak meme âlepņe dondâ akmai. Den dopņe maktân aregât keiņe amâ hain.” dâep.

### Sot âlepņe aregât hutņân hele pâtkomap aregât den.

<sup>24</sup>Akto Yesuņe den dopņe siâ hin makyeņgiep, “Himbimân manmap yâkņe damuņeņe akbiap aregât den dopņe hin. Luâk siâņe seņgo alekņe mem âiâņgen arim kâmelep. <sup>25</sup>Hain kâmeto bo akto emetņân âgâmbō emet dâgâep. Emet dâgâmbō ainâk hârok asiņ yembiâ âmâ gasaņe togom seņgo kâit aregât alekņe mem togom seņgo hutņân kâmelep. <sup>26</sup>Hain akmâ arimbo hilâm siân amâ seņgo kâmņe gambo bunņe miawakto seņgo kâit bunņe bo are âkâ pâtkoep. <sup>27</sup>Pâtkombo luâk aregât hoņ bawalupņe arekņe humoyeņe hin magaņi, “Apo, seņgo alekņe kâmelēn aregât gain gain seņgo kâit dondâ hutņân pâtkoâp?” dâyi. <sup>28</sup>Hain dâmbiâ kalam amboņe arekņe hin makyeņgiep, “Maktâi amâ nâņgât gasa siâņe togom seņgo kâit kalep.” dâep. Hain dâmbō âi luâklupņande hin magaņi, “Akto gain gain nâņgât? Nenņe ari seņgo kâit are hindâne me?” dâyi. <sup>29</sup>Hain dâmbiâ hin makyeņgiep, “Hain bo. Hepunņet. Ageine mesokmâ koaņe âlepņe hindâ yekbâi. <sup>30</sup>Gârâmâ hepunbiâ hain yendo titnan bunņe miawakto âlepņe ainâk ire seņgo, ire bo dâm nâņgâm kepilâwai. Aregât hâre hâre luâklupne hin makyeņgiwian, Arim hele wan bunņe bo are hindâm dâgâm mendugum kâlâwânâk panbiâ oâk. Dâ seņgo bunņe olop are orem nâņgât sot emetņân menduguwei. Hain dâwian.” dâm makyeņgiep.”



**Lâwin koaŋe akto kâtembe aregât den.**

<sup>31</sup>Yesuŋe den dopŋe siâ hin dâm makyenŋieŋ, “Himbimân manmap yâkŋe damunyene akbiap aregât den dopŋe hin. Lâwin koaŋe siâ kotŋe wesem are âi luâk siâŋe koaŋe are mem arim ikiye kalamŋân kâmelep. <sup>32</sup>Koaŋe amâ bâlensiâ dondâ. Dâ pâtkom amâ humo akmâ lâwin siânba are hârok ewangiyekmap. Hain akmâ lâwin humo akto lâutŋe togom bāt bātŋân panmai.” dâep.

<sup>33</sup>Hain makyenŋim benŋe den dopŋe siâ hin dâm makyenŋieŋ, “Anutuŋe damunyene akberâm aktâp amâ kâtembe dop hinare. Âmbâle siâŋe kâtembe bâlensiâ mem hamân golaŋgoep. Akto kâtembe bâlensiâ arekŋe ham hârok mânŋimbo ukenŋe agep.” dâep.

**Yesuŋe den dopŋeâk magep.**

<sup>34</sup>Yesuŋe hain dâm den dopŋânâk luâk âmbâle togoyi are makyenŋieŋ. Dâ den miapŋân amâ bo makyenŋieŋ. <sup>35</sup>Akto den dopŋe siâ makyenŋieŋ amâ ulikŋân propete siâŋe kulemgœp are bunŋe miawagep hin kulemgœp,

“Nâŋe den ginŋeâk hârok makyenŋiwian. Akto wan me wan Anutuŋe ulikŋânbak heambukto yem âgâep den are makmâ miawakyeŋgire nânŋâwai.”

Hain kulemgœp den are bunŋe akto Yesuŋe den ginŋeâk makyenŋim malep.

<sup>36</sup>Akto Yesuŋe luâk âmbâle kâmot humo are hepun yekmâ emelan âgâep. Akto hoŋ bawalupŋande âgâm maganmâ hin dâyi, “Seŋgo kâitŋe kalam kâlegen pâtkoepgât maktât are nenâkâ keiŋe maknengimenâ nânŋâne.” dâyi. <sup>37</sup>Hain dâmbiâ Yesuŋe den ginŋe aregât keiŋe hin makyenŋieŋ, “Luâk seŋgo alekŋe kâmelep amâ luâk akmâ geân nâ. <sup>38</sup>Dâ kalam amâ kepia hârok. Dâ seŋgo koaŋe âlepŋe amâ luâk âmbâle Anutuŋe damunyene akberâm aktâp are. Dâ hele bâleŋe amâ Bâleŋe Amboŋaet luâk âmbâle. <sup>39</sup>Dâ gasaŋe togom kalam kâlegen hele bâleŋe koaŋe kâmelepgât maktân amâ Hiaŋgi Amboŋe yâk. Dâ kalamân sot bunŋe memegât maktân amâ hâmbâi sop humoân miawakbiap aregât maktân. Dâ are amâ aŋeloŋe mendugum kâlâwân ombaigât maktân amâ hâmbâi dop hainâk hân himbim bo akbiandat sop ain miawakbiap. <sup>40</sup>Dâ hele bâleŋe hindâm kâlâwân ombaigât maktân amâ dop hainâk hâmbâi miawakbiap. <sup>41</sup>Amâ luâk akmâ geân nâŋe aŋelolupne huŋgun yeŋgire wan me wanŋe luâk biwiyene mem bâlimap are akto luâk agak meme bâleŋe akmai are oloŋyekmâ kâlâwân panyekbiâ gewai. <sup>42</sup>Gem indem hâk hilâlâm humo nânŋâm elewetyene igim kinmâ manbai. <sup>43</sup>Akto sop ain luâk âmbâle agak meme âlepŋeâk akmâ manmai are amâ Eweyŋaet dewunŋân dewutâ dewunŋe hinare akmâ pagalem kinbai. Gârâmâ ye den ire biwiyenân katmâ nânŋâm manbei.

<sup>44</sup>Akto Anutuŋe damunyaŋe akberâm aktâp are âmâ luâk siâŋe tâwât dewunŋe kalam kâlegen heambukto yiep hainare. Akto luâk siâŋe tâwât dewunŋe are ekmâ benŋe yâkâ hainâk lâuwâŋe heambugep. Hain akmâ aregât mârũŋe dondâ akmâ wan me wan mem arimbo luâk bikŋande puligoyekbiâ puli are mem arim tâwât dewunŋe egep are memberâm kalam are puligoep.

<sup>45</sup>Anutuŋe damunyaŋe akberâm aktâp are âmâ sikum luâk siâŋe kune âlep âlepgât undâgâtmap hainare. <sup>46</sup>Luâk arekŋe kune siâ âlep âlepŋe dondâ ekmâ âmâ ikiŋandeân siâ siâ mem arim yeŋgimbo puli wanjbiâ puli arekŋe kune delem are puligoep.

<sup>47</sup>Akto siâ gai hainâk Anutuŋe damunyaŋe akberâm aktâp amâ hin. Âi luâk bikŋande ŋalu ŋalu panbiâ haru kâlegen gembo iŋan bâleŋe âlepŋe hârok oloŋyegi. <sup>48</sup>Oloŋyekbiâ pikbiâ ginŋâŋen oloŋbiâ giep. Hain akmâ iŋan âlepŋe âmâ kepilâmbiâ kondo siân giep. Dâ iŋan bâleŋe amâ pali. <sup>49</sup>Hainâgâk hâmbâi himbim hân ire bo akbiap sop ain âkâ hainâk akbai. Aŋeloŋe gem luâk bâleŋe luâk âlepŋe yeŋgât hutyeŋe tete manmai are mem kepilâ yekbai. <sup>50</sup>Hain akmâ kâlâp humo om yemap ain panyekbai. Akto sop ain âmâ hâk hilâlâm nâŋgâm elewetyeŋe igim indem kamboŋmâ yembai.” dâep. <sup>51</sup>Akto Yesuŋe aiyenŋum hin dâep, “Den keiŋe hârok makyenŋiân are âlepŋe nâŋgâi me bo?” dâmbô, “Âlepŋe nâŋgâen.” dâyi. <sup>52</sup>Akto hin makyenŋiep, “Mosegât den tâmbâŋe makmâ hulaŋmai areyenŋâlân gâtŋe siâ himbimân manmap yâkŋe damunyaŋe akbiapgât keiŋe makyenŋire nâŋgâmap âmâ hin akmap. Itoânba sikum tâwât irakŋe akto wan tâmbâŋe lândem katmap.”

### Nasarete kepian gâtŋande Yesu hâkâŋe agi.

<sup>53</sup>Yesuŋe den ginŋe are hârok makmâ metem hân are hepulep. <sup>54</sup>Hepunmâ ikiŋe kepianân arim den emetŋe âgâm den pat âlepŋe makyenŋiep. Hain akto luâk âmbâle arekŋe otneyeŋe arimbo sân sân mem hin dâyi, “Luâk ire amâ niŋande hekalanŋo nâŋgâ nâŋgâŋe miawagaŋmap akto kulem keiŋe keiŋe mendo miawakmap? <sup>55</sup>Imâ nengâlân gâtŋe, eweŋe Yosepe emet ketugu ketugu âi meminep akto memene amâ ingâtŋe Maria are akto emilupŋe amâ Yakobo siâ akto Yosepe akto Simoŋ siâ akto Yudasi <sup>56</sup>akto garilupŋe amâ in mandâi aregât yâk siâ me siâ hârok are yâgâtenba mem miap palep?” <sup>57</sup>dâm nâŋgâmbiâ bâliep. Hain akbiâ Yesuŋe hin makyenŋiep, “Anutugât Propete siâŋe hân siân siân arim makyenŋimbo denŋe nâŋgâm heŋgemgomai. Dâ ikiŋe kepianân âgâm makyenŋimbo âmâ hâkâŋ akmâ hamianŋmai.” dâep. <sup>58</sup>Hain dâm kepia ambolupŋande biwiyeŋe yâkgâlân bo katmâ âmâ hâkâŋ agi aregât yâk yeŋgâlân gâtŋe konok konok mem heŋgem yeŋguep.

### Heroteŋe Yohane kondo moep.

**14** <sup>1</sup>Akto sop ain luâk kembu kotŋe Herote arekŋe Yesuŋe âi mem kotŋe siâ siâ akmâ malep aregât den nâŋgâep. <sup>2</sup>Nâŋgâm hoŋ

bawalupņe makyengim hin dâep, “Luâk kotņe Yohane tu puli keiņe kalep are emelâk moep arekņe sumânba agatmâ mandâp. Aregât kulem keiņe keiņe siâ siâ memap.” dâep. <sup>3</sup>Dâ Heroteņe Yohane kondo moep aregât keiņe hin. Ulikņân Herote are akto luâk siâ kotņe Pilipo emi teu tatminiat. Akto Pilipo arekņe âmbenņe kotņe Herodia miep. Mendo âmbâle arekņe luâkņe Pilipo are hepunmâ Herote miep. <sup>4</sup>Hain manbela Yohane tu puli keiņe kalep arekņe Herote hin magañep, “Den kârikņe kom kandâge memenâ bâliâp.” dâep. <sup>5</sup>Hain dâmbô kondere moâk dâm kala busi kâlegen kato talep. Hain akto âmâ luâk âmbâleņe Yohane âmâ Anutugât Propete dâmini aregât Heroteņe hamewakmâ hepulep. <sup>6</sup>Akto tatmâ hilâm siân Herote miawagepgât hombaņ sopņe akto galalupņe mendugu yekmâ sot om yeņgiep. Sot om yeņgimbo mendugum nem tatbiâ âmbenņaet baratņe âmbâi sigan arekņe hutyeņân kinmâ keņgu kom ândiep. Hain akto âmâ kambiamyeņe âlepņe akto <sup>7</sup>Heroteņe hin dâep, “Anutugât dewunņân makbe. Wan me wan ekmâ ulit niņmenâ âmâ are âmâ âlepņe giņbian.” dâep. <sup>8</sup>Hain dâmbô arim memeņe aikombo memeņande Yohane kombiâ moâk dâm magañdo baratņande bam Herote hin magañep, “Yohane tu puli keiņe kalep aregât kautņe hârem kondoân katmâ niņ.” dâep. <sup>9</sup>Hain dâmbô Heroteņe nâņgâmbô umatņe agep. Gârâmâ magep aregât den koko bo agep. Akto luâk tali are yeņgât dewun yeņân denņe gewopgât magep. <sup>10</sup>Akto hoņ bawaņe siâ tâwât amboņe are huņgun aņdo tâwât mem arim kala busi kâlegen âgâep. <sup>11</sup>Âgâm Yohanegât hanņe hârem kautņe kondoân katmâ mem gutmâ âmbâi sigan are waņep. Waņdo memeņaelân lokom ariep. Lokom arim memeņe waņep. <sup>12</sup>Akto Yohanegât hoņ bawalupņande pat are nâņgâm ari hâkņe mem hangoyi. Hangom âmâ aregât arim Yesu magañi.

### Yesuņe luâk 5,000 sot yeņgimbo neyi.

<sup>13</sup>Yesuņe den are nâņgâm kepia are hepunmâ luâk âmbâle dondâ are hepun yekmâ waņga mem hân pumângen ariep. Arimbo luâk âmbâleņe nâņgâm kepia humo hepunmâ kei hân watmâ togoyi. <sup>14</sup>Akto waņganba sopanbiâ Yesuņe luâk âmbâle dondâ yekmâ okot nâņgâyeņgim kundatdâ mem heņgem yeņguep. <sup>15</sup>Hain akmâ mando hoņ bawalupņande togom hin magañi, “Emet eņgaiņe aktâp. Akto hân iren kepia me emet bo tatâi aregât luâk âmbâle ire huņgun yeņgimenâ mopyeņe aguwpogât kepia enemânâk ain arim sot puligom neņet.” dâyi. <sup>16</sup>Hain dâmbiâ hin makyeņgiep, “Wangât ariņetgât maktâi? Ye sot om yeņgiņet.” dâep. <sup>17</sup>Hain dâmbô hin dâyi, “Nen âmâ sot bo menden. Sot koaņe momerâk akto iņan lâuwâ kindâp.” dâmbiâ hin dâep, <sup>18</sup>“Sot are niņnet.” dâmbô mem ga waņbiâ <sup>19</sup>luâk âmbâle makyeņgimbo umiliņ kakņe tete tatmâ ariyi. Hain tatbiâ sot are mem kinmâ himbimân ekmâ Anutu mepaiņe miep. Mepaiņe mem sot yeņgimbo luâk âmbâle are yeņgiyi. <sup>20</sup>Yeņgimbiâ

nem tepyeŋe pikto sot pipiŋe ge yiep are pitim mendugum haka bāt bip bip hārok keiān lāuwā lugumbiā pigep. <sup>21</sup> Akto luāk sot neyi are yengāt yalayeŋe āmā 5,000. Dā āmbāle nanaŋ āmā bo oyaŋyegi.

### Yesuŋe bātŋum kakŋān ariep.

<sup>22</sup> Aināk Yesuŋe hoŋ bawalupŋe huŋgun yengim hin dāep, “Yeŋe soŋ waŋgan āgām haru biken arimbiā āmā nāmā titnan luāk āmbāle ire huŋgun yengire arimbiā āmā togowerān.” dāep. <sup>23</sup> Hain dāmbo arimbiā yāk luāk āmbāle are huŋgun yengimbo hārok arim metembiā ikiyeāk Anutu ulilaŋberām gimbiāŋe siān āgāep. Āgā eweŋe ulilaŋmā kindo emet eŋgaiŋe agep. <sup>24</sup> Eŋgaiŋe akto luāk lupŋe waŋga mem arim emelāk haru tāmāŋŋen ariyi. Arimbiā waŋga hāmeŋāŋenba seru gambo waŋga are āgām gem malep. <sup>25</sup> Gem mando emet hauŋberām akto hāndāk pipiŋe tatoāk Yesuŋe haru kakŋān tālim tālim yāk yengāt enemyeŋān togoep. <sup>26</sup> Togombo ekmā sān sān mem ongāyeŋe hogombo hin dāyi, “Niambi siā togoāp.” dām hamewakmā kamboŋi. <sup>27</sup> Kamboŋbiā āmā dowāk makyengim hin dāep, “Bo hamewakŋet. Biwiyeŋe sāndugeāk. Nāŋe togoān.” dāep. <sup>28</sup> Hain dāmbo Petoroŋe hin maganep, “Gāŋe togoāt aregāt nogonmenā nākā haru kakŋān tālim tālim gāŋgālān gutbe.” <sup>29</sup> Hain dāmbo Yesuŋe, “Ālepŋe gut.” dāmbo Petoroŋe waŋga hepunmā gem haru kakŋe tālim tālim Yesugālān baep. <sup>30</sup> Bam haru are ekto seruŋe waito agatmā gem agatmā gem akto ekmā hamewagep. Hamewakmā haruān gewerām agep. Hain akmā konmā hin dāep, “Humo tām nugu.” dāmbo <sup>31</sup> Yesuŋe dowāk bātŋe panmā Petoro mem hin maganep, “Gā nāŋgāt biwige bo katmā heŋgemgomat. Gā wangāt han lāuwā aktāt?” dāep. <sup>32</sup> Hain maganep waŋgan bam āgāmbela aināk seru nāŋgāep. <sup>33</sup> Akto luāk waŋgan tali yākŋe enemŋān kāŋgom hin dāyi, “Gā Anutugāt Nanŋe bunŋe.” dāyi.

<sup>34</sup> Haru are hātikom kepia siā kotŋe Genesaret ain ariyi. <sup>35</sup> Arimbiā patŋe nāŋgām togom ekmā nāŋgaŋi. Akto luāk arekŋe den katbiā kepia ewumāk ewumāk ariep. Akto luāk āmbāleŋe kundatdā meyekmā yākgālān togoyi. <sup>36</sup> Togom Yesu konmā maganmā hin dāyi, “Apo nengālān gātŋe kundatdā irekŋe sāŋgumge howaim āmā ālepŋe akŋet.” dāmbiā ālepŋe dāmbo bikŋande howaimbiā Yesuŋe heŋgem yenguep.

### Sotŋe biwinenŋe bo hilipkomap.

**15** <sup>1</sup> Sop aināk Parisaio luāk akto Yuda luāk yāk hārokŋe bāgilupyeŋe yengāt den lokom sot nemberām akmā bātyeŋe pulimāk sot nemini. Luāk arekŋe Yerusalem kepiānba togom Yesugālān mendugum hin dām aikoyi, <sup>2</sup> “Hoŋ bawalupgande wangāt bāgilupnenŋe yengāt den bo lokom bātyeŋe tuān bo pulim yān sot mem nendāi?” dāyi. <sup>3</sup> Aregāt hin makyengiep, “Dā ye amā wangāt yeŋaet agak memeyeŋe

bâliwopgât Anutugât den kârikņe kalep are loņgaimai? <sup>4</sup>Aregât keiņe hin. Anutuņe den kârikņe makto Moseņe kulemgoep bikņe hin tatâp, “Gâ eweņe memeņe amukyetņân manben.” akto bikņe hin tatâp, “Luâk âmbâle siâņe eweņe memeņe den bâleņe makyenġiwiap âmâ humomolupņande kombiâ mombiap.” hain tatâp. <sup>5</sup>Aregât ye den hamiaņmai. Hamiaņmâ hin dâmai, “Luâk âmbâle siâņe eweņe memeņe hin dâm makyetkiwiap, “Meņ, apo, sot me puli me wan me wan yetkiwiangât are Anutugât sumbe emetņân katere tatbiap.” <sup>6</sup>dâm puli me wan me wan are ain kato tato ârândâņ akbiap.” dâmai. Aregât eweņe memeņe tânyenġuwiapgât nâņgâmbiâ gemap. Akto nengât den bunņe agâk dâm Anutugât den kombiâ gemap. <sup>7</sup>Ye hianġi luâk. Ulikņân propete Yesaiaņe ye dop yenġum hin kulemgoep, <sup>8</sup>Anutuņe hin dâep, “Luâk âmbâle kâmot irekņe lauyeņandeak nâņgât kotne mem agatmai. Dâ han biwi olowâk amâ bo. <sup>9</sup>Akto luâk yengât den are nâņgâmbiâ bunņe akmap. Hain akmâ hâkņeak nâņgât kotne mem agatmai.” hain kulemgoep are bunņe akto ye Anutugât den kombiâ nâņgâre dondâ bâliâp.” dâep.

<sup>10</sup> Akto Yesuņe luâk âmbâle yengondo togombiâ hin makyenġiep, “Ye den ire nâņgâm heņgemgom mem biwiyenân katņet. <sup>11</sup>Wan me wan luâkņe lauyeņân nembâi gemap arekņe âmâ luâk mem heleņ bo ketugu yekmap. Dâ wan me wan luâk biwiyenē kâlegen yem lauyeņânba gamap arekņe âmâ luâk mem heleņ ketugu yekmap.” dâep. <sup>12</sup>Hain dâmbo hoņ bawalupņande togom maganmâ aikom hin dâyi, “Parisaio luâk makyenġimenâ nâņgâm bâligiņdâi are nâņgât me bo?” dâyi. <sup>13</sup>Hain dâmbiâ hin dâm makyenġiep, “Ewenande bo kâmetyegep are hâmbâi hârok hindâm panyekbiap. <sup>14</sup>Aregât yeņe hepun yekbei. Luâk dewunyetņe bok bokņe arekņe oloņakmâ gain gain dâp hekalâņgiwiandat? Gârâmâ Parisaio luâk âmâ dewunyeņe bok bokņe hainâk luâk âmbâle Anutugât dâp hekat yenġiweren dâm dâp bâleņângen oloņyekmâ arimai.” dâep. <sup>15</sup>Hain dâmbo Petoroņe maganmâ hin dâep, “Apo, den dopņe maktât aregât keiņe maknengimenâ nâņgâne.” dâep. <sup>16</sup>Hain dâmbo hin dâep, “Woe, yekai hainâk nâņgâ nâņgâyeņe bo me? <sup>17</sup>Ye den iregât keiņe nâņgâņet. Ye sot nembâi lauyeņânba gem tepyenân tatmap. Akto tepyenânba âmâ gem lâmân arimap. <sup>18</sup>Dâ luâk âmbâle bâleņe yengât biwiyenân wan me wan yemap are makbiâ den arekņe luâk âmbâle mem heleņ ketugu yekmap. <sup>19</sup>Aregât keiņe hin. Luâk âmbâle bâleņe are yengât biwiyenân hin yemap. Nâņgâ nâņgâ bâleņe siâ yengumbiâ moņetgât, luâkdâ âmbendâ mem hepunak hepunak, egâliāņ bâleņe, kâmbu, hianġi den akto den hembalik galagât hogo hogo bâleņe olowâk. <sup>20</sup>Arekņe luâk âmbâle biwiyenân gemap. Hain gem miawakto bâleņe akmai. Dâ luâk âmbâle bâtyeņe bo pulim sot mem nemai are amâ bâleņe bo akmap.” dâep.

### Âmbâle siâŋe Yesu ulilaŋep.

<sup>21</sup>Yesu kepia are hepunmâ kepia lâuwâ kotyetŋe Tiro akto Sidon aregen ariep. <sup>22</sup>Ain arimbo âmbâle siâ Kanaŋ gâtŋe Yuda gâtŋe bo arekŋe togom Yesu hin ulilaŋep, “Humo, Dawidigât hakuŋe nâŋgât akmâ han kalem akniŋ. Sinduk baniara bâleŋe siâŋe baratne mem bâlimbo umatŋânâk manmap.” dâep. <sup>23</sup>Hain dâambo Yesuŋe den hâuŋe bo maganep. Hain akto âmbâle arekŋe hoŋ bawalupŋe hâwât yekto Yesu hin maganŋi, “Apo, âmbâle irekŋe hâwât nenekto hâkân akten aregât watmenâ ariâk.” dâyi. <sup>24</sup>Hain dâmbiâ Yesuŋe aregât hin magep, “Israegât kâmotŋe gulip manmai are heŋgem yeŋguwen dâm Anutuŋe huŋgun niŋdo geân. Dâ kâmot siâ siâ are yeŋgât bo geân.” dâep. <sup>25</sup>Hain dâambo âmbâle are gutmâ enemŋân kâŋgom kinmâ hin dâep, “Humo, gâŋe nâ tân nugu.” dâep. <sup>26</sup>Hain dâambo hin dâep, “Nanaŋ yeŋgât sot are mem dua yeŋgienŋe bo ârândân akmap.” dâep. <sup>27</sup>Hain dâambo hin maganep, “Kembu, bundâk maktât are nâŋgâre ârândân aktâp gârâmâ nanaŋŋe soŋ sot nem tatbiâ pipiŋe gembo âmâ duaŋe hanâk nemai.” dâep. <sup>28</sup>Hain dâambo hin maganep, “Meŋ, den hain maktât aregât han biwigande nâŋgâ niŋmâ kepilâm kinmâ maktât aregât nâŋgâ giŋdân.” dâep. Hain dâambo emetŋân arim sinduk baniara arekŋe Yesuŋe magep sop ainâk baratŋe are hepulep.

### Yesuŋe luâk biwirâ mem âlepŋe ketuguyegep.

<sup>29</sup>Akto Yesu kepia are hepunmâ Galilaia bâtgum ginŋân ariep. Arim gimbâŋe siân âgâ talep. <sup>30</sup>Akto luâk âmbâle dondâŋe yâkgâlân mendugum luâk âmbâle keiyenŋe bâleŋe me dewunyenŋe bok bokŋe akto hagityenŋe goŋ goŋ agu aguŋe me den bo makmâ mali akto kundat keiŋe keiŋande meyegep are loko yekmâ togo Yesugât keiŋân menduguyegi. Hain akbiâ Yesuŋe mem heŋgem yeŋguep. <sup>31</sup>Heŋgem yeŋgumbo denyenŋe bo arekŋe den hogoyi akto hagityenŋe kâm kâmŋe are ârândân akyenŋiep akto keiyenŋe bâleŋe arekŋe bam guli akto dewunyenŋe bok bokŋe arekŋe emet egi. Hain akbiâ luâk âmbâle ain kili arekŋe are yekmâ nâŋgâmbiâ dâtŋe agep. Hain akmâ Israegât Humoyenŋe Anutu aregât kotŋe mem agali.

### Yesuŋe luâk 4,000 sot yeŋgimbo neyi.

<sup>32</sup>Yesuŋe hoŋ bawalupŋe yeŋgondo togoyi. Togombiâ hin makyenŋiep, “Nâ luâk âmbâle ire yekmâ okotne nâŋgân. Nâ olop tatmâ manbiâ hilâm âlâwu bo akto sot bâlâk tatmâ mandâi. Gârâmâ sot bâlâk âmâ bo huŋgun yeŋgire ariwerâi. Ageine yân huŋgun yeŋgire arim dâwân sotgât dewun biri yeŋguwop.” dâep. <sup>33</sup>Akto hoŋ bawalupŋande hin dâyi, “Hân iren âmâ aŋgim nene bo tatâp aregât yâgâtenba sot unduwâk mem luâk âmbâle

kâmot humo ire yengiweren?” dâyi. <sup>34</sup>Dâmbiâ Yesuŋe hin makyengiep, “Yengâlân sot wan kindâp?” dâmbiâ hin dâyi, “Sot koaŋe nâmbulân lâuwâ akto iŋan bâleŋ maleŋ konok konok kinnengiâp.” dâyi. <sup>35</sup>Hain dâmbiâ Yesuŋe luâk âmbâle are makyengimbo hân tete tatmâ ariyi. <sup>36</sup>Akto Yesuŋe sot koaŋe nâmbulân lâuwâ are akto iŋan amon siâ are mem Anutu mepaiŋe mem munditmâ yengiep. Yengimbo potatmâ luâk âmbâle are yengiyi. <sup>37</sup>Yengimbiâ nem tepyeŋe pikto hoŋ bawalupŋande sot pipiŋe are pitim mendugum haka nâmbulân lâuwâ lugumbiâ pipeg. <sup>38</sup>Akto luâk sot neyi are âmâ 4,000. Dâ âmbâle nanaŋ âmâ bo oyaŋyegi. <sup>39</sup>Akto Yesuŋe luâk âmbâle are huŋgun yengimbo arim meteyi. Arim metembiâ âmâ luâklupŋe olop waŋgan âgâm kepia siâ kotŋe Magadaŋ aregen ariyi.

#### Yesuŋe kulem mendo eknegât makbiâ bo dâep.

**16** <sup>1</sup>Akto Parisaio luâk bikŋe akto Sadukaio luâk bikŋe arekŋe Yesu dop kom hiaŋberâm togom hin magaŋi, “Himbimgât kulem siâ memenâ ekne.” dâyi. <sup>2</sup>Hain dâmbiâ hin dâep, “Ye amâ hin akmai. Eŋgaiŋe akto himbim gilâm aktâp are ekmâ hin dâmai, “Woe, hamandat gilâm aktâp aregât emet huraguwerâp.” dâmai. <sup>3</sup>Dâ hândâgân hamandatŋe tigimbo hin dâmai, “Woe, hamandat hândâk aktâpgât uŋak amâ tânâk seru akberâp.” hain dâmai. Aregât emet kulem keiŋe ekmâ nâŋgâm henggomai. Dâ sop humo aregât keiŋe amâ bo nâŋgâmai. <sup>4</sup>Aregât siâkâ makbe. Luâk âmbâle bâleŋe akmâ dâp gulip manmai arekŋe kulem miawakto ekne dâmai. Uliŋân luâk kotŋe Yona wan miep aregât kulem konok areâk miawakto ekbai.” dâep. Hain dâm Yesuŋe hepun yekmâ luâklupŋe olop waŋgan âgâm ariyi.

#### Parisaio akto Sadukaio luâk minao makyengiep.

<sup>5</sup>Waŋga mem bâtgum hâtikowerâm akbiâ luâklupŋe nelâm yengimbo sot bo mem bâtgum hâtikoyi. <sup>6</sup>Akto Yesuŋe makyengim hin dâep, “Parisaio akto Sadukaio yengât kâtembe aregât biwiyenâet damunŋe golâk manbei.” dâep. <sup>7</sup>Hain dâmbiâ magaŋi goaŋi akmâ hin dâyi, “Sot bo mem togoen aregât maktâp.” dâmbiâ <sup>8</sup>nâŋgâm hin makyengiep, “Ye sotgât nâŋgâmbiâ humo aktâp aregât nâŋgâlân biwiyenŋe getek katmai. <sup>9</sup>Nâ siâ me siâ agân aregât nelâmyengiep mon? Luâk 5 tausen akmâ sot koaŋe momerâk nemiâ pipiŋe gembo haka dondâ lugumbiâ pipeg. <sup>10</sup>Akto luâk 4 tausen akmâ sot nâmbulân lâuwâ nemiâ tepyeŋe pipeg. Pikto pipiŋe gembo haka dondâ lugumbiâ pipeg. <sup>11</sup>Aregât sotgât bo nâŋgâmbiâ humo akbiap akto kâtembe gât maktân are âmâ sotgât bo maktân. Maktân are lâuwâŋe maktere nâŋgâŋet. Parisaio akto Sadukaio yengât kâtembe hâkŋe hâkŋe arekŋe yengâlân hâtikombo bâliwâi.” dâep. <sup>12</sup>Hain dâm makyengimbo hin magaŋi goaŋi agi, “Sotgât hanokoak bo akŋet dâm maknengiâp. Parisaio akto Sadukaio yâk yengât den nâŋgâwâi dâm maknengiâp.” dâyi.

**Petoroŋe Yesugât keiŋe makmâ hulaŋep.**

<sup>13</sup>Akto ainba arim hân kotŋe Kaisarea kotŋe siâ Pilipi aregen ariyi. Ain arimbiâ Yesuŋe hin aiyenŋuep, “Luâk âmbâleŋe nâ luâk akmâ geân nânŋât gain gain dâmai?” dâmbō <sup>14</sup>hin dâyi, “Bikŋande âmâ Yohane tu puli luâk arekŋe mandât dâmai. Dâ bikŋande âmâ Eliaŋe gem mandât dâmai. Dâ bikŋande âmâ propete siâ kotŋe Yeremia me propete siâ me siâŋe mandât dâmai.” dâyi. <sup>15</sup>Hain dâmbiâ hin aiyenŋuep, “Dâ yeŋe âmâ nânŋât gain gain dâm nânŋâ niŋmai?” dâmbō Petoro kotŋe siâ Simoŋ arekŋe hin maganep, <sup>16</sup>“Anutuŋe huŋgunanŋo miawakbiapgât dâtâŋe Anutu manman kârikŋe yâkgât nanŋe gem mandât.” dâep. <sup>17</sup>Hain dâmbō hin dâep, “Simoŋ Yonagât nanŋe luâk âmbâle siâŋe den ire makŋiŋdo bo maktât. Ewene himbimân mandâp arekŋe den ire makŋiŋdâp aregât heroŋe ak. <sup>18</sup>Gânŋât kotŋe Petoro den aregât keiŋe amâ kât aregât dopŋe hainâk yu maktât den arekŋe nune emet ketuguwian ain Hememgât ambolupŋande nânŋât kâmot are mem ge katyekberâm âi humo mem kinmâ pâpkowai. <sup>19</sup>Akto nâ himbim kâleŋaet hânŋigât tâkŋe ŋiŋbian aregât gâ hânân wan hikowiatgât âi memenâ himbimân gai hikowiapgât miawakbiat. Dâ hânân hulaŋbiatgât âi memenâ himbimân gai hulaŋbiapgât miawakbiap.” dâm maganep. <sup>20</sup>Akto Yesuŋe hoŋ bawalupŋe makyenŋim hin dâep, “Nâ Anutuŋe huŋgun niŋdo geân iregât den siâ me siâ bo makyenŋiwei.” dâep.

**Yesuŋe mom agatbiapgât makyenŋiep.**

<sup>21</sup>Akto sop ain Yesuŋe keiŋe katmâ Yerusalem kepiân âgâmbō Israe yenŋât humomolupyenŋe akto Mosegât den kârikŋe makmâ kepigi akto sumbe kat kat luâk arekŋe mem siâ siâ mânŋim hâk hilâlâm wanmâ kombiâ mom benŋe hilâm âlâwu bo akto momoŋânba agatbiap aregât den hoŋ bawalupŋe makyenŋiep. <sup>22</sup>Akto Petoroŋe Yesu kewugum ŋinŋânŋen bam den kugâk kugâk mânŋim hin maganep, “Humo, gâ hain bo akbiat. Wan me wan akŋiŋbaigât maktât are gânŋâlân bo miawakbiap.” dâep. <sup>23</sup>Hain dâmbō Yesuŋe purik dâm Petoro maganmâ hin dâep, “Gâ Hiaŋi Amboŋe aregât hepunnek. Gâmâ nâ peŋ panmâ nuguâkgât dâp tigiŋiŋdât. Gâ Anutugât nânŋâ nânŋâ are bo nânŋât. Gâ luâk yenŋât nânŋâ nânŋâ are nânŋâm maktât aregât heniŋdât.” dâep.

**Yesu olop manbaengât den.**

<sup>24</sup>Hain dâm hârok hin dâm makyenŋiep, “Luâk âmbâle bikŋande biwiyeŋe nânŋâlân katmâ nâ olop ariwerâm âmâ wan me wanŋe hilipyenŋuwiap aregât bo hamewakmâ hanâk watnekmâ manbei. <sup>25</sup>Dâ siâŋe ikiŋe hâkŋe gangerâwiap are âmâ yâk manman âlepŋe bo peniaŋbiap. Akto siâŋe nânŋât den âi aregâlâk nânŋâm mando kombiâ



âmâ momoŋân ba agatbiap. <sup>26</sup>Luâk siâ hângât wan me wan hârok mem mando manmanŋe gulip akto gain gain manmanŋe miawaganŋbiap? Akto manmanŋaet den dâtânŋe are gain mendo ârândân akbiap? <sup>27</sup>Aregât keiŋe hin. Sop humoân Ewenae pagaleŋe olop akto aŋelolupŋe âkâ olowâk Ewenande luâk akmâ geân nâ lâuwânŋe huŋgun niŋdo gewian, sop ain âmâ luâk âmbâle agak meme akmai aregât hâuŋe hainâk yeŋgiwian. <sup>28</sup>Akto aregât makyenŋire nânŋânŋet. Luâk bikŋe yu kindâi ire hâmbâi boâk mombiân nâ emelâk luâk akmâ geângât togom damunyeŋe aktere nekbai.” dâep.

**Yesuŋe gimbânŋan himbim towat agep.**

**17** <sup>1</sup>Akto hilâm nâmbulân konok bo akto Yesuŋe Petoro Yakobo akto emiŋe Yohane kewugu yekto gimbânŋe siâ ain âgâyi. Âgâm ain yeŋeâk kili. <sup>2</sup>Ekmâ kinbiâ Yesugât hâkŋe purik âgâmbo aŋgâ agep. Hain akto enem dewunŋe arekŋe dewutâ dewunŋe hinare akmâ pakpak dâep. Pakpak dâmbo sâŋgumŋe wan arekŋe kau kau dondâ agep. <sup>3</sup>Akto ainâk Mose akto Elia miawakbela Yesu olop den maganŋi goanŋi akbiâ yegi. <sup>4</sup>Akto Petoroŋe yekmâ Yesu maganmâ hin dâep, “Humo wan siâ hekat nengimenâ ekten aregât ukenŋe nânŋâen. Gârâmâ gâŋe âlepŋe dâmenâ âmâ nânŋe uligi âlâwu in ketuguwerân. Gânŋât siâ akto Mosegât siâ akto Eliagât siâ.” <sup>5</sup>Hain dâm makmâ kindo are olowâk hamandat kau kau arekŋe tigiyegep. Akto hamandat are kâlegenbak den siâ hin miawagep, “Ire âmâ nânŋât nanne akto biwinande mem heŋgemgoman. Akto yâkgât agak meme aregât ukenŋe akman gârâmâ ye yâkgât den nânŋâwei.” dâep. <sup>6</sup>Akto hoŋ bawalupŋande den are nânŋâm hamewakmâ enem dewunyeŋe hânânŋen gembo kânŋom tali. <sup>7</sup>Akto Yesuŋe enemyeŋân gutmâ mem goaŋ yekmâ hin makyenŋiep, “Agatŋet. Ye hamep bo akŋet.” dâmbo <sup>8</sup>agatmâ luâk lâuwâ are bo yelegi. Yesuŋe konok ikiŋak kindo egi. <sup>9</sup>Akto gimbânŋe are hepunmâ pelepŋe gem gem Yesuŋe den kârikŋe makyenŋim hin dâep, “Wan me wan âuren ye ektâi aregât den luâk siâ me siâ bo maganbei. Titnan luâk akmâ geân nâ momoŋânba agatbian ain âmâ âlepŋe makyenŋiwei.” dâep. <sup>10</sup>Akto hoŋ bawalupŋe olop kili arekŋe aikom hin dâyi, “Mosegât den kârikŋe makmâ kepikmai arekŋe hin dâmai, “Eliane lâuwânŋe togombo âmâ hamiŋân Anutugât hoŋ bawa togowiap.” dâmai. Amâ gain gain?” dâyi. <sup>11</sup>Hain dâmbiâ hin makyenŋiep, “Amâ bundâk, Eliane âmâ togom wan me wan are hârok heŋgemgowiap. <sup>12</sup>Gârâmâ aregât hin makyenŋiwe. Elia âmâ lâuwânŋe emelâk togoep gârâmâ luâk bikŋande bo ekmâ nânŋâm heŋgemgom ukenyeŋe watmâ agak meme keiŋe keiŋe aganŋbiâ moep. Aregât hainâk akmâ luâk akmâ geân nâ hâk hilâlâm niŋbiâ mombian.” dâep. <sup>13</sup>Yesuŋe hain dâmbo hoŋ bawalupŋande hin nânŋâyi, “Eliagât maktâp amâ Yohane tu puli keiŋe kalep aregât maktâp.” dâyi.

**Aposoloŋe nanaŋ siâ heŋgemgone dâm hâumgoyi.**

<sup>14</sup>Akto arewa gembiâ luâk âmbâle dondâ yâkgâlân togoyi. Akto luâk siâŋe Yesugât enemŋân togom pâwutŋe ligim hânân tatmâ kâŋgom hin magaŋep, <sup>15</sup>“Humo, gâ hanâk nannaet okotge nâŋgâ. Nâ nune nanne biwi gulip akmâ manmap. Akto kâlâwân me tuân gembo sop unduwâk aktâp. <sup>16</sup>Akto gâŋgât hoŋ bawalupgande mem heŋgemgoŋet dâm mem togore heŋgemgowerâm âsimbiâ bo agep.” dâep. <sup>17</sup>Hain dâmbo Yesuŋe hin dâep, “Ye wangât nâŋgâlân biwiyenŋe bo katmâ âmâ yenŋaelâk nâŋgâm kautyenŋe oremai. Nâ ye olop sop kâlep bo manbaen aregât arire âmâ ye gain gain akmâ manbai? Akto sokom katyektere sop kâlep akbiap mon? Bâin, nanaŋ are kewugum nâŋgâlân gaŋet.” dâep. <sup>18</sup>Hain dâmbo kewugum yâkgâlân âgâmbiâ sinduk baniara bâleŋe are den kugâk kugâk mâŋgimbo luâk sigan are hepunmâ ariep. Akto ainâk kundat are bo agaŋep. <sup>19</sup>Akto hoŋ bawalupŋande ikiŋeâk yoŋâk tatoân Yesugâlân togom magaŋmâ hin dâyi, “Keiŋe gain gaingât nenŋe sinduk baniara bâleŋe are watberâm mem âsienŋe bo aktâp?” dâyi. <sup>20-21</sup>Hain dâmbiâ yâkŋe hin makyenŋiep, “Ye nâŋgâlân biwiyenŋe kârikŋe bo katmâ heŋgemgomai aregât walaŋberâm âsiâi. Dâ yeŋe biwiyenŋe nâŋgâlân getek katmâ âmâ âlepŋe borâŋe ire magaŋmâ hin dâwai, “Gâ agatmâ indâgen ari.” dâmbiâ ariwerâp. Akto wan me wan miawagâk dâmbiâ âlepŋe miawakbiap.” dâep.

**Yesuŋe mom agatbiapgât makyenŋimbo sop lâuwâ agep.**

<sup>22</sup>Akto Yesu Aposololupŋe olop Galilaa hânân ariyi. Arim Yesuŋe hin makyenŋiep, “Nâ luâk akmâ geân nâ luâk bikŋande nugumbiâ mombian. <sup>23</sup>Akto nugumbiâ mom benŋe hilâm âlâwuŋân momoŋânba agatbian.” Hain dâmbo biwiyenŋe umatŋe agep.

**Petoroŋe iŋan lauŋânba puli miep.**

<sup>24</sup>Akto arewa Kapanaum kepiyan ariyi. Akto sumbe kat kat emetŋaet puli dâtâŋe memini arekŋe Petorogâlân togom aikom hin dâyi, “Yenŋât tiksayenŋande sumbe kat kat emetŋaet puli siâ katmap me bo?” dâm magaŋi. <sup>25</sup>Hain dâmbiâ Petoroŋe, “Âo.” dâep. Hain dâm ikiŋak emet kâlegen âgâmbiâ Yesuŋe soŋ magaŋmâ hin dâep, “Simonŋ gâ gain gain nâŋgât? Hâŋgât luâk kembuŋe yeŋe nanlupyenŋe yenŋâlânba puli dâtâŋe memai me luâk aŋgâ yenŋâlânba memai?” dâep. <sup>26</sup>Hain dâmbo Petoroŋe magaŋmâ dâep, “Luâk aŋgâ yenŋâlânba memai.” dâmbo Yesuŋe hin magaŋep, “Bundâk maktât. Gârâmâ nanlupyenŋande puli dâtâŋe kat katgât âi bo memai. <sup>27</sup>Gârâmâ bo katenŋe nâŋgâmbiâ bâliwopgât hanâk netgât puli dâtâŋe kat. Gâŋe haruângen arim tâk panmâ iŋan ulik gulik oloŋberât are tepŋe gâimenâ puli koaŋe siâ miawakto mem netgât katberât.” dâep.

**Nanaŋ gurukŋe yeŋgât towat manbaen.**

**18** <sup>1</sup>Akto sop ain hoŋ bawalupŋande Yesugâlân togom hin magarŋi, “Anutuŋe damun nenŋe akmap nengâlân gâtŋe niŋande bikŋe ewangi nenekmâ damun nenŋe akbiap?” dâyi. <sup>2</sup>Hain dâmbiâ nanaŋ siâ kondo gambo hutyeŋân kato kindo <sup>3</sup>hin dâm makyenŋiep, “Den ai nuguâi aregât makyenŋire nânŋâŋet. Nanaŋlupyenŋande akmai are yeŋe hain akbiâ âmâ Anutuŋe meyekbiap. Dâ hain bo akbai amâ Anutugât kâmolân bo dewati nenekbai. <sup>4</sup>Akto nanaŋ ire hainare akmâ amâ ikiŋaet nânŋâmbo gewiap aregât yeŋgâlân gâtŋe siâŋe hainâk akmâ ikiŋaet nânŋâmbo gembo âmâ Anutugât kâmot damunyeŋe akbiap. <sup>5</sup>Akto luâk âmbâle siâŋe âmâ nanaŋ ire hinare tângomap arekŋe amâ nâ tân nugumap aregât dop akmap. <sup>6</sup>Dâ luâk siâŋe nanaŋ biwiyeŋe nânŋâlân katmai are yeŋgâlânba konok bâliwerâm hâkŋe hâkŋe hain akto âmâ gâuk, siâŋe kât humo dondâ hanŋân imbogoanmâ haru bätgumân hâkokombo dâine arekŋe âmâ siâ me siâ owâiŋe miawagaŋdâp akbop.

<sup>7</sup>Akto dop yeŋgumapŋe ye hârok dop yeŋguwerâm biwiyeŋân gewiapgât dop tatâp aregât hân hârokgât okotne nânŋân. Gârâmâ luâk âmbâle siâŋe bikŋe bâleŋe akŋet dâm hilip yeŋgumbo Anutuŋe hâuŋe humo waŋbiap. <sup>8</sup>Akto hememgât pat akbâigât bâtyeŋe me keiyeŋe bikŋande bâleŋe akbâigât hârem panbei. Hain akmâ keiyeŋe me bâtyeŋe bikŋe are âlepŋe akto manbiâ ârandân akbiâp. Dâ bâtyeŋe keiyeŋe biken biken âlepŋe tatbiap âmâ arekŋe oloŋyekto kâlâwânâk manmâ âgâwâi. <sup>9</sup>Akto dewunyeŋande bâleŋe akŋet dâm oloŋ yekto dosa akbâen dâm dewunyeŋe are kâwutmâ panbei. Akto dewunyeŋe konogâk tatyenŋiwiap amâ âlepŋeâk manbai. Dâ dewunyeŋe lâuwâ lâuwâ tatbiap amâ arekŋe oloŋ yekto hememgât kâlâp humo yemap ain gewâi.

<sup>10</sup>Akto himbimân aŋeloŋe nanaŋ damunyeŋe akmai arekŋe âmâ hokboâk hokboâk Ewene ekmai. Aregât nanaŋ sisik ire hut nenŋân hinare yeŋgât nânŋâmbiâ gewop. <sup>11</sup>Akto luâk âmbâle hilip aguwâigât nâ luâk akmâ geân nâ heŋgemgo yekbian aregât hin makbe. <sup>12</sup>Luâk siâ lama 100 kinaŋbiap. Akto hutyeŋânba konokŋe heambukto amboŋande lama bikŋe are gimbânân hepun yekmâ siâ heambugep aregât undâgâtbiap. <sup>13</sup>Undâgâtmâ mem miawakmâ okot âlep akbiap. Dâ lama bo heambukmâ âlepŋeâk kinbai aregât amâ heroŋe hain bo akbiap. <sup>14</sup>Hainâk Ewene himbimân mandâp arekŋe nanaŋ itik matik bâliwâi dâm damunyeŋe akmap.

**Galagaet dosa hepunben.**

<sup>15</sup>Akto den siâ hin makbe. Galage siâŋe gâŋgâlân dosa akto âmâ bâleŋe aregât keiŋe pumân magarŋben. Hain akmenâ yâkŋe gâŋgât den nânŋâmbo âmâ gala konok manbiandat. <sup>16</sup>Dâ yâkŋe gâŋgât den

bo nângâmbo âmâ luâk âmbâle amon siâ yeŋgonmenâ gutmâ den yetŋe ârândân ketugune dâwai. <sup>17</sup>Dâ yâk yeŋgât den are bo nângâmbo nângât kâmolân gâtŋe arim makyenŋiwen. Akto are âkâ hainâk yâk yeŋgât den are bo nângâmbo âmâ gâŋe yâk hin maganben, “Gâmâ luâk bâleŋe akmai are yeŋgât dop aktât.” dâwen. <sup>18</sup>Akto aregât bunŋe maktere nângâŋet. Ye hânân wan hikowaigât âi membiâ himbimân gai hikowiapgât miawakbiap. Dâ hânân hulânbaigât âi membiâ himbimân gai hulânbiapgât miawakbiap. <sup>19-20</sup>Gârâmâ siân nângât kâmolân gâtŋe lâuwâ me âlâwu Anutu ulilanberâm mendugum kinbiâ ainâk nâ hutyeŋân manbian aregât wan me wan ulilanberâm han konok katmâ Anutu ulilanbai amâ ainâk Ewene himbimân manmap arekŋe wan me wan âlepŋe yeŋgiwiap.” dâep.

### Hoŋ luâk hâkŋe hâkŋaet den.

<sup>21</sup>Akto sop ain Petoroŋe Yesugâlân togom maganmâ hin dâep, “Humo, galanande sop amon nângâlân dosa akto âmâ nâŋe dosa are hepun anbian? Nâmbulân lâuwâ akto hepun anbian me kakŋân siâkâ aktoân hepun anbian?” dâep. <sup>22</sup>Hain dâmbo Yesuŋe maganmâ hin dâep, “Hain bo. Hanâk luâk are dosaŋe hepunaŋmâ âgâwiat. <sup>23</sup>Aregât den dopŋe siâ hin makbe. Anutuŋe damunyeŋe akbiap amâ luâk kembu hinare yâkŋe ikiŋe luâklupŋe hâuyeŋaet akmâ heŋgem yeŋguwerâm agep. <sup>24</sup>Yâkŋe hâu are heŋgemgowerâm âi miep. Akto yâkŋe luâk siâ yâkgâlân mem ari âi luâk aregât hâu âmâ 13 milion kina hainare. <sup>25</sup>Akto luâk arekŋe hâu are kutigitbiapgât puli dop hainare bo talaŋep. Aregât akmâ luâk kembu arekŋe makyenŋimbo luâk are ikiŋe akto âmbenŋe nanaŋlupŋe meyekmâ yeŋgâlân kotŋe siâ siâŋe are hârok puligom benŋe puli are mem luâk aregât hâu kutigitberâm agi. <sup>26</sup>Hain akto âi luâk arekŋe luâk kembu aregât enemŋân kâŋgom hin maganep, “Gâmâ hanâk nângât okot nângâm lâmnugu. Hâmbâi âlepŋe hâu are gâŋgâlân kutigitbian.” dâep. <sup>27</sup>Akto âi luâk aregât humoŋande luâk aregât okotŋe akmâ dosaŋe hepunaŋep. <sup>28</sup>Akto âi luâk arekŋe hâkŋâŋen gem benŋe ikiŋe âi luâk siâ hanŋân mem metawolep. Amâ luâk aregât hâu amâ 100 kina. Akto âi luâk are mem hin maganep, “Gâŋe hâu are hârok kutigitmâ meteniŋ.” dâep. <sup>29</sup>Hain dâmbo ikiŋe âi luâk arekŋe enemŋân kâŋgom ulilanmâ hin dâep, “Gâ nângât okotge nângâm lâmnugu. Hâu are âlepŋe gâŋgâlân kutigitbian.” dâep. <sup>30</sup>Hain dâmbo yâkŋe yâkgât den are bo nângâm lope kâlegen katmâ hin dâm maganep, “Inâk tatmenâ hâu are ârândân akto âlepŋe ariwiat.” dâep. <sup>31</sup>Akto hoŋ bawa aregât galalupŋande den are nângâm bâliaŋi. Hain akmâ arim den are humoyeŋe maganŋi. <sup>32</sup>Akto humoyeŋe arekŋe damun are kondo guto hin maganep, “Gâ luâk bâleŋe. Gâŋe ulit niŋmenâ aregât hâuge yiep ina hanâk yân hepun gektân. <sup>33</sup>Nâŋe gâŋgât okot nângâ giŋdân ina gâkâ âi luâkge aregât okot bo

nânganjât are nângâre umatje dondâ aktâp.” dâep. <sup>34</sup>Humoje hain dâm biwiñe kâlâp akto tembe loko yengâlân kato membiâ hin makyenggiep, “Âi luâk bâleje ire hâk hilâlâm aganjbiâ hâu are ârândân akbiap.” dâm makyenggiep. <sup>35</sup>Aregât keñje hin. Yeñje galalupyene yengât dosa are biwiyenân makmâ manbiâ âmâ Ewene himbimân mandâp yâkñe yengât dosa bo kutigitbiap.” dâep.

### Âmbâle mem bo hepunyekbaengât den.

**19** <sup>1</sup>Yesuñe den are hârok makmâ metem Galilaia kepia are hepunnâ hân humo kotje Yudaia tu kotje Yodañ biken ain ariep. <sup>2</sup>Arimbo luâk âmbâle dondâne olop ariyi. Akto ain luâk âmbâle kundatdâ dondâ mem heñgem yenguep.

<sup>3</sup>Akto Parisaio luâkñe yâkgâlân togom dop komberâm hianjim hin dâyi, “Gain gain luâkñe âmbenlupyene watyekbaigât dâp tatâp me bo?” dâmbiâ <sup>4</sup>yâkñe hin makyenggiep, “Ye den ire oyanmâ nângâmai, “Anutuñe hân himbim ketuguyelelep sop ain âmâ luâk âmbâle ketugu yelegep. <sup>5</sup>Ketugu yelemâ hin dâep, “Luâkñe eweñe memeñe hepun yelekto âmbenñe olop dewati akbiandat. Hain akmâ yâk hâkyetje konok hainare akto manbiandat.” dâep.” den hain tatâp. <sup>6</sup>Hain gârâmâ yâk siâkâ ikiñeâk ikiñeâk bo akbiandat. Yâk hâkyetje konok hainare akbiandat. Hain gârâmâ Anutuñe mem mendugu yelegep are luâk siâne luâk âmbâi lâuwâ are potatyelekbiapgât dop bo tatâp.” dâep. <sup>7</sup>Yesuñe hain dâmbi Parisaio luâkñe maganjmâ hin dâyi, “Maktât are gain gain maktât? Wangât Moseñe den kârikñe katnengim hin dâep, “Luâk siâne âmbenñe watberâm âmâ âmbâle hepun hepungât kulem esenñe kulemgom âmbenñe wañmâ wato ârândân akbiap.” dâep?” dâyi. <sup>8</sup>Akto Yesuñe hin makyenggiep, “Moseñe amâ yeñaet agak meme bâleñe akbiâ biwiyeñe kârikñe akmap aregât akmâ kulemgoep amâ yeñe agat agatñe akbiâ dâp katyenggiep. Dâ ulikñân âmâ agak meme ire hain bo yiep. <sup>9</sup>Aregât ye hin makyengiwe. Luâk siâgât âmbenñande dâp gulip bo mando âmâ yân luâk arekñe watmâ âmbâle siâ membiap âmâ luâk arekñe luâkdâ âmbendâ yengât dâp are mem bâlimbo dosa miawaganbiap.” dâep.

<sup>10</sup>Yesuñe hain dâmbi hoñ bawalupñande hin maganji, “Luâk yengât agak meme hain tato âmâ luâkñe hanâk âmbâle bo membiâ ârândân aktâp.” dâyi. <sup>11</sup>Hain dâmbiâ hin makyenggiep, “Luâk hârokñe den ire membaigât dop bo. Anutuñe luâk bikñeâk kârikñe yenggiep. Luâk arekñeak âmâ den ire âlepñe membai. <sup>12</sup>Hin. Luâk bikñe memelupyenñande meyejiân âmbâle bo meyekbaigât dop tatâp. Dâ luâk bikñe âmâ gasalupyenñande gâiyengimbiâ âmbâle meyekbaigât dâp bo tatâp. Hainâk luâk bikñande amâ himbimgât akmâ âi humo mem manmai yâk âmbâle bo menegât nângâmai are ârândân akbiap. Gârâmâ den ire amâ Anutuñe memeñe akyengimbo aregât kârikñe manmai.” dâep.

**Yesuŋe nanaŋ yeŋgât Anutu ulilaŋep.**

<sup>13</sup>Akto sop ain luâk âmbâle bikŋande Yesuŋe nanaŋlupyene bânŋande kautyeŋân mem Anutu ulilaŋâkŋât yâkŋâlân meyekmâ togoyi. Hain akbiâ hoŋ bawalupŋande den kugâk kugâk akyeŋgiyi. <sup>14</sup>Hain akyeŋgimbiâ Yesuŋe hin makyeŋgiep, “Ye hepunbiâ nanaŋ are nânŋâlân togoŋet. Ye bo mem ganyeŋe dâŋet. Anutuŋe damunyeŋe akbiap amâ nanaŋ hainare yeŋgât.” dâep. <sup>15</sup>Hain dâm bânŋande kautyeŋân kalep. Katmâ âmâ kepia are hepunmâ ariep.

**Luâk sikumdâŋe Yesu aikoep.**

<sup>16</sup>Akto luâk siâŋe Yesugâlân togom hin maganeŋep, “Tiksa. Nâ agak meme gain hinare akmâ âlepŋe akmâ âmâ manman kârikŋeâk manmâ âgâwian?” dâmbo <sup>17</sup>hin maganeŋep, “Gâ wan me wan âlepŋeâk makniŋdât keiŋe âmâ âlepŋe Anutu konok. Gârâmâ gâ manman âlepŋe manberâm âmâ Mosegât den kârikŋe kat katŋe are hârok watben.” dâmbo <sup>18</sup>luâk arekŋe hin dâep, “Wan den kârikŋe?” dâmbo hin maganeŋep, “Den kârikŋe amâ hin. Gâ luâk bo yeŋgumenâ mombai. Gâ luâkdâ âmbendâ yeŋgât dâp are bo mem hilipkowen. Kâmbu bo akben. Gâ luâk siâgât den bo hianŋiwen. <sup>19</sup>Gâ ewege memege yetgât amukyetenân manben. Akto gugaet akmat hainâk galalupge are akyeŋgiwen.” dâm maganeŋep. <sup>20</sup>Hain maganŋo hin maganeŋep, “Den kârikŋe kat katŋe ire hârok emelâk akmâ meteân. Gârâmâ wan bânŋe mendere âmâ manman kârikŋe miawakniŋbiap?” dâmbo <sup>21</sup>Yesuŋe hin maganeŋep, “Gâ âlepŋe dondâ akberâm nânŋâm âmâ ari kotŋe siâ siâŋe are hârok yeŋgimenâ puligombiâ puli are mem ari luâk umburuk yeŋgiwen. Hain akmenâ âmâ Anutuŋe gânŋât wan me wan âlepŋe are himbimân kat giŋbiap. Gârâmâ gâ nâ watnekmâ gamenâ arire.” dâep. <sup>22</sup>Hain dâmbo luâk sigan arekŋe nânŋâm kotŋe siâ siâ dondâ talaŋep aregât nânŋâmbo humo akto aregât Yesuŋe tâwât dewunge panben dâm maganeŋep aregât biwiŋe umatŋe akto gem yân ariep.

**Luâk pulirâ sikumdâŋe Anutugât kâmolân dewatiwerâm âmâ âi humo membai.**

<sup>23</sup>Akto Yesuŋe hoŋ bawalupŋe hin makyeŋgiep, “Makyeŋgire nânŋaŋet. Luâk pulirâ sikumdâŋe Anutugât kâmolân dewatiwerâm amâ âi humo membai. <sup>24</sup>Soŋgo pike dâpŋânba gawerâm âmâ âi humo membai. Dop hainâk luâk pulirâ sikumdâŋe Anutuŋe damunyeŋe akbiap ain ariwerâm âi humo membai.” dâep. <sup>25</sup>Hain dâmbo den are nânŋâm sân sân mem hin magi, “Bâe, niŋande manman âlepŋân ariwiap?” dâyi. <sup>26</sup>Dâmbiâ Yesuŋe tâŋ tâŋâk yekmâ kinmâ hin makyeŋgiep, “Anutugât manman âlepŋân ariwaigât nânŋâ nânŋâyeŋe watbiâ bo akmap. Dâ

Anutuŋe konok âmâ wan me wan miawakbiapgât bo pâpkomap.” dâep. 27 Hain dâmbo Petoroŋe maganmâ hin dâep, “Woe, nen âmâ kotŋe siâ siâ hârok hepunmâ gâ olop malion aregât hâuŋe nen wan membaen?” dâep. 28 Akto Yesuŋe hin makyenŋiep, “Hâmbâi kotŋe siâ siâ ire hârok irakŋe akmâ metewiap. Sop ain âmâ luâk akmâ geân nâ lâuwâŋe gem âmâ luâk kembu yenŋât tat talân tatbían. Akto nâ watnekmâ manmai yekâ hainâk tat tat keiân lâuwâ ain tatbai. Tatmâ Israe luâk âmbâle kâmot keiân lâuwâ are mem potat yekbai. 29 Akto luâk âmbâle nânŋât nânŋâm emetyeŋe me emi teulupyene me meme ewelupyene me nanan me âi kalam me wan me wan nânŋât akmâ hepunmai amâ hâmbâi aregât hâuŋe kotŋe siâ siâ dondâ membai. Hain akmâ manman kârikŋân manmâ âgâwai. 30 Aregât siâkâ makbe. Luâk âmbâle bikŋe hinŋe hâkyeŋe mem agatbai are âmâ hâmbâi Anutuŋe hamiŋâŋen katyekbiap. Dâ bikŋe âmâ hinŋe hâkyeŋe mem gewai are âmâ Anutuŋe hâmbâi tânyenŋumbo ulik gulik akbai.” dâep.

#### Waiŋ âi meyi yenŋât den ginŋe.

**20** 1 Akto Yesuŋe hin dâm makyenŋiep, “Anutuŋe damunyeŋe akbiap amâ luâk siâgât hân humo yeapmap dop hainare akto hândâktâk dondâ agatmâ âiâŋen âi meapetgât âi luâk bikŋe meyekberâm ariep. 2 Akto âi luâk bikŋe olop den akmâ hilâm konokgât hâu dâtâŋe aregât puliŋe membaigât makyenŋimbo âlepŋe dâmbiâ huŋgun yenŋimbo âi memberâm ariyi. 3 Arimbiâ âmâ 9 kilok wan hainare kepian arim luâk bikŋe yekto kepia tete yân tali. 4 Yân taligât luâk arekŋe makyenŋim hin dâep, “Ye arim nânŋât waiŋ âiâŋen âi membiâ aregât puliŋe âi aregât dopŋânâk yenŋiwêrân.” dâep. 5 Hain dâmbo arimbiâ benŋe 12 kilok akto 3 kilok ain âkâ hainâk agep. 6 Hain akmâ âmâ enŋaŋe 5 kilok wan hainare arim yekto luâk bikŋe yân tatmâ manbiâ yekmâ hin makyenŋiep, “Ye gain gain akmâ hilâm humo ire yân tatmâ mandâi?” dâmbo 7 yâkŋe hin maganŋi, “Luâk siâ me siâŋe âi siâ bo nengimbo aregât yân tatmâ manden.” dâmbiâ yâkŋe hin makyenŋiep, “Ye arim nânŋât waiŋ âiâŋen âi meŋet.” dâep. 8 Akto emet dâgâmbo âmâ luâk arekŋe âi luâklupŋe yenŋât damun are maganmâ hin dâep, “Âi luâk yenŋonmenâ togombiâ hilâm konokgât hâu dâtâŋe yenŋi. Akto âi luâk hami togoâi are yenŋâlânba keiŋe katmâ yenŋim maleine âi luâk ulik gulik togoâi are âmâ bâiŋe yenŋiwen.” dâep. 9 Hain dâmbo âi luâk 5 kilok âi meyi are âmâ hilâm konokgât hâu dâtâŋe konok yenŋiep. 10 Akto luâk ulik gulik togom âi keiŋe katmâ meyi are togom, “Nenŋe âmâ hilâm konokgât puli aregât kakŋân memberen.” dâm nânŋâyâi. Dâ ina yâkâ hainâk hilâm konokgât hâu dâtâŋe yenŋiep. 11 Yenŋimbo mem kalam amboŋe aregât dondâ nânŋâm bâliari. 12 Hain akmâ maganmâ hin dâyi, “Luâk ire âmâ hinŋeâk togom âi getegâk mendâi ina gâŋe hilâm

konokgât yengiat. Akto nenje âmâ dewutâ kârikjan âi humo menden akto dewutâne dondâ nenektâp ina hainâk nengiat are ârândân bo aktâp.” dâyi. <sup>13</sup>Hain dâmbiâ yâkne luâk hutuyenân kilep siâ maganjmâ hin dâep, “Gala, nâ bâleje bo akginjân. Nâje hilâm konokgât hâu datâne memberât dâm makginjere gâje âlepne dâm nângâmenâ ârândân aktâp aregât <sup>14</sup>gâ pulige are meakmâ ari. Puli ya ginjân hainâk luâk hami dondâ togom âi getek mendâi are nunaet ukennaet akmâ yengian. <sup>15</sup>Nâje nune puli ire mem siâ me siâ akbiangât amâ nunaet pat. Gâje damunne akmat me? Nâje agak meme âlepne akginjere aregât gâje wangât nângâm bâli niñdât? Nângâm bâli niñmenâ ârândân bo aktâp.” <sup>16</sup>Luâk âmbâle bikjande hinje hâkyeje mem agatbai are amâ hâmbâi Anutuje haminjângen katyekbiap. Dâ bikje hâkyeje mem gewai are âmâ Anutuje hâmbâi mem ulik gulik katyekbiap.” dâep.

### Yesuje mom agatbiaggât sop âlâwu makyengiep.

<sup>17</sup>Yesuje Yerusalem kepia âgâwerâm akmâ hoj bawalupje keiân lâuwâ are meyekto ariyi. Arim manmâ Yesuje dâwân makyengim hin dâep, <sup>18</sup>“Ye nângânet. Bâin. Nen Yerusalem kepian âgâne. Akto ain sumbe kat kat luâk akto Mosegât den kârikje makmâ kepikmai ain tatmai yâk yengâlân gâtjande luâk akmâ geân nâ bâleje aknijmâ sumbe kat kat luâk akto Mosegât den kârikje makmai yâk yengâlân makyengimbiâ menekbai. Akto den âiân katnekmâ nugumbiâ mombian aregât den maganji goanji akbai. <sup>19</sup>Akto den hembalik mângi nekmâ lâwinân nugumbiâ mombiangât Roma luâk are yengâlân oloj nekbâi bâleje mângi nekmâ lâwinân nugumbiâ mombian. Mondere han nugumbiâ hilâm âlâwu akto momoñanba agatbian.” dâep.

### Yakobo akto Yohane yâkne galalupyetje damunyeje akbiandatgât aikoyiat.

<sup>20</sup>Akto sop ain Yebedaiogât âmbenjande nanlogâtje Yakobo akto Yohane are kewugu yelekmâ Yesugâlân togom kângom ulilanej. <sup>21</sup>Ulilando hin maganep, “Gâ wangât nângât?” dâmbi hin dâep, “Sop siân gâje togom luâk âmbâle hârok damunyeje akbialân sop ain nanlogâtjande gasomge bikje bikje ttmâ kembu akbiandat.” dâep. <sup>22</sup>Hain dâm ulilando Yakobo akto Yohane hin dâm makyetkiep, “Yet aregât keije pâpkom maktat. Nâ wan me wan umatje miawak niñbiap are hârok yet âlepne miawakyetkiwiap me?” dâep. Hain dâmbi hin dâyi, “Maktât are miawak netkiwiap aregât nângâetje ârândân akbiap.” dâyi. <sup>23</sup>Hain dâmbela hin dâep, “Wan me wan umatje miawak niñbiap arekne âlepne hainâgâk miawak yetkiwiap. Dâ Anutu Ewene yâkne konok nângât amuknân manmâ damunyeje akbai aregât emelâk kotyeje dâm hâriep. Amâ nângât âi bo.” dâep. <sup>24</sup>Hain dâm makyetkimbo



hoj bawaņe bāt bip bip hârok yâkņe den are nâņgâmbiâ umatņe akto Yohane akto Yakobo peiyelegi. <sup>25</sup>Peiyelekbiâ Yesuņe yeņgondo bambiâ hin dâm makyeņgiep, “Hângât luâk kembuņe luâk damunyeņe akmâ âmâ hoj bawalupyeņe meyekbiâ manmai are âmâ nâņgâmai. <sup>26</sup>Dâ yeņe âmâ hângât luâk kembu are yeņgât agak meme are hain bo akbei. Yeņgâlânba siâņe Anutuņe nekto ârândân agâk dâwiap âmâ benņe galalupņe yâk yeņgât hoj bawa akmâ manbiâp. <sup>27</sup>Akto yeņgâlânba siâņe Anutuņe nekmâ, “Woe, damunyeņe akbiapgât dop tatâp dâwiap.” dâm aregât galalupņe yeņgât âi luâk manbiâp. <sup>28</sup>Nâ hainâk hoj bawalupnande tân nugunet dâm aregât bo geân. Âi humo mem hâk hilâlâm nâņgâm luâk âmbâle dondâ are yeņgât dosa bo akyeņgiwiapgât mombian aregât luâk akmâ geân.” dâep.

### Yesuņe dewunyetņe bokbokņe lâuwâ mem heņgemyetkuep.

<sup>29</sup>Yesu akto hoj bawalupņe Yeriko kepia hepunmâ ariyi. Arimbiâ hami yeņân luâk âmbâle dondâ ariyi. <sup>30</sup>Akto dâp ginņân luâk dewunyetņe bok bokņe lâuwâ taliat. Yesu togoep aregât den nâņgâm kârikņeâk konmâ hin dâyi, “Humo, gâ Dawidigât hakuņe gâ hanâk netgât okotge nâņgâ.” <sup>31</sup>Hain dâm konbela luâk âmbâle ain kili arekņe nâņgâm hin dâyi, “Woe, den hepulet.” dâyi. Hain dâmbiâ denyeņe bo nâņgâm âmâ lâuwâņe koliat, “Humo, gâ Dawidigât hakuņe gâ hanâk netgât okotge nâņgâ.” <sup>32</sup>konbela nâņgâm dâwân kinmâ yetkondo gutbela hin aiyetkuep, “Gain gain akyetkiwegât nâņgat?” dâmbo hin dâyi, <sup>33</sup>“Humo âlepņe eget dâmenâ dewunnetņe hulaņagâkgât ulit giņdet.” dâyi. <sup>34</sup>Hain dâmbela okotņe nâņgâm dewunyetņe howaimbo hulaņ akto Yesu olop ariyi.

### Yesuņe doņgi kakņân Yerusalem âgâep.

**21** <sup>1</sup>Akto arewa arim Yerusalem kepia ewumâk Betepage kepia akto gimbâņe kotņe Oliwa ain togoyi. Togo Yesuņe hoj bawalogâtņe lâuwâ huņgun yetkiep. <sup>2</sup>Huņgun yetkim hin makyetkiep, “Yet kepia bâlensiâ tato ektat âuren âgâet. Âgâm âmâ doņgi siâ hikombiâ kindâp nanņe olowâk are dowâk mem miawak yeleget. Meyelekmâ mem âmâ nâņgâlân togoet. <sup>3</sup>Dâ luâk siâ me siâņe den wan siâ makyetkimbo âmâ hin maganberat, “Iregât âi miawakto Humonetņande maknetkiâp gârâmâ mem arietņe âi bo akto âmâ dowâk mem purik katberâp.” dâm maganberat.” dâep. <sup>4</sup>Wan me wan ya miawagep are amâ Propete siâņe den kulengoep aregât bikņe bunņe miawagep den are hin tatâp,

<sup>5</sup>“Sioņ gimbâņe ambolupņe nâņgâņet. Yeņgât kembuyeņe amâ hâkņe mem gemap. Hain akmâ yoņâk ariwerâm âmâ doņgigât kakņân tatmâ togowiap. Doņgi aregât nanņe are olop togowiap.”

<sup>6</sup>Yesuņe hain dâm huņgunyetkimbo arim hain agiat. <sup>7</sup>Doņgi akto nanņe lâuwâ mem oloņyelekmâ togombela sâņgum kakņân luguakmini

are oloŋmâ donŋi kakŋân katbiâ yâkŋe âgâ talep. <sup>8</sup>Âgâ tato luâk âmbâle dondâne Humonenŋe togoâp aregât dâp heŋgemgone dâm sâŋgum kakŋân luguakmini are oloŋmâ dâwân leŋgaim ariyi. Dâ bikŋande âmâ esenŋe siâ siâ ligim dâwân katmâ ariyi. <sup>9</sup>Akto luâk âmbâle dondâ enemŋân akto hamiŋân olop ariyi arekŋe âmâ hin koli, “Woe, hakunenŋe Dawidi yâkgât kâmolân gâtŋe gâŋe damun nenŋe ak. Anutu Humoŋe wâtŋe giŋmâ huŋgun giŋdo togoât aregât heroŋe akgiŋne. Akto kembunenŋe yu togoât iregât Anutu himbimân manmap yâk nâŋganŋenŋe kotŋe humo agâk.” dâyi. <sup>10</sup>Akto Yesuŋe Yerusalem kepian âgâmbo kepia humo ain luâk âmbâle tali arekŋe sân sân mem hin dâyi, “Luâk ire niŋe?” dâyi. <sup>11</sup>Hain dâmbiâ luâk âmbâle yâk olop ariyi arekŋe makyenŋiyi, “Imâ Anutugât Propete siâ kotŋe Yesu, Galilaia hân aregât kepia Nasarete ain gâtŋe.” dâyi.

#### Yesuŋe sumbe opmânânba watyegep.

<sup>12</sup>Hain dâmbiâ Yesu Yerusalem kepian âgâm sumbe kat kat opmânŋân âgâm luâk âmbâleŋe siâ me siâ katmâ aŋgim kili are wat yekmâ siâ me siâ yeŋe me kembâ welamŋe me puli tat tat welamŋe mem kâwulep. <sup>13</sup>Kâwutmâ watyekmâ hin makyenŋiep, “Anutuŋe makto kulemgoyi bikŋe hin tatâp, “Nâŋgât emet âmâ luâk âmbâle hârokŋe ulitniŋbaigât emet kindâp.” Den kulem hainâk yendâp are hâkâŋ akmâ mâŋgimbiâ luâk kâmburâ yeŋgât emet hainare aktâp.” dâep.

<sup>14</sup>Hain dâm sumbe kat kat opmânŋân luâk dewunyeŋe bok bokŋe akto keiyeŋe pâwutyenŋe bâleŋe are togombiâ mem heŋgem yeŋguep. <sup>15</sup>Akto nanaŋ lepat ain âgâm Yesugât hin dâyi, “Dawidigât hakuŋe kotŋe mem agatne.” dâyi. Hain dâmbiâ sumbe kat kat luâk akto Mosegât den kârikŋe makmâ kepigi arekŋe Yesuŋe kulem keiŋe keiŋe miep are ekmâ akto nanaŋ lepat are yeŋgât den nâŋgâmbiâ bâlimbo kuk bâleŋe agi. <sup>16</sup>Hain akmâ Yesu hin magaŋi, “Nanaŋ lepat irekŋe kotge konmâ mem agatbiâ nâŋgât mon?” dâm magaŋi. Hain dâmbiâ hin makyenŋiep, “O nâŋgân gârâmâ aregât Anutuŋe makto kulemgoyi bikŋe aregât hin tatâp, “Anutuŋe nanaŋ lepat memeŋe akyenŋimbo kotŋe mem agatbai.” den are oyaŋmâ nâŋgâm meteyi mon?” dâep. <sup>17</sup>Akto ainba hepun yekmâ kepia humo are ginŋanŋen gem hândâk ain Betania kepian yiep.

#### Yesuŋe makto lâwin siâ ululun dâep.

<sup>18</sup>Yem kindo hauŋdo hândâktâk purik katmâ kepia humoân âgâm sotgât mopŋe aguep. <sup>19</sup>Akto dâwân lowot hainare siâ kindo ekmâ bunŋe yendâp dâm keiŋân baep. Bam ekto bunŋe siâ bo yendo esenŋandeâk kilep. Akto lowot are magaŋmâ hin dâep, “Lâwin iregât koaŋe siâkâ bo yembiâp. Boâk tiŋ.” dâmbo ainâk lowot arekŋe ululun kârâep. <sup>20</sup>Hain akto hoŋ bawalupŋande are ekmâ otneyeŋe arimbo sân sân mem hin

dâyi, “Gain gain akmâ lowot ire dowâk ululun kêrâp?” dâyi. <sup>21</sup>Hain dâmbiâ Yesuŋe makyenŋim hin dâep, “Nâ iregât keiŋe makyenŋire nânŋânjet. Ye nânŋâlân biwiyeŋe katmâ heŋgemgom han lâuwâ âlâwu bo akbai âmâ nânŋe lowotgâlân aktere ektâi hainâk âlepŋe akbai. Akto are konok bo akbai. Gimbânŋe ire maganmâ hin dâwai, “Gâ kâwulakmâ haruân umbure ge.” dâmbiâ âlepŋe hain akbiap. <sup>22</sup>Akto yeŋe nânŋâlân biwiyeŋe katmâ heŋgemgom kinmâ wan me wan memberâm ulilanŋbai amâ wan me wan are âlepŋe membai.” dâep.

### Yesugât keiŋe nânŋânegât aikoyi.

<sup>23</sup>Akto Yesuŋe sumbe kat katgât opmânŋân âgâm luâk âmbâle den pat âlepŋe are makyenŋiep. Akto sumbe kat kat luâk akto Israe yenŋât kembu yâkgâlân togom maganmâ hin dâyi, “Gâ wan me wan akmat are niŋaet lau lokom akmat? Akto niŋande memeŋe akŋiŋdo mema?” dâyi. <sup>24</sup>Hain dâmbiâ Yesuŋe hin makyenŋiep, “Nâkai hainâk wan siâgât ai yenŋuwerân. Gârâmâ yeŋe den hâuŋe makniŋbiâ âmâ benŋe nâkâ wan kêrikŋe tatniŋdo âi meman iregât keiŋe makyenŋiwerân. <sup>25</sup>Yohanenŋe tu puli keiŋe kalep are niŋande meme aŋanŋo âi are meminep? Anutuŋe me luâk yânŋande?” dâep. Hain dâmbiâ den are nânŋâm are yeŋeâk maganŋi goanŋi akmâ hin dâyi, “Nenŋe Anutuŋe meme aŋanŋep dâweren âmâ yâkŋe hin maknengiwêrâp, “Ye wangât yâkgât den bo nânŋâm heŋgemgoyi?” dâwerâp. <sup>26</sup>Dâ nenŋe are luâk yânŋande memeŋe aŋanŋini dâweren âmâ luâk âmbâle yu kindâi irekŋe Yohane âmâ Propete dâm kuk aknengiwêi aregât gain gain maganŋeren?” dâyi. <sup>27</sup>Hain dâm kinmâ Yesu hin maganŋi, “Yohane niŋande memeŋe aŋanŋo akminep are bo nânŋâen.” dâyi. Hain dâmbiâ Yesuŋe hin makyenŋiep, “Nâkai hainâk niŋaet laugât kinmâ âi meman aregât bo makyenŋiwerân.

### Nananŋ lâuwâ yetgât den ginŋe.

<sup>28</sup>Aregât den ginŋe makyenŋiwe. Luâk siâgât nanlogâtŋe lâuwâ maliat. Akto teuŋe aregâlân arim hin maganŋep, “Nan, gâ uŋak arim waiŋ âiânŋen âi me.” dâep. <sup>29</sup>Hain dâmbiâ nanŋe arekŋe maganmâ dâep, “Nâ borân.” dâep. Hain dâm tatmâ benŋe beiranŋânŋen hanŋe siâ akto arim âi miep. <sup>30</sup>Akto eweyetŋande emiŋe aregâlân arim arekâ hainâk maganŋep. Akto nanŋe arekŋe maganmâ dâep, “Apo, âlepŋe ariwerân.” dâm hianŋim bo ariep. <sup>31</sup>Gârâmâ nanlogâtŋe lâuwâ arekŋe niŋande âmâ ewenŋaet den lokoep?” dâmbiâ dâyi, “Teuŋe arekŋe.” dâyi. Hain dâmbiâ Yesuŋe makyenŋim hin dâep, “Aregât den bunŋe hin makyenŋire nânŋânjet. Puli dâtânŋe meme luâk akto âmbâle dâp gulip manmai yâkŋe ye ewangiyekmâ Anutugât kâmolân dewatiyi. <sup>32</sup>Amâ yeŋe Yohanenŋe agak meme âlepŋe hekat yenŋimbo hâkânŋe akmâ denŋe bo lokoyi. Dâ gawamangât puli meme luâk akto âmbâle dâp gulip manmaiŋe âmâ

denje nângâm hanyenande nânganji. Dâ ye âmâ are ekmâ hanyen bo purik kato denje bo nângâyi.

### Waij damunje bâlenjaet den.

<sup>33</sup>Akto den dopje siâkâ makyengire nângâjjet. Luâk siâje hân siân tâk kotje waij are kâmetmâ metem lope dâgâep. Akto waij tuje pipikowaengât dâm kondo ketugum hengemgom damun yējaet emet mem âi kalam hârok ketugum metem hoj bawalupje hin makyengiep, “Kalam ire damunje akmâ sot bunje akto mem niŋbai.” dâm hân siângen ariep. <sup>34</sup>Arim manmâ manmâ mando sot bunje akto âi luâk siâ sot bunje bikje meyekjjet dâm huŋgun yeŋgimbo ariyi. <sup>35</sup>Arimbiâ damun luâklupje arekje hoj luâk are kât mem pitim panmâ yeŋgumbiâ bikje arimbiâ bikje moyi. <sup>36</sup>Hain akto amboje arekje âi luâk dondâ huŋgun yeŋgimbo arimbiâ a hainâk kalam damunlupje arekje hoj luâk are hainâk yeŋgum watyegi. <sup>37</sup>Ambojande pat are nângâm hin dâep, “Nune nanne huŋgun aŋdere arimbo yâkgât amukjân manbai.” dâep. <sup>38</sup>Hain dâm huŋgun aŋdo arimbo âi damunlupjande nanaŋ are ekmâ magaŋgi goaŋgi akmâ hin dâyi, “Woe, humonenjaet nanje togoâp. Eweje mondo yâkje hârok membopgât kondenje moâk. Hain aktenje bāt bânje hârok nengât akbiap.” dâyi. <sup>39</sup>Hain dâm mem oloŋmâ hâknjângen kombiâ moep. <sup>40</sup>Hain akbiâ âi amboje are gain gain akbiap?” dâep. <sup>41</sup>Hain dâmbo hin dâyi, “Âi amboje arekje togom hoj bawa are yeŋgumbo mombiâ âmâ benje dumyeŋân hoj bawa siânbanje sot yendoân niŋbai dâm katyekbiap.” dâyi. <sup>42</sup>Hain dâmbiâ Yesuje hin dâep, “Anutuje makto luâk siâje hin kulengoep, “Emetje ketuguwerân âmâ luâkje kât siâ ekmâ hâkje hâkje dâm panbiâ yendo Anutuje kât are mendo emetgât kun kun kârikje agep. Are ekmâ, “Imâ Humoje mem miawaktâp.” dâm ektenje humo aktâp.” Siâje ulikjân hain kulengoep.

Aregât ye âmâ nanaŋyeŋânbaŋk oyaŋmâ nângâyi amâ wangât hilipkoyi?

<sup>43</sup>Aregât makyengire nângâjjet. Anutuje damunyeŋe akberâm aktâp yâkje yekto ârândân bo akto luâk âmbâle aŋgâ damunyeŋe akbiap are yâk Anutuje damunyeŋe akbiap aregât bunje membai. <sup>44</sup>Dâ luâk siâje kât tetembeŋe kârikje are ekto ârândân bo akto âmâ hâkje hilipkowiap. Akto kât arekje amâ luâk siâ kakjân ge kom hambumbo hogoakbiap.” <sup>45</sup>Hain dâmbo Parisaio luâk akto sumbe kat kat luâk areyeŋgât humomolupyeŋande den are nângâm hin dâyi, “Imâ nengât dop maktâp.” dâm nângâmbiâ bâliep. <sup>46</sup>Hain akto aregât Yesu mem kala busi kâlegen katberâm agi. Hain akmâ memberâmbiâ luâk âmbâle dondâje ain kili arekje Yesu amâ Propete luâk dâm nângâyi aregât, “Mendenje nenguwâi.” dâm hamewakmâ yânâk hepuli.

### Luâk hâk katip bâlâk yâkgât den ginje.

**22** <sup>1</sup>Akto Yesuje den ginje siâ hin makyengiep, <sup>2</sup>“Anutuje damunyeŋe akbiap amâ hângât luâk kembu siâgât agak meme

hainare. Luâk kembu aregât nanjande âmbâle memberâm akto luâk kembu arekne sot soŋgo dondâ om hâwuruep. <sup>3</sup>Akto uliknân luâk bikne nanjande âmbâle mendoân togombiâ sot om yeŋgiwiapgât makyenġiep. Akto nanjande âmbâle memberâm akto ain âi luâklupne bikne huŋgun yeŋgim, “Ari luâk are kewugu yekmâ togoŋet.” dâep. Akto âi luâklupjande ari makyenġimbiâ yâkne borâm bo togoyi. <sup>4</sup>Akto lâuwâne âi luâklupne bikne huŋgun yeŋgim hin makyenġiep, “Ye arim nâne uliknân luâk makyenġiân are hin makyenġiwei. Ye nâŋgâŋet. Sot akto bau akto soŋgo humomo emelâk kom om katân akto kotne siâ siâ hârok emelâk mem ârândân ketuguân. Gârâmâ ye togom nannande âmbâle memberâp iregât sot neŋet.” dâm âi luâklupne are makyenġim huŋgun yeŋgiep. <sup>5</sup>Akto âi luâklupjande arim den are luâk âmbâle makyenġiyi. Makyenġimbiâ den a bonânġâm hansumbu akmâ ariyi. Siânbaŋe gem kalam yeŋânġen ariyi. Dâ bikjande âmâ puli âi memberâm gem ariyi. <sup>6</sup>Dâ bikjande âmâ luâk kembugât âi luâk are hilip yeŋgumbiâ mom meteyi. <sup>7</sup>Hain akbiâ luâk kembu are biwiŋe kâlâp akto tembe lokolupne huŋgun yeŋgimbo arim luâk koko yeŋgumbiâ mom meteyi. Mom metembiâ kepiayeŋe arekâ ombiâ om bo akyeġep. <sup>8</sup>Akto luâk kembu arekne âi luâklupne makyenġim hin dâep, “Nannande âmbâle mendâp iregât sot soŋgo emelâk mem ârândân ketugure yendâp. Dâ nâne luâk togoweigât makyenġiân are yeŋgât agak memeyeŋe ârândân bo. <sup>9</sup>Gârâmâ ye arim dâp kautne ârândân kinmâ âmâ luâk âmbâle arim togombiâ yekmâ âmâ makyenġimbiâ togom sot ire neŋet.” dâep. <sup>10</sup>Hain dâm huŋgun yeŋgimbo âi luâklupne arekne dâp kautne ârândân kinmâ arimbiâ luâk âmbâle âlepne me bâleŋe togombiâ hârok mendugu yegi. Akto luâk âmbâle arekne togom luâk âmbâi lâuwâ meagiât are yetgât emet are pikmâ teŋ teŋ dâm tali.

<sup>11</sup>Akto luâk kembu arekne luâk âmbâle are yekberâm emet are kâlegen bam âgâep. Âgâm luâk siâ hombaŋ tat tatgât sâŋgum are bo lalakmâ togoep. <sup>12</sup>Togom ekmâ luâk kembu arekne maganmâ hin dâep, “Gala, gâ gain gain akmâ luâk âmbâle meak meak aregât sâŋgum bo latmâ in togoât?” dâep. Luâk kembu arekne hain dâmbo yâkne denne nâŋâk kinmâ aŋun aŋgiep. <sup>13</sup>Aŋun aŋgimbo luâk kembu arekne âi luâklupne makyenġim hin dâep, “Ye luâk are mem keiŋe bâtne mem mendugum dâgâm ge hândâknâŋen ain panbiâ yeâk. Yem âmâ hâk hilâlâm dondâne nâŋgâm indem kamboŋmâ yem âgâwiâp.” dâm makyenġiep. <sup>14</sup>Aregât den ginne purikne hin makbe. Anutuŋe luâk âmbâle dondâ makmâ yeŋgonmap. Dâ luâk âmbâle konok konok potatmâ yeŋgondo Anutuġât kâmolân dewatimai.” dâep.

### Yesu puligât aikoyi.

<sup>15</sup>Akto Parisaio luâk arim hin dâyi, “Hianġenŋe Yesuŋe den siâ makmâ hilipkombo mene.” dâm maganġi goanġi agi. <sup>16</sup>Hain akmâ hon

bawalupyene akto Herotegât âi luâklupne hungun yengimbiâ Yesugâlân togom lau tu aganmâ hin dâyi, “Humo, gângât keige nângâen. Gâ hiangi den bo makmat. Bunjeâk makmat. Gâ luâk hârok Anutugât dâp âlepne makmâ makyengimat. Akto luâk yengât nângâ nângâyenaet bo watmat. Akto luâk âgâ âgâne me gegeje areyengât hamep bâlâk akmâ ârândânâk makmâ hekatnengimat aregât ire makmenâ nângâne. <sup>17</sup>Nen Roma luâk siâ damun nenje kotje Sisa are gawamangât puli waŋmaen are âlepne me bo? Aregât gain nângâmat? Puli waŋbaen me bo?” dâyi. <sup>18</sup>Hain dâmbiâ biwiyenaet keje ekmâ nângâm hin makyengiep, “Ye hianŋindâi. Denje hami kom katniŋdâi. <sup>19</sup>Romagât puli koaje siâ mem niŋbiâ ekbe.” dâep. Hain dâmbiâ mem waŋbiâ mem agatmâ hekat yengim hin dâep, <sup>20</sup>“Puli ire ekŋet. Iregât otneje akto kot ire niŋaet?” dâep. <sup>21</sup>Hain dâmbiâ hin dâyi, “Damun nenje Roma luâk kotje Sisa yâkgât otneje.” dâyi. Hain dâmbiâ hin dâep, “Wan me wan Roma luâk humogât dâtâne amâ yâk waŋbei. Dâ wan me wan Anutugât dâtâne are amâ Anutu waŋbei.” dâep. <sup>22</sup>Hain dâmbiâ nângâmbiâ humo akto yân hepunmâ ariyi.

#### **Momoŋânba agatbaengât aikoyi.**

<sup>23</sup>Akto hilâm ainâk Sadukaio luâk are togoyi. Luâk arekne momoŋânba luâk bo agatbai dâmini. Yâkâ hainâk togom lau tu aganmâ hin dâyi, <sup>24</sup>“Tiksa, Moseje ulikŋân hin dâm kulengoep, “Luâk siâne âmbâle mendo nanaŋ bo miawakto mondo emiŋande kambut mem teuŋaet kâmot bo akbopgât membiap.” Moseje hain kulengoep aregât hin makgiŋne. <sup>25</sup>Emi teu nâmbulân lâuwâ nen hutnenŋân mali. Hain manmâ ulikŋân teuyeŋande âmbâle mem nanaŋ bâlâk manmâ moep. <sup>26</sup>Mondo emiŋande kambut are mem hainâk nanaŋ bâlâk manmâ mondo emiŋe siâne âmbâle kambut are miep. Hain akmâ mondo emi teu nâmbulân lâuwâ arekne âmbâle konok are mem nanaŋ bâlâk manmâ mom meteyi. <sup>27</sup>Bâiŋe kambutyene are hainâk moep. <sup>28</sup>Akto luâk nâmbulân lâuwâ are hârogâk âmbâle konok areâk mem mom meteyi. Aregât sop bâiŋân agatmâ metembiâ âmâ âmbâle are niŋaet âmbenje akbiap?” dâm hiangiyi. <sup>29</sup>Hain dâmbiâ Yesuje hin makyengiep, “Ye Anutuŋe makto kulemgoyi are akto Anutugât kârikneje bonângâmai are nângâm hilipkom hain dâm maktâi. <sup>30</sup>Luâk me âmbâle momoŋânba agatmai yâk himbimân aŋelo mandâi hainare akmâ luâk âmbâle meak meak are hepunmâ yân manbai. <sup>31</sup>Dâ momoŋânba agat agatgât keje hin maktere nângâŋet. Anutugât den aregât keje makyengire nângâm heŋgemgoŋet. <sup>32</sup>Anutuŋe hin magep, “Nâ Abraham akto Isaka akto Yakobo yâk yengât damunyeje akman.” dâep aregât yâk âmâ momoŋe yâk yengât Anutu bo. Golâ manmanje yâk yengât Anutu akmap.” dâep. <sup>33</sup>Hain dâm Sadukaio gâtje makyengimbo luâk âmbâle yânne ain kili arekne den are nângâmbiâ umatje agep. <sup>34</sup>Akto Yesuje den magep are Sadukaio gâtŋande nângâm

den hâuŋe gain gain magaŋne dâm pâpkoyi aregât aŋun aŋgim hepuli, parisaioŋe aregât nâŋgâm âmâ Yesugâlân menduguyi. <sup>35</sup>Mendugumbiâ hutyeŋân Mosegât den kârikŋe makmâ kepigi ain gâtŋe konok Yesu hianberâm aikom hin dop koep, <sup>36</sup>“Tiksa, Anutuŋe den kârikŋe kalep ain gâtŋe wan soŋ lokowaen.” dâmbo <sup>37</sup>hin dâep, “Anutuŋe makto Moseŋe kulengoep are bikŋe hin tatâp, “Gâŋe Humoge Anutu yâkgâlân biwi kambiamge me nâŋgâ nâŋgâge katmâ manben. Yâkgât âi akto den lau aregâlâk nâŋgâm kârikŋe akmâ hange konogâk manben.” <sup>38</sup>Den are soŋ lokombiâ huraguwiâp. <sup>39</sup>Akto hamiŋân den ire lokombiâ huraguwiâp, “Gâ gugaet agakmat hainâk luâk siâ agaŋben.” <sup>40</sup>Anutugât den kârikŋe lâuwâ irekŋe amâ den kârikŋe are hârokgât keiŋe aktâp. Akto Anutugât Propete luâk den ire nâŋgâm aregât keiŋe kulemgoyi.” dâep.

### Yesuŋe ikiŋaet keiŋaet aiyenŋuep.

<sup>41</sup>Hain dâm Parisaio luâk menduguyi aregât Yesuŋe aiyenŋum hin dâep, <sup>42</sup>“Ye Anutuŋe huŋgun aŋdo gewiap aregât gain gain nâŋgâi? Yâk âmâ niŋaet nanŋe nâŋgâi?” dâmbo Parisaio luâk bikŋe arekŋe hin dâyi, “Dawidigât hakuŋe.” dâyi. <sup>43</sup>Hain dâmbiâ hin dâep, “Bâin, Anutugât Heakŋande Dawidigât biwiŋe mem agato hin dâep,

<sup>44</sup>Anutu Humoŋe nâŋgât Humone hin magaŋep, “Gâ enemnân togom bâte bungen tatmenâ gasalupge keigaet amukŋân kâmot katere tâliyekbiat.”

<sup>45</sup>Aregât keiŋe hin. Dawidiŋe Anutuŋe huŋgun aŋdo gewiap are amâ nâŋgât Humone dâm konminep. Aregât gain gain yâk âmâ Dawidigât nanŋe dâmai?” dâep. <sup>46</sup>Hain dâmbo luâk ain kili arekŋe Yesuŋe den magep are hâuŋe bo magaŋi. Hain akmâ are hamiŋâŋgen den siâ me siâgât lâuwâŋe bo aikoyi.

### Yesuŋe Parisaio minao makyenŋiep.

**23** <sup>1</sup>Yesuŋe luâk âmbâle dondâ akto ikiŋe hoŋ bawalupŋe hin makyenŋiep, <sup>2</sup>“Luâk Mosegât den kârikŋe makmâ kepikmai akto Parisaio luâk yâk âmâ Mosegât welamŋân tatmai. <sup>3</sup>Aregât den makmâ hekatyeŋgimbiâ nâŋgâm lokowei. Dâ yâkŋe yâk yeŋgât den bo lokomai aregât agak memeyeŋe bo watbei. <sup>4</sup>Yâk yeŋgât agak meme are hin. Luâk âmbâle den kârikŋe wârakmâ hin makyenŋimai, “Âi humo mem hâk hilâlâm nâŋgâm manmâ âgâŋet.” dâm makyenŋimai âmâ bo tân yeŋgumai. Denâk akmai. <sup>5</sup>Akto wan me wan hârok akmai are âmâ luâkŋe nenekŋet dâm aregât akmai. Akto nenekŋet dâm manmâ âmâ mitigât siâ me siâ wan me wan mem manmâ kâlêwâk mâŋgim manmai. <sup>6</sup>Akto luâk âmbâle mendugum kinmaiân me den opmânŋân âgâmaiân âmâ yâkŋe nenŋe soŋ dâm tat tatŋe egon tatmai. <sup>7</sup>Akto yâkŋe luâk âmbâle kepiân tiksa humonenŋe dâm nengonŋet dâm aregât ukenŋe

nângâmai. <sup>8</sup>Dâ ye amâ tiksayeŋe konok akto ye hârok gala konogâk akmai aregât tiksa humonenŋe dâm nengonŋet aregât bo nângâwei. <sup>9</sup>Akto Eweyeŋe konok mandâp amâ Anutu himbimân manmap yâk aregât iren hânân gâtŋe siâgât ewenenŋe bo dâwei. <sup>10</sup>Akto humoyeŋe konok mandâp amâ Anutuŋe huŋgun niŋdo geân aregât humonenŋe dâm nengonŋetgât ukenŋe bo nângâwei. <sup>11</sup>Akto yeŋgâlân gâtŋe bikŋe tân yeŋgum âi yeŋgât mem manmap are amâ Anutuŋe ekto huragumap. <sup>12</sup>Aregât yeŋgâlân gâtŋe siâŋe ikiŋe kotŋe mem agato amâ Anutuŋe mem gewiap. Dâ kotŋe mem gembo amâ Anutuŋe mem agatbiap.

<sup>13</sup>Gâuk Mosegât den makmâ kepikmai akto Parisaio ye hârok hianŋi luâk. Luâk âmbâle himbingât kâmolân ariwerân akbiâ amâ yeŋe dâp gisapko yeŋgimai. Yeŋe amâ ain bo ariwaen dâm amâ ariwaen dâmai yâk yeŋgât dâp gisapko yeŋgimai. <sup>14</sup>Gâuk Mosegât den makmâ kepikmai akto Parisaio hianŋi luâk yeŋe mându kambut yeŋgât emet me wan me wan kâmbu memai. Dâ nenekbiâ huraguâk dâm Anutu sop kâlep ulilaŋmai. Aregât Anutuŋe hâuŋe umatŋe bâleŋe akyeŋgiwiap. <sup>15</sup>Gâuk Mosegât den makmâ kepikmai akto Parisaio ye luâk konok yeŋgât pat agâkgât âi humo mem haru akto hân hâtikom arimai. Arim hâwâtyekbiâ dewatyeŋemâ amâ benŋe hemem kâlâpgât pat akmâ ewangiyekbiap. <sup>16</sup>Gâuk Mosegât den makmâ kepikmai akto Parisaio yeŋe luâk âmbâle manman âlepŋân kewuguyektenŋe ariwai dâmai gârâmâ ye amâ dewunyeŋe bokbokŋe. Aregât hin dâmai, “Luâk âmbâle siâŋe sumbe aregât metenân dâm makbiâ amâ yânŋe akbiap. Dâ sumbe kat kat opmângât goli aregât metenân dâm makbiâ amâ âlepŋe akbiap.” dâmai. <sup>17</sup>Hain dâmai amâ dewunyeŋe nângâ nângâ yeŋe hândâk akmap. Anutuŋe wan ekto humo akmap? Goli me sumbe emetŋe? Sumbe kat katŋaet emetŋande goli are ewangimap. Sumbe emetŋe bo tatâp dâine puli are yânŋe akbop. <sup>18</sup>Akto ye hin dâmai, “Luâk âmbâle siâŋe sumbe kat katgât alata kotŋe konmâ den kârikŋe makbiâ yânŋe akbiap. Dâ yâkŋe sumbe om alata kakŋân katmai are konmâ den kârikŋe makbiâ amâ kârikŋe akto areâk membei.” dâmai. <sup>19</sup>Hain dâmaigât amâ dewunyeŋe hândâkŋe akmap. Wan me wan Anutu waŋmai arekŋe alata bo ewangimap. Alata bo tatâp dâine sumbe yânŋe akbop. <sup>20</sup>Aregât luâk âmbâle alata aregât kotŋe konmâ den kârikŋe makbai arekŋe alatagât kotŋe areâk bo konbai. Alata akto sumbe me wan kakŋân katmai are olop konmâ makbai. <sup>21</sup>Akto luâk âmbâle sumbe kat kat opmân aregât kotŋe konmâ den kârikŋe makbai arekŋe opmân aregât kotŋe areâk bo konbai. Opmân akto aregât Amboŋe Anutu yâkgât kotŋe konbai. <sup>22</sup>Akto himbim kotŋe konmâ den kârikŋe makbai arekŋe Anutu tat tat akto tat tat Amboŋe lâuwâ lâuwâ yetkonbai.

<sup>23</sup>Gâuk Mosegât den makmâ kepikmai akto Parisaio ye hianŋi luâk. Ye metâ akto lombo akto sot siâ siâ are dopŋân potatmâ Kembugât pat dâm bikŋe katmai. Dâ Moseŋe kulempoep den bikŋe umatŋe are



hepunbiâ bâlimap. Aregât den amâ hin. Wan me wan âlepŋe membiâ ârândânâk akto okot nânġâ nengim gala akmai akto Humogâlân biwi kat kat aregât agak meme are âkâ hamiaŋmai aregât siân hâuŋe humo bunewâk yeŋgiwiap. Ye Mosegât den owâiŋe akto umatŋe are lâuwâ lâuwâ lokomai dâine ârândân akbop. <sup>24</sup>Ye, “Nen kewuguyekmaen.” dâm amâ luâk dewunyeŋe bok bokŋe are yeŋgât dop hainâk akmai. Wan me wan bâlensiâ aregâlâk nânġâmai. Dâ wan me wan umatŋe Anutuŋe egâliahmap are amâ yânŋe dâm hepunmai.

<sup>25</sup>Gâuk Mosegât den makmâ kepikmai akto Parisaio ye hiaŋgi luâk. Ye hâk akto hângât aregâlâk nânġâmai. Âmbâle siânŋe kondo akto umbâ hâkŋeâk pulim kâlegen bo pulim akmap aregât dop hainâk yâk hâkyeŋe âlepŋe akmai. Dâ biwiyeŋân amâ kâmbugât akto hâkgâlâk egâliah aregâlâk nânġâmai. <sup>26</sup>Woe, Parisaio luâk, ye amâ dewunyeŋe bokbokŋe hainare akmai. Kâlegen biwiyeŋe soŋ heŋgemgombiâ amâ huraguwiap benŋe hâkyeŋe gai hainâk salek salek akiap.

<sup>27</sup>Gâuk Mosegât den makmâ kepikmai akto Parisaio ye hiaŋgi luâk. Lâman luâk âmbâle han yeŋgumai are buluŋe me wan me wan âlepŋe agâk dâm kâmetmai. Dâ kâlegen amâ hagitŋe akto hâkŋe hambuŋe are yemap aregât dop hainâk <sup>28</sup>luâk âmbâle bikŋande hâkyeŋe yekbiâ ârândân akmap. Dâ biwiyeŋân amâ den hiaŋgim agak meme bâleŋe akto Anutuġât den kârikŋe hamiaŋmâ nânġâmai.

<sup>29</sup>Gâuk Mosegât den makmâ kepikmai akto Parisaio ye hiaŋgi luâk. Ye hin nânġâm hilipkoma. Hokboâk hokboâk propete luâk akto luâk agak meme âlepŋe akmâ manmini are yeŋgât sum are buluŋande hâk meanmâ kotyeŋe lauyeŋande mem agatmai. Are nânġare bâliâp. <sup>30</sup>Buluŋande meanmâ hin dâmai, “Woe, nen ulikŋân bâgilupnenŋe mali dop hainâk malion dâine yâk tân yeŋuenŋe Propete luâk bo yeŋguwâen.” dâm lauyeŋande makmai. <sup>31</sup>Hain akmâ keiyeŋe mem miawakmai. Ulikŋân akmini areyeŋgât dop ye hainâk akmai. Aregât ye ain manmini dâine Propete luâk are yeŋgumbiâ mombâi. <sup>32</sup>Akto humomolupyene dosa kakŋân manmâ gayi, ye gai hainâk dosa kakŋân manbiâ dosayeŋe pikmâ yembiap. <sup>33</sup>Ye niambigât kâmot, ye Anutuŋe dosa yeŋaet hâuŋe yeŋgimboân amâ gain gain akmâ âlepŋân ariwai? <sup>34</sup>Aregât hoŋ bawalupne propete luâk akto nânġâ nânġâ luâk akto den makmâ kepikmai luâk are huŋgun yeŋgire yeŋgâlân togom makyeŋgimbiâ bikŋe yeŋgum siâ siâ ketugu yekbiâ bikŋe mombai. Dâ bikŋe amâ lâwinân yeŋgumbiâ mombai. Dâ bikŋe amâ yeŋe den opmânân bugâŋe yeŋgumbiâ hâk hilâlâm akbai. Hain akmâ bikŋe kepia siânba watyekbiâ kepia siân ariwai. <sup>35</sup>Aregât ulikŋân Anutuŋe keiŋe katmâ luâk âmbâle ketuguyekto mali sop ain Anutuġât hoŋ bawalupŋe hilip yeŋgum gayi are yeŋgât nânġâmbiâ âlepŋe akmap aregât yeŋe hainâk akmâ dosa hainâk membai. Akto hakulupnenŋande bugâŋe Abe kom ainba keiŋe katmâ yeŋgum gam gam bâiŋe Berekia nanŋe Sakaria sumbe emetŋaet hânġi akto

alatagât keiņe aregât hutņân gam ariwerâm akto ain kombiâ moep. Akto hakulupnennande Anutugât Propete hârok yeņgumbiâ moyi. <sup>36</sup>Aregât hin makyenġire nânġaņet. Yu mandâi irekņe Anutugât luâk âi membriâ ârandân aġep are hilipyenġumbiâ moyi aregât hâuņe amâ yeņġâlân miawakbiap.

### Yesuņe Yerusalem ambolupņe yeņġât okotņe nânġaep.

<sup>37</sup>Bâe, Yerusalem kepia ambolupņe areyeņġât keiyeņe hin. Yâkņe Anutuņe hoņlupņe akto propetelupņe huņgun yeņġimbo yeņġâlân togombiâ kâtņe mem panbiâ yeņġumbo momai. Puiņe nanaņlupņe damunyeņe akmâ mem mendugu yekmâ korat yeņġumap aregât dop hainâk mendugu yekmâ okotnân katyekmâ damunyeņe akberâre hâkâņe akmâ arimai. <sup>38</sup>Aregât Anutuņe damunyeņe bo akmap kepiayeņe hepundo bugâ miawak yeņġiwiap. <sup>39</sup>Aregât nâ bo nekmâ âġambiâ hilâm siân miawaktere nekmâ hin dâm makniņbai, “Wei, Ġaņe Anutugât laugât togonengiât aregât âlepņe akġiņe.” hain dâwai.” Yesuņe hain dâep.

### Yesuņe lâuwâņe togowiapġât magep.

**24** <sup>1</sup>Yesuņe sumbe kat kat emetņânba sopando luâklupņe emet are ekbiâ humo akto hin dâyi, “Humo, sumbe kat kat emetņe ire ek.” dâmbiâ <sup>2</sup>hin makyenġiep, “Emet humo ire ektâi are hâmbâi gasalupyenġande kârikņe akmâ kât me wan me wan ire gagaim itij gulam mem patakowai.” dâep.

<sup>3</sup>Hain dâm makyenġimbo gimbâņe kotņe Oliwa ain âġâyi. Ain tatmâ luâklupņe yâkņeak yoņâk Yesu hin aikoyi, “Ġâ maknengiât are amuten miawakbiap? Akto sop humo miawakbiap akto ġaņe purik katmâ lâuwâņe in manmenâ hân hârok bo akbiap aregât dâp gain gain nânġâwaen?” dâyi. <sup>4-5</sup>Hain dâmbiâ hin makyenġiep, “Luâk dondâ miawakmâ nânġât kolân hâk tunanġim hin dâwai, “Nâmâ Anutuņe huņgun niņdo geân.” hain dâmbiâ luâk âmbâle dondâņe han gulip akbai. Ġârâmâ ye han gulip akbâigât den yu maktân ire nânġâm biwiyeņe damunņe kârikņe aġanġim manbei. <sup>6</sup>Akto bugâġât warapņe me bugâġât denņe nânġâm ainâk hin nânġâwei, “Anutuņe are miawakbiapġât nânġâmbo miawaktâp.” dâm aregât bo hamep akbei. Dâ sop bânņe âmâ irawot miawakbiap. <sup>7</sup>Bugâ akto kuk me wan me wan umatņe are miawakbiap dâm Anutuņe den makmâ kalep. Are miawakto hân bikņande gasa aġanġim ariwai. Akto mop humo miawakbiap. Akto wâriņ humo mem wan me wan hârok mendo duwuņ humo akbiap. <sup>8</sup>Hinņe maktere nânġâi are amâ umatņe. Aregât keiņeâk miawakto hamiņân umatņe dondâ miawakbiap.

### Tembe bugâ miawakbiapġât magep.

<sup>9</sup>Yeņġât gasalupyenġande den âiân katyekmâ den opmânņân bugâņe yeņġuwai. Akto yeņġâlân ġâtņe bikņande mombai. Dâ bikņe âmâ

nângât den lokowai aregât hân hârok aregât ambolupņande kuk bâleņe akyeņgiwai. <sup>10</sup>Aregât, “Nen Yesugâlân gâtņe.” dâmai are yeņgâlân gâtņe dondâņe hepun nekmâ ikiņeâk ikiņeâk akmâ gasa agaņgiwai. Akto yeņgâlân gâtņe bikņande bikņe kewugu yekmâ kiapgâlân arim makyeņgimbiâ yeņguwai. <sup>11</sup>Akto sop ain luâk dondâ agatmâ, “Nen Anutugât Propetelupņe.” dâm heyeņgimbiâ luâk âmbâle dondâ han undup akbai. <sup>12</sup>Akto agak meme bâleņe are miawakmâ humo akbiap aregât luâk âmbâle dondâņe nângât akto galagât okot nângâ nângâ aregât agak meme are âmâ hepunbai. <sup>13</sup>Dâ bikņande âmâ kârikņe akmâ tatmâ âgâmbiâ sop humoân âmâ Anutuņe meyekbiap. <sup>14</sup>Akto Anutuņe damunyeņe akbiap aregât den pat are luâk âmbâle hânņe hânņe hârok nângâmbiâ Anutugât keiņe humo agâk dâm hân hârok manmâ makyeņgim manbai. Hain akbiâ hamiņân sop humo miawakbiap.

### **Siâ me siâ hâkņe hâkņe dondâ miawagep.**

<sup>15</sup>Aregât propete Daniel arekņe kulengoep are yaiwâk oyaņmâ nângâm heņgemgowe. Den are kârigembo siâ me siâ bâleņe hilip agu aguņe olowâk âgâm kinmâ sumbe kat katņân ain bo kin kinņân kinbiap amâ ye nângâm heņgemgowe. <sup>16</sup>Hain akmâ nenguwâi dâm Yudaia hânângenba pârigim gimbâņe siân âgâwai. <sup>17</sup>Akto kepia ewumâk manbiap arekņe emetņe kâlegen purik katmâ âgâ ito sikumņe bo membiap. <sup>18</sup>Akto âiângenba manbiapņe kepian âgâm sâņgum dâgâmņe bo membiap. <sup>19</sup>Akto sop ain âmbâi tepdâņe me namân gâtņe olowâkņe âmâ gain gain akbai? Umatņe olowâk akbai sop ain âmâ umatņe humo dondâ miawakbiap. <sup>20-21</sup>Amâ Anutuņe luâk mem miawak yegewânbak hainâk bo miawagep. Akto hân himbim liunyelegewânbak umatņe hainâk bo miawagep. Akto hamiņân umatņe hainâk bo miawakbiap aregât Anutu hin ulilanbei, “Humonenņe umatņe are tânâk kâlegen me âi bo meme sopņân bo miawak nengiwiap.” dâwei. <sup>22</sup>Aregât Kemuņe sop are bo dâm hârembo dâine luâk me âmbâle siâ me siâ bo manmâ kârikņe manbop. Dâ Anutuņe ikiņe kâmotlupņe yâk yeņgât akmâ âmâ sop aregât makto tâlâwâk akbiap.

### **Miti luâk hiaņgi miawakbai.**

<sup>23</sup>Akto Anutuņe huņgunanđo iregen miawaktâp akto Anutuņe huņgunanđo indâgen miawaktâp den hain makmâ bam gamâk akbiâ bo nângâyeņgiwei. <sup>24</sup>Amâ hingât. Sop ain hiaņgi luâk akto Propete yânņe togom nângât kâmot potatmâ kepilâyegân are han biwiyeņe mem gâlikowaigât kulem siâ siâ akto tirip keiņe keiņe mem âi humo membai. Gârâmâ hanyeņe mem gâlikowaigât dâp bo tatâp aregât ewum hâumgowai. <sup>25</sup>Akto ye gulip akbâi dâm irawotņân yu makyeņgiân. <sup>26</sup>Akto ain hiaņgi luâkņe hin makyeņgiwai, “Wei, Anutuņe huņgunanđo

gewiap dâmai âmâ hân kamitnângen ain miawaktâp.” dâmbiâ yâk yengât den bo nângâm ekberâm ariwei. Akto hiangi luâkne hin makyengiwai, “Woe, hoj bawa arekne purik katmâ gem emet kâlegen miawaktâp.” dâmbiâ arekâ hainâk bo nângâwei. <sup>27</sup>Aregât lâuwâne makbe. Himbim belek akmâ dowâk sop konok miawakmap dop are hainâk luâk akmâ geân nâ hân siângen miawakbianân âmâ hân hârok mem belekne memap dop hainâk nâje hânân gem miawakbian. <sup>28</sup>Siâ siâ mom yembiâ liplipne nemberâm mendugumai.

### Luâk akmâ gewiap aregât keiŋe.

<sup>29</sup>Akto areâk bo. Umatne humo are bo akto sop ain âmâ dewutâ lâuwâ lâuwâk pagaleŋe bo akbiandat. Akto diâ himbimânba bererek kârâm hânân gewai. Akto wan me wan himbimân yendâp are hârok duwuŋ akbai. <sup>30</sup>Akto sop ain luâk akmâ geân nângât kulem are himbimân miawakbiap, aregât luâk âmbâle hânne hânne manmai are hârok indem tâgâiak akbai. Ainâk nâ hamandat kaknân tatmâ pagaleŋe humo olop agat agatne akmâ gere ekbai. <sup>31</sup>Gârâmâ lâmun kârikne kondere munje humo miawakto aŋelolupne mendugumbiâ huŋgun yengire nângât kâmot nune dâtâŋe dâman are hân hârok ainba mem kewuguyekmâ ariwai.

### Sop humogât den.

<sup>32</sup>Akto den ginje siâkâ makbe. Ye lâwin kotje solom are esenŋe bererek dâmbo hin dâmai, “Wei, emelâk sot kâmetberengât sopne aktâp.” dâmai. <sup>33</sup>Aregât dop hainâk hâmbâi wan me wan maktân are hârok miawakto ye hin nângâwai, “Emelâk togowiapgât sop ewumâk aktâp.” dâwai. <sup>34</sup>Luâk âmbâle yu mandâi arekne ire hârok miawakto ekbai. <sup>35</sup>Aregât hin makbe. Wan me wan yu maktân ire âmâ bunewâk miawakbiap. Hân akto himbim âmâ bo akbiandat. Dâ nângât den âmâ bo boakbiap. Amâ yem âgâwip.

<sup>36</sup>Akto sop aregât hin makbe. Luâk me âmbâle aregât sop bo nângâmai. Dâ aŋelo himbimân manmai arekne âkâ bo nângâmai. Akto nâkâ hainâk bo nângân. Dâ Ewene konokne aregât sopne nângâmap. <sup>37-39</sup>Amâ hin akbiap. Uliknân Noa malep ain ugurup miawagewân sop ain luâk âmbâle hanâk hanâk manmâ, “Nen âlepne manbaen.” dâm sot tu nem luâk âmbâle meagi. Hain akmâ manmâ âgâmbiâ Noaŋe waŋga kâlegen âgâep. Âgâambo âlepne manden dâmbiâ umatne miawak yengiep. Are bo nângâm hanâk hanâk manbiâ tânâk humo momoŋe gembo ugurupne humo togom luâk âmbâle hârok mem kawut yekto mom meteyi. Aregât dop hainâk siân âmâ luâk âmbâle aregât sop bonângâmbiâ luâk akmâ geân nâ gere umatne humo miawak yengiwip. <sup>40</sup>Sop ain âmâ luâk lâuwâ âiângen manbela ainâk Anutuŋe luâk konok mem konok âmâ hepunbiap. <sup>41</sup>Akto sop ain âmbâle lâuwâ âi membela ainâk Anutuŋe

âmbâle konok mem konok hepunbiap. <sup>42</sup>Akto Humoyeņe nâ togowiangât sop bo nâņgâmai aregât ye damun kârikņe akmâ manbei. <sup>43</sup>Aregât den ginņe siâ makbe. Kepia amboņande gasa hândâgân togowiap aregât sop nâņgâm âmâ ain biwi golâk tatmâ emet kepiaņe damungombo âmâ bo bâliañbiap. <sup>44</sup>Dop hainâk luâk akmâ geân nâ lâuwâņe gewian aregât sopņe bo nâņgâmai aregât yeâmâ biwi pâlâmņe akmâ bo nâņgâ niņbâigât nâņgâmâk biwi golâk damun nugum manbei.

#### **Biwi asiņ bâlâk manbaen.**

<sup>45</sup>Aregât den ginņe siâkâ maktere nâņgâņet. Luâk koldâ siâņe hoņ bawalupņe yeņgât damun siâ katmâ hin dâm magañbiap, “Arim mandere gâņe damunyeņe akmâ sopņânâk sot me soņgo are dop yeņânâk yeņgim manben.” <sup>46</sup>Hain dâm hepun yekmâ arimbo damunyeņe arekņe âi aregât biwiņande mem heņgemgom humoņande purik katmâ togom ekmâ okot âlep nâņgâ añbiap. <sup>47</sup>Hain akbiap aregât hângât sikum siâ siâ are hârok damungoâk dâm magañbiap. <sup>48</sup>Dâ humoyeņande damunyeņe akmâ manben dâm arimbo âmâ damunyeņande biwiņande hin nâņgâwiap, “Kotdânande hepun nekmâ arim sop kâlep mandâp imâ dowâk bo togowiap.” <sup>49</sup>Hain nâņgâm âmâ luâklupņe are bugâ yeņgum âmâ tu kârikņe nem biwi gulip akmai yâk olop hain akmâ manbiap. <sup>50</sup>Hain akmâ hilipkom biwi pâlâmņe akmâ mando humoņande ainâk togowiap. Are bo nâņgâm mando humoņande dowâk sân sânâk togom <sup>51</sup>ekmâ yeņgum bâleņe akyeņgiep aregât mem kom gâimbo itik matik akto hiaņgi luâk âmbâle yâk olowâk hemem kâlâpgât pat akbai. Akmâ indem kamboņmâ hâk hilâlâm nâņgâwai.” dâep.

#### **Âmbâle bât biken hârok yeņgât den ginņe.**

**25** <sup>1</sup>Akto Yesuņe den ginņe siâ hin magep, “Sop humoân Anutuņe damunyeņe akbiap amâ âmbâi kâmņe bât bip bip hârok yâkņe agi dop hain akbai. Amâ luâk siâņe âmbâle siâ miep arekņe yâk yeņgâlân togowerâm agep. <sup>2-4</sup>Akto âmbâle momerâk âmâ biwi golâk damun agangim manmini aregât manmâ pagaleņe akto pagaleņe tuņe kâlegen kâim âmâ tu bikņe hâpuņân kâimbiâ gembo mem ariyi. Akto âmbâle bikņe momerâk are âmâ hanâk hanâk manmini aregât pagaleņe akto pagaleņe tuņe kâlegen mem âmâ tu hâpuņân bo kâimbiâ gembo mem ariyi. <sup>5</sup>Hain manmâ tatbiâ luâk âmbâle miep arekņe titnan togombo etemņe tatmâ asiņ yem mali. <sup>6</sup>Hain akbiâ hândâk timoņân luâk siâņe hin dâep, “Luâk âmbâle mendâp ina togoâp gârâmâ ari dâwân peniaņmâ kewugumbiâ togoņet.” dâep. <sup>7</sup>Akto âmbâi kâmņe arekņe agatmâ pagaleņeyeņe are membiâ ululunņe humo oep. <sup>8</sup>Hain akto âmbâle hanâk hanâk manmai arekņe âmbâle nâņgâ nâņgâyeņe âlepņe are hin makyeņgiyi, “Pagaleņenenņe bokberâm aktâp gârâmâ yeņe tu siâ

potatmâ kâim nenginet.” dâyi. <sup>9</sup>Hain dâmbiâ âmbâle nângâ nângâyeyê âleppe arekpe hin makyengiyi, “Bo. Tu irekpe nengât dop bo. Gârâmâ bo akbopgât ye arim anjim nene emetjângen arim yeyek puligonjet.” dâyi. <sup>10</sup>Hain dâmbiâ yâk tu are puligowerâm anjim nene emetjângen arim manbiâ luâk âmbâle miep are togoep. Akto âmbâle wan me wan mem dunjân ketugum tali yâk luâk are olop sot songo nemberâm emet kâlegen âgâm hângi gisapkom tali. <sup>11</sup>Akto âmbâle bikpe are hami togom hin magi, “Humonenpe gâ hângi mem katnengi.” dâyi. <sup>12</sup>Hain dâmbiâ luâk arekpe hin makyengiep, “Nâ ye bo nângâyengiân.” dâep. <sup>13</sup>Aregât keipe hin. Nâ sop humoân togowian aregât bo nângâi aregât biwiyenjaet damun kârikpe akmâ manbei.

### Luâk puli geârâk yengât den.

<sup>14</sup>Akto aregât den ginpe siâkâ makbe. Luâk siâpe kâlewângen ariwerâm hin agep. Luâk arekpe âi luâkluppe yengondo togombiâ hin makyengiep, “Wan me wan tatniñdâp iregât damun kârikpe akbei.” dâep. <sup>15</sup>Akto âi luâkluppe are yengât agak memeyeppe akto âi memeyeppe aregât keipe nângâm kinmâ âi luâk siâ ikiyeâk ikiyeâk âi dopyenân puli hin yengiep. Siâ ito momerâk akto siâ ito lâuwâ akto siâ ito konok puli lugumbo giep. Hain yengim ikiye gem ariep. <sup>16</sup>Akto luâk ito momerâk miep arekpe anji goanji âi mendo puli arekpe puli oloñdo ito momerâk siâkâ miawakto 10 agep. <sup>17</sup>Akto luâk ito lâuwâ miep arekâ hainâk anji goanji âi mem ito lâuwâkâ oloñdo ito imbât miawagep. <sup>18</sup>Dâ luâk puli ito konok miep arekpe âmâ humoñjaet puli are mem ari lâm kendâm ain heambukto yiep.

<sup>19</sup>Akto manmâ manmâ sop kâlewâk akto âi luâk yengât humoyeppe are purik katmâ togoep. Togom âi luâkluppe puli meyi are olop den hejgemgowerâm agi. <sup>20</sup>Akto luâk ito momerâk miep arekpe puli siâkâ mem togo humoñpe are hin maganep, “Luâk humo ulikjân gâpe ito momerâk niñen arekpe âipe mem ito momerâk siâkâ yu meân.” dâep. <sup>21</sup>Hain dâambo humoñpe arekpe hin maganep, “Gâ âi luâk âleppe. Gâpe âleppe dondâ agen. Gâpe âi mem hejgemgom wan me wan bâlensiâ ire damunpe akmâ hejgemgoen aregât nâpe wan me wan ire hârokgât damunpe kat gektere kambiamne âleppe aktâp aregât heroñpe ak.” dâep. <sup>22</sup>Akto luâk ito lâuwâ miep arekpe togom humoñpe are hin maganep, “Ulikjân gâpe puli niñen arekpe âipe mem ito lâuwâ siâkâ meân.” dâep. <sup>23</sup>Hain dâambo humoñpe arekpe hin maganep, “Gâ âi luâk âleppe. Gâpe âleppe dondâ agen. Gâpe âi mem hejgemgom wan me wan bâlensiâ ire damunpe akmâ hejgemgoen. Aregât nâpe gâ wan me wan dondâ iregât damunpe kat gektere kambiamne âleppe aktâp aregât gâ hainâk kambiamge heroñpe agâk.” dâep. <sup>24</sup>Akto luâk ito konok miep arekpe togom humoñpe hin maganep, “Luâk humo nâ gângât keige nângân. Gâ

luâk kêrikje. Luâk siâje âi kêmetmap are gâje hindâm om nemat. Akto hân siâ luâk siâje sot koaje panmap ain gâje seŋgo orem om nemat. <sup>25</sup>Hain akmat aregât gâŋgât hamewakmâ puli niŋen ire mem arim lâm kendâm ain heambuktere yemap. Wan me wan ire gâŋgât aregât meak.” dâep. <sup>26</sup>Hain dâmbo humoje arekje hin magaŋep, “Gâ âi luâk bâleje. Gâ luâk konam. Akto luâk siâje kalam kêmelep ainba sot mem om nemat dât. Akto luâk siâje sot koaje panmap ainba seŋgo orem om nemat dât. <sup>27</sup>Aregât puli ire siâ waŋmenâ âi mendo puli siâkâ mendât dâine togomân âmâ are mendere ârândân akbop.” dâep. <sup>28-29</sup>Akto damunyeŋande tembe lokolupje hin makyenġiep, “Luâk bikŋande wan me wan dondâ memai amâ nâje dondâ siâkâ yeŋgiwian. Dâ luâk siâje wan me wan getek memai amâ wan me wan bâlensiâ kinajbiap are meman aregât ito konok are mem luâk ito momerâk miep are waŋŋet. <sup>30</sup>Akto âi luâk konam are âmâ watbiâ ginŋângen hândâkŋân are geâk. Ain gembo luâk âmbâle bâleje indem kamboŋmâ manbai are olop manbai.” Luâk kembu arekje hain dâep.

#### Yesuje mem potat nenekbiap.

<sup>31</sup>Aregât lâuwâje makbe. Luâk akmâ geân nâ purik katbian sop ain pagalenân aŋelolupne olop togom luâk âmbâle damunyeŋe akbian. <sup>32</sup>Akto lama damunŋande lama potatmâ biken katyekmâ nâniŋ biken katyekmâ akmap. Hain akmâ luâk âmbâle hârok enemnân mendugumbiâ mem potatmâ kâmot lâuwâ katyekbian. <sup>33</sup>Lama are âmâ bâte biken bungen katyekbian. Dâ nâniŋ are âmâ kanegen katyekbian. <sup>34</sup>Hain akmâ damunyeŋe nâje luâk âmbâle bâte bungen kinbai are hin dâm makyenġiwian, “Ewene damun akmap arekje ulikŋân hân himbim liunyelegewân bâte bâte manman âlepje katyenġiep are yeŋgimbo mem manmâ âgâm heroje akbai. <sup>35</sup>Nâje sotgât mop agu agu mandere yeje sot om niŋi. Akto tugât nâŋgâm mandere yeje tu niŋbiâ neân. Akto nâ kepia siân gâtje ina yeje kewugu nekmâ emetyenân katnegi. <sup>36</sup>Akto sâŋgum bâlâk mandere yeje sâŋgum niŋi. Akto kundat akmâ mandere togom nekmâ tân nuguyi. Akto humomolupnande kala busi kâlegen katnekiâ tatero togom okotyene nâŋgâm tân nuguyi.” <sup>37</sup>Hain dâre luâk âmbâle agak meme âlepjeâk akmâ manmai arekje den hâuje hin makniŋbai, “Humo, gâ maktât amâ bo nâŋgâen. Amuten gâje sotgât me tugât nâŋgâmenâ giŋion? <sup>38</sup>Akto amuten gâ luâk kepia siân gâtje me sâŋgum bâlâk manmenâ <sup>39</sup>me kala busi kâlegen tatmenâ me kundat akmâ manmenâ tân guguyion? Nen amâ hain siâ bo akgiŋion.” dâwai. <sup>40</sup>Hain dâmbiâ damunyeŋe nâje hin makyenġiwian, “Nâŋgât kâmolân gâtje siâ yâkgât kotje bo tatâp are yeje tângoyi are amâ nâ tân nuguyi dop aktâp.” dâwian. <sup>41</sup>Hain dâm makyenġim benje luâk âmbâle bâte kanegen tatbai are âmâ hin makyenġiwian, “Ye luâk bâleje. Ekeŋet.

Anutuŋe Niambi akto yâkgât aŋelolupŋe kâlâwân katyekbian dâm kâlâp kalep ain manŋet. <sup>42</sup>Nâŋe sotgât mop agu agu mandere yeŋe siâ bo om niŋi. Akto tugât nânŋâm mandere tu siâ bo hâgâm gutmâ niŋi. <sup>43</sup>Akto nâ kepia siân gâtŋe ina yeŋe kewugu nekmâ emetyeŋân bo âgâ katnegi. Akto sâŋgum bâlâk mandere yeŋe sâŋgum siâ bo niŋi. Akto nâ kundat agân me kala busi kâlegen katnekbiâ talân sop ain bo togom negi.” <sup>44</sup>Hain dâre hin makniŋbai, “Woe, amuten gâŋe sotgât me tugât nânŋâen me luâk kepia siân gâtŋe me sâŋgum bâlâk manmenâ me kala busi kâlegen tatmenâ me kundat akmâ manmenâ âmâ bo tân guguyion?” dâwai. <sup>45</sup>Hain dâmbiâ hin dâwian, “Yeŋe nânŋât kâmolân gâtŋe gegeŋe are bo tânyeŋguyi âmâ yeŋe nâ hainâk bo tân nuguyi dop aktâp.” dâwian. <sup>46</sup>Hain dâm watyektere kâlâwân arim hâk hilâlâm dondâŋe nânŋâm âgâwai. Dâ luâk âmbâle âlepŋe amâ kewugu yektere manman âlepŋân manmâ âgâwai.” dâep.

### Yesuŋe mombiapgât makyeŋgiep.

**26** <sup>1</sup>Yesuŋe den are hârok makmâ metem sop ain hoŋ bawalupŋe hin makyeŋgiep, <sup>2</sup>“Nânŋâi. Hombaŋ kotŋe Pasowa aregât sop amâ hilâm lâuwâ akto miawakbiap. Ain luâk akmâ geân nâ lâwinân nuguwaigât mem miawak nekbai.” dâep.

<sup>3</sup>Akto sop ain sumbe kat kat luâk akto Israe yeŋgât humomolupyene arekŋe sumbe kat kat yeŋgât humoyeŋe siâ kotŋe Kaipa aregât emelan mendugum <sup>4</sup>Yesu hianŋim mem kondeneŋe moâk dâm aregât yoŋâk magaŋgi goaŋgi agi. <sup>5</sup>Hain akmâ benŋe hin magaŋgiyi, “Hombaŋ kâmbokŋân ire hain bo akberen. Ageine luâk âmbâle dondâ kuk akbiâ bugâ humo miawakbopgât.” dâyi.

### Âmbâi siâŋe Yesu tu higenŋe âlepŋe puliaŋep.

<sup>6</sup>Yesuŋe Betania kepiân luâk siâ diwi bâleŋe agep kotŋe Simoŋ aregât emelan talep. <sup>7</sup>Emelan tato âmbâle siâŋe tu higenŋe ukenŋe hâpurâ puliŋe âgâ âgâŋe are mem yâkgâlân togoep. Togom tu higenŋe ukenŋe are Yesu sot nem tato ain yâkgât kautŋân kâiep. <sup>8</sup>Akto Yesugât hoŋ bawalupŋande are ekmâ nânŋâmbiâ ârândâŋ bo akto hin magaŋgi goaŋgi agi, “Wangât tu higenŋe ukenŋe ire yân kâiâp? <sup>9</sup>Nenŋe ire mem arim yeŋgienŋe dâine luâk bikŋande puli humoŋe puligombiâ puli are mem arim luâk umburuk yeŋgiwâen ina.” dâyi. <sup>10</sup>Hain dâmbiâ Yesuŋe den are nânŋâm hin makyeŋgiep, “Wangât ye âmbâle iregât kakŋân umatŋe katâi? Hepunŋet. Agak meme âlepŋe dondâ akniŋdâp are nânŋaŋdere âlepŋe aktâp. <sup>11</sup>Luâk umburuk âmâ ye olop sop kâlep manbai. Dâ nâmâ ye olop sop kâlep bo manbian. <sup>12</sup>Âmbâle irekŋe tu higenŋe hâknân kâiâp ire âmâ sumân katnekbai aregât dopŋe aktâp. <sup>13</sup>Nâ den bunŋe makyeŋgire nânŋâŋet. Hânŋe hânŋe âmâ den pat âlepŋe ire makyeŋgiwai



akto âmbâle irekŋe wan me wan akniŋdâp irekŋe âkâ olowâk makbiâ yâkgât nânġawai.” dâep.

### Yudasije Yesu hâkŋe tunmâ puli miep.

<sup>14</sup>Akto sop ain hoŋ bawalupŋe keiân lâuwâ are yeŋgât hut yeŋân gâtŋe siâ kotŋe Yudasi Karioto gâtŋe yâkŋe sumbe kat kat luâk yeŋgât humomolupŋe yeŋgâlân ariep. <sup>15</sup>Arim hin makyenġiep, “Yeŋe wan niŋbiâ âmâ nâŋe Yesu yâgâten tatberâp ain kewugu yekmâ arim ire dâm hekat yeŋgire membai?” dâep. Hain dâmbo puli koaŋe 30 waŋi. <sup>16</sup>Akto sop ain âmâ yâkŋe keiŋe katmâ gain gain aktere Yesu meŋet dâm aregât âi mem malep.

### Yesuŋe luâklupŋe olop sot neyi.

<sup>17</sup>Akto Pasowa hombaŋ aregât sop are miawakto hoŋ bawalupŋande Yesu hin magaŋi, “Emet wanân sot om katenŋe memberen?” dâyi. <sup>18</sup>Hain dâmbiâ yâkŋe hin makyenġiep, “Ye Yerusalem âgâm âmâ ain luâk siâ ekmâ âmâ hin magaŋbei, “Tiksaŋe hin maktâp, “Emelâk nânġât sop ewumâk aktâp gârâmâ nâ hoŋ bawalupne olop gânġât emelan sot memberen.” tiksa hain dâp.” dâwei.” Yesuŋe hain dâm makyenġim huŋgunyengimbo ariyi. <sup>19</sup>Arim Yesuŋe magep hain akmâ sot soŋgo are mem dumŋân dumŋân ketuguyi.

<sup>20</sup>Akto emet enġaiŋe akto Yesu akto hoŋ bawalupŋe keiân lâuwâ olop sot nem tatmâ <sup>21</sup>yâkŋe hin makyenġiep, “Nâ makyenġire nânġaŋet. Yeŋgât hutyeŋân gâtŋe siâŋe nânġât gasa kewugu yekto menekberâi.” dâep. <sup>22</sup>Hain dâmbo nânġâm biwiyenġe umatŋe akto siâkâ ikiŋeâk ikiŋeâk hin magaŋi, “Amâ nâ mon?” dâyi. <sup>23</sup>Dâmbiâ hin makyenġiep, “Luâk yu kondo konogân sot olop memberet irekŋe nâ mem miawak nekberâp. <sup>24</sup>Anutuŋe makto kulemgoyi aregât den bunŋe akberâpġât âlepŋe luâk akmâ geân nâ momberân. Gârâmâ luâk nâ mem miawak nekberâp are memenande bo miep dâine owâiŋe agaŋbop. Amâ umatŋe humo miawagaŋbiap.” dâep. <sup>25</sup>Hain dâmbo luâk kotŋe Yudasi Yesu mem miawagep arekŋe hin magaŋep, “Apo, nâmâ bo me?” dâmbo Yesuŋe hin magaŋep, “Amâ ya gugak maktât are.” dâep.

<sup>26</sup>Akto sot nem tatmâ Yesuŋe sot siâ mem Anutu mepaiŋe mem âmâ munditmâ hoŋ bawalupŋe yeŋgim hin makyenġiep, “Ire mem neŋet. Ire âmâ nânġât sunumne aregât dop.” dâep. <sup>27</sup>Akto waiŋ hâpurâ siâ mem Anutu mepaiŋe mem âlepŋe dâm magaŋmâ kâim yeŋgim hin makyenġiep, “Ye hârok tu ire mem neŋet. <sup>28</sup>Ire amâ Anutu olop irakŋe dewatiakbaigât hepne amâ luâk âmbâle dondâ yâk yeŋgât dosa bo agâkgât kâiwerân. <sup>29</sup>Nâ hinŋe waiŋ koaŋe bunŋe bo memberân gârâmâ yân manmâ hâmbâi Anutuŋe lâuwâŋe damunyeŋe akberâm keiŋe kato ain ye olop nem agak meme irakŋe akmâ heronŋe akbian.” dâep.

**Yesuma Gesemane kalamân ariyi.**

<sup>30</sup>Hain dâm makyengimbo Anutugât kot mem agatmâ kep siâ membiâ bo akto arewa sopanmâ Oliwa gimbânân âgâyi. <sup>31</sup>Âgâm ain hon bawalupne hin makyengiep, “Anutuje makyengimbo kulemgoyi bikje hin tatâp.

Anutuje hin dâep, “Nâje lama damunyeje kondere mondo lama are awam akmâ kâit akmâ metewai.”

Den pat bunje miawakto menekberâm togombiâ ye hamep akmâ hârok gem awam akmâ hanâk hanâk ariwerâi. <sup>32</sup>Akto nugumbiâ mondere han nugumbiâ momoñânba agatmâ arim Galilaia hânân lâmyengure Galilaia hânângen menduguwai.” dâep. <sup>33</sup>Hain dâmbo Petoroje hin magañep, “Gângât gasa togombiâ hamewakmâ ariwerâi me bo. Bo nânğân. Dâ nâmâ bo hepun gekberân.” dâep. <sup>34</sup>Hain dâmbo Yesuje hin magañep, “Makğindere nânğâ. Hândâk uñak gâje nânğâ yâkgât kotje bo nânğâman dâm makyengimenâ âlâwu akto ainâk gokorok indewerâp.” dâep. <sup>35</sup>Hain dâmbo Petoroje kârikje akmâ hin dâep, “Bo. Nâ gâ olowâk mombaet aregât hamep bo aktân. Akto nâ gângât kotje bo mem heambukberân.” dâep. Akto luâklupne hârok hain dâyi.

<sup>36</sup>Akto arewa arim kalam siâ kotje Gesemane ain ariyi. Ain arim Yesuje hin makyengiep, “Ye in tatbiâ indâgen kinmâ Apo olop den magañiweret.” dâmbo ain tali. <sup>37</sup>Hain tatbiâ hutyeñânba Petoro akto Sebedaiogât nanlogâtje meyekto bayi. Ba kinmâ biwiñe umatje akto hin dâm makyengiep, <sup>38</sup>“Ye âmâ iren damun tatjet. Biwine umatje dondâ akto gain gain akberân aregât tân nugum tatjet.” dâm makyengiep. <sup>39</sup>Makyengim hepun yekmâ getek indânñânba hânân ge tatmâ Anutu hin magañep, “Ewene uñak umatje miawak niñberâm aktâp aregât bo niñ dâm ulit ģindân. Gârâmâ gâje âmâ nânğât han nânğâ nânğâne bo watben. Guge hange nânğâ nânğâge watben.” dâm magañep. <sup>40</sup>Hain dâm gutmâ yem tatbiâ yekmâ Petoro goañmâ hin magañep, “Ye wangât asiñ yendâi? Hinje hepun yektân ina pâlâmje yendâi. <sup>41</sup>Biwiyeñande âmâ laune lokowerâm aktâp. Dâ hâkyeje âmâ konam aktâp aregât agak meme bâleje arekje togom dop yeñguwerâm akbopgât damun kinmâ Anutu ulilañjet.” dâep. <sup>42</sup>Hain dâm makyengim purik katmâ bam lâuwâñe hainâk Anutu magañep, “Ewene, gain gain nânğât? Uñak âi niñ aregât makmenâ umatje miawak niñâkgât nânğât me? Hain nânğâmenâ âlepne agâk.” dâm magañep. <sup>43</sup>Magañmâ purik katmâ hon bawa âlâwu asiñgât dondâ nânğâyi aregât asiñ yembiâ yegep. <sup>44</sup>Akto hepun yekmâ bam âlâwuñe Anutu hainâk magañep. <sup>45</sup>Magañmâ metem purik katmâ yâk yeñgâlân gutmâ hin makyengiep, “Woe, wangât asiñ yendâi? Bâin. Emelâk Anutuje ire miawak niñbiapgât huñgun niñdo luâk akmâ geân aregât galanande heniñmâ gasalupne kewuguyekmâ togombo

menekberâigât sop ewumâk aktâp. <sup>46</sup>Gârâmâ bâin agatmâ indâre yekñet. Nânğât halop hogoâi ina togoâi. Agatbiâ arim penâyengine.” dâep.

#### Gasape Yesu meyi.

<sup>47</sup>Hain dâambo kinbiâ ainâk indâgenba Yudasine luâk dondâ sumbe kat kat luâk are yengât humomolupyene yengât kâmiti arekne hungun yengimbiâ bugâ soñ soñ membiâ Yudasine kewugu yekto togoyi. <sup>48</sup>Akto luâk gasa kewugu yekto togoyi are âmâ Yudasi Karioto gâtne luâk arekne gasa tirip katyengim hin makyengiep, “Yesu are âmâ lokom manğandere ekmâ âmâ hikom mem ariñet.” dâm makyengim kewugu yekto tâwât bugâ me soñ soñ mem togoyi. <sup>49</sup>Togom gasa are inğon kinbiâ Yudasine Yesugât enemñân âgâm Humone dâm lokom manğanlep. <sup>50</sup>Manğando Yesune hin magañep, “Gala, gâ wan me wan akniñberâm togoât are akniñmenâ miawagâk.” dâambo gasa Yudasi olowâk togoyi arekne âgâ Yesu mem hikoyi. <sup>51</sup>Mem hikombiâ luâklupne yengâlân gâtne siñe tâwât mem oloñmâ sumbe kat kat yengât humoyeñaet hoñ bawane siâ ondopñeâk kârâm hârembo giep. <sup>52</sup>Hain akto Yesune hin magañep, “Luâk siñe tâwâtne kuk akberâm mandâp amâ siñe tâwâtneak kârâmbo mombiap. <sup>53</sup>Gâ bo nânğât. Nâñe âlepne Ewene magañdere dâine âlepne yâkne aņelolupne dondâ niņdo tân nuguwâi. <sup>54</sup>Gârâmâ nâñe hain aktân dâine Anutuņe nune mombian dâm makyengimbo kulemgoyi denne are bunne bo akbop.” dâep. <sup>55</sup>Akto sop ainâk Yesune luâk kâmot togoyi are hin makyengiep, “Ye tâwât bugâ lokom togoâi ire nâ me luâk kâmburâ siâ agaņberâm togoâi? Nâ hilâmne hilâmne sumbe kat kat emetñân kinmâ den pat makyengiman. Sop ain menekbâi gâten. <sup>56</sup>Anutuņe hârok nânğâm makyengimbo kulemgoyi are yendâp are bunne miawagâkgât hinne menekñet.” dâambo hoñ bawalupñande hamep akmâ hepunmâ gem awam agi.

#### Yesu den âiân kali.

<sup>57</sup>Akto Yesu mem sumbe kat kat are yengât humoyene kotne Kaipa yâkgâlân ariyi. Ain arimbiâ Mosegât den kepikmâ hekatyengimini are akto Yuda yengât kâmiti hainâk ain mendugum kili. <sup>58</sup>Luâklupne hamewakmâ arimbiâ Petoroņe konok purik katmâ yoņâk hamiñangen yoņâk watyekmâ togom emet kili aregât ginñanba ba sombeimân kilep. Bam âmâ luâk humo aregât tembe lokolupne yengât hutyenân tatmâ wan me wan agaņberâi are ekberâm talep. <sup>59</sup>Tato sumbe kat kat luâk yâk yengât humoyene akto Yudagât humomolupyene arekne luâk niņande Yesugât agak meme are nânğâp are makto kone dâm lâmgom kili. <sup>60</sup>Hain akmâ luâk dondâne hianğim den aņgâ hogom togo hâkñân hâkñân agi. Akto denyene aregât keiņe nânğâmbiâ Yesu kombiâ mombiapgât dop bo agep. <sup>61</sup>Akto bâiņe luâk lâuwâ siâ togom hin dâm hianjat, “Luâk

irekne hin makto nângâiyot, “Nâne Anutugât sumbe kat kat emetje ire gagaim patakore awam akmâ yendo hilâm âlâwu kâlegen nunak mem metewom.” dâep.” dâiyat. <sup>62</sup>Akto sumbe kat katyengât kautjande hutyenânba agatmâ kinmâ Yesu hin maganej, “Gâ wangât den hâuje siâ bo maknengiât? Den anjâ anjâ hogom togo hâkgân hâkgân aktâi iregât nângâmênâ ârândân aktâp me bo? Gain gain maknengimenâ nângâne?” dâep. <sup>63</sup>Hain dâm magandjo Yesuje den hâuje bo maganjmâ denje nânjâk kilep. Akto humoyenje arekne totokomâk hin maganej, “Bâin, Anutu manman kârikne amboje yâkgât metenân kinden aregât makjindere maknengi. Gâ Anutuje nanje hunjun andjo gewiap dâmaen are me siâ?” dâep. <sup>64</sup>Hain dâmbo Yesuje hin dâep, “Amâ gâne ya maktât are. Aregât ye hârok hin makyenjiwe. Ewenaet enemjan manman aregât luâk akmâ geân nâ himbimânba hamandat kakjan gem âmâ hârok damunyeje akbian. Ain âmâ nekbai.” dâep. <sup>65</sup>Hain dâmbo humoyenje arekne den are nângâm biwiñe kâlâp akto aregât ikinje sângumne mem duwatmâ galalupne hin makyenjiep, “Bâin, siâne siâ siârâm akbiâ den âi humo membâen. <sup>66</sup>Luâk ire âmâ Anutugât kotje mem bâlimbo nângâen aregât ye gain gain nângâi?” dâep. Hain dâmbo luâk âmbâle mendugum kili arekne Yesugât hin dâyi, “Emelâk bugâgât pat aktâp aregât moâk.” dâyi. <sup>67</sup>Hain dâm enemjan tâwutkoyi. Akto bikjande ondopne kom hogom hin magani, <sup>68</sup>“Anutuje hunjun niñdo geân dâmat aregât bunje akto amâ aregât kârikjan konmâ ondopge hogoâp aregât kotje kon.” dâyi.

### Petoroje Yesugât munen agep.

<sup>69</sup>Akto Petoro injon emet aregât ginjan tato ainâk hoñ âmbâle siâne ekmâ hin dâm maganej, “Gâ Yesu olop Galilaia hânân maliat are me?” dâep. <sup>70</sup>Hain dâmbo luâk hârok dewunyenân are bo nângân dâm hin magep, “Nâ luâk kondât are bo nângandân. Akto den maktât aregât keñe bo nângân.” dâep. <sup>71</sup>Hain dâm arim âmâ sombeim ginjan kindo âmbâle siâne ekmâ luâk âmbâle ain kili are hin makyenjiep, “Woe, luâk ire amâ Yesu Nasarete gâtne yâk olop manmandat are.” dâep. <sup>72</sup>Hain dâmbo hin magep, “Nâ Anutugât metenân den bunje makjindere nângâ. Nâ luâk are bo nângân.” dâep. <sup>73</sup>Hain dâm getek ba kindo luâk enemjan kili arekne Petoro hin magani, “Yesu âmâ Galilaia hânân gâtne. Gâ den maktât are âmâ Galilaije makmai han hainângen maktât aregât gâmâ Yesu olop mali areyengâlân gâtne.” dâm magani. <sup>74</sup>Hain dâmbiâ Petoroje kârikne akmâ hin dâep, “Woe, hinje heyenjiwerân âmâ benje Anutuje nugumbo momberân aregât makyengire nângânet. Nâ yeje luâk kotje kondâi are bo ekman.” dâep. Hain dâmbo arekneak gokorok indiep. <sup>75</sup>Indembo nângâm Yesuje den hin maganej are hanjan ga miawagep, “Gâ gokorok bo indemboâk nângâ yâk bo nângâ anman dâmenâ âlâwu akbiap.” dâep are hanjan ga togombo nângâm dondâ indiep.

### Yudasije hip meagep.

**27** <sup>1</sup>Akto emet haundo sumbe kat kat yengât humoyeje akto Israe yengât kâmiti arekne Yesu kombiâ mombiapgât den maganji goanji agi. <sup>2</sup>Hain akmâ tâkne hikom mem kiap kotne Pilatogâlân ariyi. Ain arim waŋbiâ tembe lokolupŋande kala busi kâlegen kali.

<sup>3</sup>Akto luâk kotne Yudasi Yesugât gasa kewugu yekto meyi arekne Yesu kondeneje moâk dâm kili are yekmâ hanje purik kato puli koanje 30 waŋi are mem purik katmâ arim sumbe kat kat yengât humomo akto kâmiti hin makyenjiep, <sup>4</sup>“Nâne Yesu dosane bo ina bâlene agandere mem kombiâ momberâp aregât dosa humo aktân.” dâmbo hin maganji, “Maktât are amâ gângât dosa aregât guge hengem guguwiap.” dâyi. <sup>5</sup>Hain dâmbiâ biwiŋe bâlimbo puli koanje are sumbe kat kat emetjân ain pando hânân gembo sopanmâ ari ikiye hikoagep. <sup>6</sup>Akto sumbe kat kat luâk yengât humomolupyenande puli koanje are pitim mem hin dâyi, <sup>7</sup>“Puli ire amâ luâk moâkgât puli kat katne ina emet iregât katenje bo ârândân akberâp. Aregât gain gain akberen?” dâm maganji goanji akmâ puli arekne luâk siâ umbâ ketugumap yâkgât kalam siâ puligoyi. Hân are puligom hin dâyi, “Hân ire amâ hin akbiap. Luâk kâlewângenba togom manmâ mombai are in hanyenjuwaen.” dâmbiâ hain arekne bunje agep. <sup>8</sup>Hain akmâ hân aregât kotne Hepgât hân koli. Akto kot are hinje hainâk yendâp. <sup>9</sup>Hain aregât benje Anutuŋe ulikjân makto Propete siâ kotne Yeremiaŋe hin kulemgoep, “Israe luâk siâ moâkgât puli koanje 30 gasane waŋbai. <sup>10</sup>Hain katbiâ puli are purik kato mem luâk siâ umbâ ketugumap yâkgât kalam puligowai. Are amâ Humoŋe makniŋep.” dâm kulemgoep. Den are bunje miawakto sumbe kat kat luâk akto kâmiti arekne kalam are puligoyi.

### Kiapne Yesu moâkgât makmâ hâriep.

<sup>11</sup>Akto sop ain Yesuŋe kiap kotne Pilato yâkgât enemjân kindo hin aikoep, “Yuda yengât luâk humoyeje are gâ me?” dâmbo hin dâep, “Amâ gâne ya maktât are.” dâep. <sup>12</sup>Akto luâkne Yesu meyi arekne den aŋgâ aŋgâ hogom hâkŋân hâkŋân agi. Hain akbiâ den hâuŋe siâ bo makmâ yânâk kilep. <sup>13</sup>Hain akto Pilatoŋe Yesu hin maganep, “Nângâ. Den aŋgâ aŋgâ hogom togo hâkgân hâkgân aktâi aregât gâ den hâuŋe siâ wangât bo makmâ kindât?” dâep. <sup>14</sup>Hain dâmbo Yesuŋe den hâuŋe bo makmâ yânâk kilep. Kindo Pilatoŋe den hâuŋe bo magep aregât nângâmbo bimbiâk agep.

<sup>15</sup>Akto sop ain Pasowa hombaŋ aregât kala busi kâlegen gâtne aregât ukenyenjaet akmâ kotne konbiâ are watmâ akminep. <sup>16</sup>Aregât Pilatoŋe nângâm Yesu me bâlene luâk siâ kotne Baraba are watere yânŋângen ariâk dâm malep. <sup>17-18</sup>Akto Pilatoŋe hingât nângâm, “Sumbe kat kat

are yengât humomolupyeŋande, “Luâk âmbâle hârokŋe Yesugât kotŋe mem agatbiâ nengât kotnenŋe gewop.” dâm nâŋgâmbiâ bâlimbo aregât mem nâŋgâlân togoâi.” dâm nâŋgâm aregât hin makyenŋiep, “Niŋe Baraba me Yesu Anutuŋe huŋgun aŋdo giep dâmai are watere yengâlân geâkgât nâŋgâi?” dâep. <sup>19</sup>Akto Pilatoŋe ainâk tatmâ den siâ siâ nâŋgâm heŋgemgom kilep ainâk âmbenŋande yâkgât den katmâ hin magep, “Nâ asiŋân giwet siâ Yesu ekmâ heŋgemgom hanoko aktân aregât Yesu dosanŋe bo are bâleŋe bo aganben.” dâep. <sup>20</sup>A hârok nâŋgâm heŋgemgom tato âmâ sumbe kat kat are yengât humomolupyeŋe kâmiti luâk âmbâle are hanyenân gem wârâgi. Akto hin makyenŋiyi, “Konmâ wârakbiâkâ Pilatoŋe Baraba hepundo gembo âkâ tembe lokolupŋande Yesu kombiâ moâk.” dâyi. <sup>21</sup>Hain dâmbiâ Pilatoŋe lâuwâŋe hin makyenŋiep, “Ye luâk lâuwâ ire yâk hutyetŋân niŋe hepundere geâkgât nâŋgâi?” dâmbo hin dâyi, “Baraba.” dâmbiâ hin makyenŋiep, <sup>22</sup>“Dâ Yesu Anutuŋe huŋgun aŋdo giep dâmai ire amâ gain aganberângât nâŋgâi?” dâmbo hârokŋe hin dâyi, “Lâwinân kombiâ moâk.” dâyi. <sup>23</sup>Hain dâmbiâ hin makyenŋiep, “Woe, keiŋe wangât akto bâleŋe wan agep aregât kombiâ moâk dâi.” dâep. Hain dâmbo hin dâyi, “Hanâk lâwinân kombiâ moâk.” dâm wârâgi. <sup>24</sup>Pilatoŋe mem mulunyekto den gulip milip dondâ akbiâ ekmâ nâŋgâm dâmbo tu hâgâm waŋbiâ yâk yengât dewunyeŋân bâteŋe pulim hin magep, “Luâk dosa bâlâk manmap iregât dosanŋe nâŋgâlân bo hâtikowiap. Yeŋeak heŋgemgoŋet.” <sup>25</sup>Hain dâmbo dâyi, “Kombiâ momberâp aregât dosa amâ nengâlân akto nengât nan baratlupnenŋe yengâlân miawakmâ âgâwiap.” dâyi. <sup>26</sup>Hain dâmbiâ Pilatoŋe Baraba hepundo yâk yengâlân giep. Dâ tembe loko makyenŋimbo Yesu âmâ bugâŋe kombiâ hâk hilâlâm nâŋgâmbiâ lâwinân kondenŋe moâk dâm mem ariyi.

### **Tembe lokoŋe Yesu kom hâk hilâlâm waŋi.**

<sup>27</sup>Akto tembe lokoŋe Yesu mem kiap humogât kala busi kâlegen mem âgâyi. Mem âgâm tembe loko hârogâk yeŋgonbiâ togoyi. <sup>28</sup>Togombiâ den hembalik mâŋgim hin dâyi, “Woe, luâk humo.” dâm giriŋanmâ sâŋgum gilâm siâ luâk kembuŋe lalakmai hain are lalaŋmâ <sup>29</sup>tâk dâtâ dâtâ siâŋe irimut ketugum kautŋân kauŋaŋi. Akto kâro siâ bâteŋe bungen katbiâ miep. Hain mendo togo enemŋân pâwutyenŋe ligim katmâ hin dâyi, “Woe, Yuda yengât luâk kembuyeŋe.” dâm hianŋim giriŋaŋi. <sup>30</sup>Hain dâm tâwutkom kâro arekŋe kautŋân oreyi. <sup>31</sup>Hain akmâ sâŋgum gilâm are hiloŋmâ ikiŋe sâŋgum lalaŋmâ lâwinân komberâm mem ariyi.

### **Yesu lâwin parâŋân koyi.**

<sup>32</sup>Mem arim dâwân luâk siâ egi are kotŋe Simoŋ Kirene hânân gâtŋe wârakmâ tatbiâ Yesugât lâwin are lokombo ariyi. <sup>33</sup>Arim hân siâ kotŋe Goligata aregât den purikŋe âmâ kaut hagitŋe ain ariyi. <sup>34</sup>Arim âmâ

waiŋ akto biwi gulip tu kâim mendugum waŋbiâ getek nem nâŋgâm borâep. <sup>35</sup>Akto lâwinân kom mem anuŋbiâ kindo sâŋgumŋe memberâm kotyeŋe kulemgom kotyeŋe umbân panbiâ gembo bâtyeŋe panbiâ gembo kot siâ mem oloŋbiâ luâk kotŋe miawagep arekŋe Yesugât sâŋgum are meyi. <sup>36</sup>Akto ain tatmâ Yesugât damun kili. <sup>37</sup>Akto kom kautjân lâwin ulikŋân kulem kulemgoyi aregât keiŋe hin, “Ire âmâ Yuda yengât luâk kembu.” <sup>38</sup>Akto bugâ koko kâmburâ lâuwâ siâ Yesugât gasomŋe biken biken lâwinân yetkuyi. <sup>39</sup>Akto luâk âmbâle gam ariyi arekŋe Yesugât den hilit balit agaŋmâ hin dâyi, <sup>40</sup>“Woe, gâŋe hin dâmat, “Sumbe emetŋe gagaim hilâm âlâwu kâlegen lâuwâŋe ketuguwian.” dâmat aregât kârikŋe akmâ lâwinânba ge. Gemenâ benŋe gâ bunŋe Anutugât nanŋe dâweren.” dâyi. <sup>41</sup>Akto sumbe kat kat are yengât humomolupyenŋe akto Mosegât den kârikŋe makyenŋimini arekŋe hainâk den hilit balit agaŋmâ hin dâyi, <sup>42</sup>“Luâk aŋgâ âmâ tân yengumap. Dâ ikiŋe âmâ wangât bo tânaguâp? Akto Israe nengât kembu dâmap inarekŋe lâwinânba gembo ekmâ amâ den are bunŋe dâm nâŋgâweren. <sup>43</sup>Akto, “Nâmâ Anutugât nanŋe aregât tân nuguwiap nâŋgân.” dâmap aregât Anutuŋe tângombo lâwinânba gembo bunŋe dâweren.” dâyi. <sup>44</sup>Hain dâmbiâ luâk bâleŋe lâuwâ biken biken lâwinân yetkum hikoyelegi areâkâ hainâk den bâleŋe magaŋiat.

#### Yesu moep.

<sup>45</sup>Akto hilâm tânâmŋân ainâk hândâk humo dâgâm yendo enŋaiŋe agep. <sup>46</sup>Enŋaiŋe akto Yesuŋe ikiŋaet denân kot hin kolep, “Eli Eli lama sabaktani?” dâep. Aregât purikŋe amâ, Humone wangât hepun nektât? <sup>47</sup>Akto luâk kili bikŋande den are nâŋgâm hilip koyi aregât hin dâyi, “Âure nâŋgâŋet. Elia kondâp.” dâyi. <sup>48</sup>Hain dâmbiâ siâŋe pârigim arim sâŋgum papaŋe siâ kâroân bigeim bigeim waiŋ ŋasukŋân panmâ mem neâk dâm Yesugât lauŋân katmâ kilep. <sup>49</sup>Hain akto galalupŋande hin magaŋi, “Hepun. Eliaŋe bunŋe himbimânba gem tângombo lâwinânba gewerâp me bo aregât ekmâ kinne.” dâyi. <sup>50</sup>Hain dâmbiâ Yesuŋe lâuwâŋe kârikŋeâk kamboŋmâ ainâk moep.

<sup>51</sup>Mondo ainâk sâŋgum sumbe kat kat emetŋân kinminep ina tânâmŋânba duwalakmâ hâreagep. Hain akto wâriŋ humo mendo kât humomo hogo agep. <sup>52</sup>Akto sum bikŋe kepik akto Anutugât luâk âmbâle ulikŋân moyi are yengâlânba dondâŋe agatmâ bam guli. <sup>53</sup>Sum hepunmâ agatmâ âmâ benŋe Yesu agalep sop ain Yerusalem kepiân arimbiâ luâk âmbâle dondâŋe yegi. <sup>54</sup>Akto Yesu moep sop ain tembe loko humoyenŋe siâ akto Yesu damunŋe akmâ kili arekŋe wâriŋ humo are nâŋgâm akto wan me wan miawagep are ekmâ hamep keirâk akmâ hin magi, “Woe, luâk ire amâ Anutugât nanŋe bundâk.” dâyi.

<sup>55</sup>Akto âmbâle bikŋe ain kili arekŋe getek kâlewânâk kinmâ egi arekŋe Galilaia hânânba Yesugât hoŋ bawa akbiâ olop mali. <sup>56</sup>Areyenŋât

hutyeñân gâtje amâ kotyeje hin, Maria Madala kepijan gâtje akto Maria siâ amâ Yakobo siâ akto Yose yâk yetgât memeyetje akto ambâle siâ Sebedaiogât nanlogâtje yetgât memeyetje.

#### Yesu hangoyi.

<sup>57</sup>Akto emet dâgâwerâm akto puli sikumdâ luâk siâ Yesu nânğanmai yeñgâlân gâtje Arimataia kepijan gâtje kotje Yosepe are togoep. <sup>58</sup>Arekje togom Pilato hin aikoepe, “Gain nânğât? Yesugât hâkje mem arim hangowerân. Âlepje me?” dâambo Pilatoje âlepje dâm tembe loko makyengimbo bam Yesugât hâkje lâwinân ba mem gutmâ Yosepe wañi. <sup>59</sup>Wañbiâ mem bam sâñgumje kau kau siâ mem Yesugât hâkje are katipkoep. <sup>60</sup>Hain akmâ mem ari kât dâpje parâ parâ siân Yosepeje mondere in han nuguwai dâm kendâep ain katmâ kât humo siâje hâkokombo tigiepe. Hain hâkokombo tigimbo Yosepe Arimataia gâtje ariep. <sup>61</sup>Akto Maria Madala gâtje akto Maria siâ are olop Yosepeje Yesu kât dâpñân kato talep ain taliat.

<sup>62</sup>Akto emet haunjo Sarere akto sumbe kat kat are yeñgât humomolupyene akto Parisaio luâk arekje Pilatogâlân ariyi. <sup>63</sup>Arim hin magañi, “Humonenne, Yesugât ulit giñdenje gain nânğât? Yesu hiangi luâk arekje malep sop ain den siâ hin magep, “Nugumbiâ mondere han nugumbiâ hilâm âlâwu akto ain amâ momoñânba golâ akmâ agatbian.” dâep. <sup>64</sup>Hain gârâmâ gâje tembe lokolupge bikje makyengimenâ sum dâpje are gisapkom heñgemgombiâ kindo hilâm âlâwu bo akbiap. Ageine hoj bawalupñande togo hâkje are lokom ari siângen hangom luâk ambâle makyengim, “Emelâk sumânba agalep.” dâmbiâ sum pum are ekmâ bunje dâmbiâ hiangi den arekje sambelem arim amâ ulik gulik ewangiwope.” dâyi. <sup>65</sup>Hain dâmbiâ Pilatoje hin makyengiepe, “Yeje nânğât tembe lokolupne bikje meyekbiâ arim yejeak maktâi hain akmâ sum dâpje are tigim golâk tatmâ damunje akmâ kinbei.” dâep. <sup>66</sup>Akto arim sum dâpje are tigim heñgemgombiâ tembe loko bikje kât aregât damun kili.

#### Yesu agalep.

**28** <sup>1</sup>Akto Sarere bo akto emet haunjo Sonda hândâktâk Maria Madala gâtje akto Maria siâ arekje sumângen ariyat. <sup>2</sup>Akto ainâk wariñ humo miepe. Akto Humogât ajele siâje himbimânba gem kât humo are hâkokombo arimbo âgâ kakñân talep. <sup>3</sup>Akto ajele aregât enem dewunje pagaleje akto sâñgumje kau kau hainare agep. <sup>4</sup>Hain akto tembe loko ain kili arekje yâkgât hamewakmâ ongâyeje hogombo sân sân mem ge hân tete luâk momoñande yemai hain yeyi. <sup>5</sup>Akto ajele arekje ambâle lâuwâ are hin makyetkiepe, “Yet amâ bo hamep aget. Yet Yesu lâwinân koyi are ekberâm togoatgât nânğân. <sup>6</sup>Yâk in bo yendâp.



Yâk ulikņân magep hain akmâ emelâk agatâp. Yet gutmâ gewâkņe ire eget. <sup>7</sup>Ire ekmâ nânġâm heņgemgom âmâ benņe dowâk arim hoņ bawalupņe ireġât makyenġiet. Akto siâ hin makyetkire nânġâet. Yâk emelâk Galilaia hânân yâkņe soņ ariwerâm ariâp ġârâmâ ye aregen arim ekbei.” dâep. <sup>8</sup>Hain dâmbo âmbâle lâuwâ arekņe hamep agiat. Dâ biwiyetņande heroņe humo agiat. Hain akmâ sum are hepunmâ hoņ bawalupņe makyenġiwerâm pârġim kepiangen ariyat. <sup>9</sup>Akto Yesuņe dâwân yelek mâ hin makyetkiep, “Âmbâi lâuwâ.” dâep. Akto âmbâi lâuwâ arekņe enemņân bam ge hânân tatmâ keiņân mem heroņe agiat. <sup>10</sup>Hain akbela Yesuņe hin makyetkiep, “Yet bo hamewakmâ âmâ arim nânġât galalupne are makyenġimbela Galilaia hânân ariwei. Arimbiâ nâmâ ain arire nekbai.” dâep.

<sup>11</sup>Akto âmbâi lâuwâ are dâwân arim manbela tembe loko sum damunņe kili arekņe kepia humoân ariyi. Arim wan me wan miawagep areġât den pat are sumbe kat kat luâk yeņġât humomolupyenņe are makyenġiyi. <sup>12</sup>Akto sumbe kat kat yeņġât luâk humomolupyenņe akto kâmiti luâk arekņe yeņeâk mendugum den magaņgi goaņgi akmâ tembe loko are puli dondâ yeņġiyi. <sup>13</sup>Hain akmâ hin makyenġiyi, “Ye âmâ hin makbei, “Nen asiņ pâlâmņe yem mandenņe Yesuġât hoņ bawalupņande hândâġân togom hâkņe are petâm lokom ari siângen hangoyi.” dâwei. <sup>14</sup>Dâ kiap Pilato arekņe den ire nânġâmbo âmâ nenņe den siâ magaņdenņe ye hin me hain bo akyenġiwiap.” dâyi. <sup>15</sup>Hain dâmbiâ tembe loko arekņe puli mem yâkņe den makyenġiyi are watmâ hain agi. Akto den pat hiaņgi arekņe Yuda luâk yeņġâlân sambelem metiep. Areġât Yuda luâkņe den are hinņe hainâk makmâ manmai.

### Yesuņe aposolo miti âi yeņġiep.

<sup>16</sup>Akto hoņ bawalupņe keiân konok yeņeâk Galilaia hânân ariyi. Arim gimbâņe siâ ain togowei dâm Yesuņe tirip katyeņġiep gimbâņe ain togoyi. <sup>17</sup>Togom Yesu ekmâ heroņe agi. Bikņande nânġaņmâ âmâ kotņe konmâ nânġâmbiâ humo agep. Dâ yâk yeņġât bikņande âmâ nânġâ nânġâyenņe lâuwâ âlâwu agep. <sup>18</sup>Akto Yesu enem yeņân gutmâ kinmâ hin makyenġiep, “Anutu Ewenande meme akniņdo hân himbim me wan me wan hârok damunyeņe akmâ manmâ âġâwian. <sup>19</sup>Areġât ye arim luâk âmbâle hârok hânņe hânņe manbai are makyenġimbiâ bikņande biwiyenņe nânġâlân katbai are mem tuân katyekbei. Ewene akto nâ akto Heak nen konokġât akten areġât kotnenņe konok are konmâ tuân katyekbei. <sup>20</sup>Hain akmâ benņe wan me wan den kârikņe makyenġiân are hârok makmâ miawakmâ metewei. Dâ âi ire âlepņe agâġât nâņe hokboâk hokboâk tânyenġuwian. Hain akmâ tân yeņġum manmâ âġâre sop bo akbiap.” dâep.